

LEGISLATIVE BUSINESS
Bills for consideration and passing.

7. **PU AICHHINGA** to move that "The Mizoram State Agricultural Produce Marketing (Development and Regulation) Bill, 2008" be taken into consideration.

And

To move that the bill be passed.

8. **Dr. R.LALTHANGLIANA** to move that "The Mizoram Board of School Education (Second Amendment) Bill, 2008" be taken into consideration.

SPEAKER : "Atawp berah chuan unaute u, a dik apiang te, a zahawm apiang te, a fel apiang te, a thangmawi apiang te thatna reng a awm a, fakna reng a awm phawt chuan, chung chu ngaihtuah rawh u.

Philipi 4:8

Zawhna leh chhanna hun kan hmang ang a, Starred Question 221-na zawt turin Member zahawm tak Pu Zodintluanga ilo sawm ang.

PU ZODINTLUANGA : Pu Speaker, Starred Question No. 22 - na Public Works Department changtu Minister zahawm tak chhan atan.

- a) PWD hnuaiia hna thenkhatte hi NBCC kuta hlan tumna a awm em ?
b) NBCC hnthawhte hi Sorkarin tha tawkin a hria em ?
c) PMGSY hnuaiia hna thenkhatte hi NBCC kuta pek tum a ni em tih ka zawt e.

SPEAKER : Chhang turin PWD changtu Minister aiawhin Minister zahawm tak Pu Tawnlulia ka sawm e.

PU TAWNLUIA MINISTER : Pu Speaker, kan Member zahawm tak Buarpui bialtu Pu Zodintluanga zawhna chhanna chu hei hi a ni.

a) Chhanna chu - Awm e. b) Chhanna chu - Tha tawk vekin a hre lova, atul laiah a Department concern ten an enpui thin. c) -na Chhanna chu - Ni e, tih a ni.

PU ZODINTLUANGA

: Pu Speaker, zawh belhna, kan hriat theuh angin tunlaia PWD ten an kawng laih te, an hnathawh te, a thatzia te pawh helai House chungah te kan sawi thin a. Hmanni lawka Sitwe kawng laihna turah pawh Department dang BRO ai te a an hnathawh that zia te, kan hria a. Tin, NBCC Corporation anihna ang hian an hnathawh that loh te hi a taka hmutu chu Zoram mipuite kan ni a, kan Minister zahawm tak chhanna ah pawh an hnathawh that tawk loh zia te an hmu a ni a ti a. Tin, NBCC hnathawh dan hi a contract pe tu an ni a, a Supervising Authority an ni bawk a, hna hi anhmahni kutah engkim a awm a, a that leh that loh leh a bill petu te an ni thin a, hengah hian hna tam tak a that lohna chhan kan sawi hi a ni thin a, PWD hnuaiia hna te, PMGSY te, NBCC kuta hlan tumna awm mai hi ngaihtuah tham viauin ka hria a. Kan zauh duh chu kan Sorkar hi PWD hna ah mualphona a nei a, chu a mualphona chu Party Fund atan te, 3% te, he House chhungah ngei pawh admit a ni a. Khatiang kha an khawn nasa a, Zoram mipui hmuhah hian an mualphona hi vai an ni a, Corporation an ni a. Heng atang hian, mualpho lo zawkin a langsar lo ang a, donation kan tih 3% te 5% an lak theih a te hi lak a awlsam zawk an tih vanga, NBCC kuta hlan tum a ni em ? tih ka rawn zawt e.

LALTHLEGLIANA

: Pu Speaker, zawh belhna. PMGSY ah hian kawng engchena thui nge K.M. engzatnge laih anih tawh ? Tin, Black Top engchenge a nih tawh ? Laih lai mek K.M. engzatnge ? tih ka zawt duh a.

Tin, adang lehah chuan, hengte black topping bei mektu khu, a tih hmanhmawh tir theih deuh lawm ni ? an muang deuhin kan hria a. Serzawl kawng pawh black top titu khuan, a hmanhmawh lo deuhvin kan hria a ni. Chung chu hmanhmawhtir theih deuh ang em ? tih kha ka zawt e.

PU SAIKAPTHIANGA

: Pu Speaker, zawh belhna, PMGSY hnuaiia, hna NBCC pek tum hi eng hnate nge ni a, khawilai amite nge nile ? tih kha kan zawhbelh a ni.

PU LALDUHOMA

: Pu Speaker, hman deuh khan 'N'Vanlaiphai bialah ka han zin a, tahchuan PMGSY kawng laih hian heng khuaah hian tuikhur a lo chhilh a, siam tha leh turin V/C te pawn theihtawp chhuahin thuneitute an han be thin a. A kalkawng nen a tuikhur nen a chhilh sak vek a. Hei thal lai te a ni a. Chumi leh a piah khua Sailulak ah hian PMGSY kawngin a a tihchhiat in hnih (2 an awm a. Chung chu Bukte ah kawng kamah an khawsa a ni, kan kallai chuan.

Hemi thil pahnih hi Department hnenah ka thlen tawh a, tun thlengin chhanna ka la dawng lova. Kan Minister zahawm tak hian, he thil pahnih hi a lo bihzui thei em tih leh State sum atangin compensate te pawh pek a ni thin a, an pe ve dawn em ? Sing hnih khat a lungawi mai an ni, tam pawh a tam lo tih ka zawt duh a.

Tin, a dawt lehah chuan PMGSY hnuai hnthawh, a thawktu contractor te hnen atanga, a maintenance sum Sorkarin a cut sak thin hi tunah mai min chhang thei lo mahsela, engzat te nge an cut tawh, khawi hmun a mi nge an cut, engtinge Sorkarin chu chu a hmanzui tih hi, ziakin min hrilh thei ang em tih hi ka zawt a ni.

PU ANDREW LALHERLIANA : Pu Speaker, kan Minister zahawm tak hian a chhan theih loh pawhin vawiinni chawhnu lam, tlai lam pangah tal min pe thei se ka duh hle a. PWD hnuai hnthawh ho zawng zawng M.R. Bill bat sak hi engzat nge tih ka hre duh a ni.

SPEAKER : Kawng laih lam atangin M.R. Bill-ah kan lut kai hman tawh a. A tawh khat a ni ang e. Chhang turin Minister zahawm tak Pu Tawnluia i sawm ang.

PU TAWNLUIA MINISTER : Speaker, a hnunung atang khan M.R. Bill kha a in relate lo na chungin a ngen ang khan tih ka lo tum ang e.

Tin, Pu Duha han zawhna, Leng khua kha keipawh Pu Duha kal hnu lawk khan ka kal a. A piah khua, Sailulak nen khan, kan thu dawn a in angin ka ring a, Leng khua tuikhur phei kha chu kan SDO Lungdar ami kha chaw kan ei a, kan hawn khan nangmahnin lo verify ula, a tihdan lo ngaihtuah rawh u, keimahni pawhin kan siam mai ang, miin tui an neih loh si chuan a dik tak chuan construction siamtute khan an tichhia a. Khatah khan anni pawhin sum leh pai pawh an seng tur a ni a. Amaherawhchu, helai hi han sawi takah chuan development hna a lo tam hian a Department co-ordination pawh hi duhthu a sam loh chang a tam a. Chuvang chuan helai ah pawh Leng khua tuikhur kha chu keimahni PHE lampang pawh khan an lo va en ngei tih ka hria a. engpawh ni sela, keimahniin kha pawh kha lo bawhzui kan tum a. Tin, PWD lampang te nen pawh an lo inhre pawh thei turah chuan kan ngai a. Dik tak chuan a contractor khan engengemaw han ti mai se chuan a har lo viau a. Inhriatthiamna te hi awm thin se chu a tha khawp a ni. A piah Sailulak in chungchang pawh kha kan lo enzui ang e. Hei pawh hi keipawh ka dawng thova. Kei pawh ka thlen thova. A action lak dan tak erawh chu tunah hian ka sawi mai thei lo a, kan lo enzui lai a ni e, tih kha ka'n chhanna ni selangin.

Tin, Pu Thlenga, Mamit bialtu in a'n zawhna kha tunah hian PMGSY hnuai hian kawng hi laih zawh tawh hi KM 836

zet zawt a ni. Chu chu laih zawh tawh a ni a. Chumi zinga KM 194 chu black top pawh zawh tawh a ni a. Tin, tunah hian kawng KM 500 vel hi laih mek, la zawh si loh, la kal lai mek hi a ni tih kha ka'n chhanna ni sela. Lengte leh Serzawl kawng black topping kha chu theihtawpa chaka lo thawh pawh kan lo ltum dawn nia. Department lamin kan lo chhinchhiah ang a.

Tin, Pu Saikapthianga Kawrthah bialtu zahawm takin a NBCC ah eng hna te nge pek anih ang tih te. Pu Zodintluanga'n a engte hi nge pek tum tih lai te kha a tlangpui ah chuan hemi PWD hna hi a Work Load hi a lo sang ta viau mai a. Chuvangin PWD ngawr ngawr kha chuan back up dawn chuan hun a duh rei dawnin an in chhut a. Chuvangin PWD hian NBCC Service a hi avail kha tha dawnin an hria a. A bik takin Lunglei leh Lawngtlai District lam a PMGSY hna te hi chu a bik takin heng (Paremark kan ti nge ni) balck topping lampang te hi NBCC hian thawk ta sela. A chhan chu saw lamah sawn Bangladesh Border ah hian border fencing ah hna te an nei a. Anmahni tan khan take care a awl deuh ang e tih a ni a. Chuvangin PWD Work Load sang lutuk tak avangin Service PSU (Public Shelter Unit) hemi Central Sorkar pawhin a lo rin tawk ho a te hi ruai ila, tih ngaihdan a awm a ni tih kha kan sawi duh a ni.

PU R. LALZIRLIANA : Pu Speaker, khawngaih takin clarification hi PWD Work Load sang lutuk ta tih lai tak kha. Heng hnamdang contractor hian min chhuhsak ta vek emaw kan tih lai a, PWD Work Load sang lutuk kha enge ni Sorkar hian kan han pek belh tak tih kha khawngaih takin min chhang nghal thei em ?

PU TAWNLUIA MINISTER : PWD Work Load lo san viauna chhan a hi heng te hi an ni a. Multi Nodel Project Road from Myanmar - National Highway 144 kha hmannia Resolution kan pass kha. Kha pawh kha a belh chhahna tunhma a awm ngai hauh lo, tuna lai chho a ni a. Tin, ADB funded road project ah hian Serchhip - Buarpui road te, Champhai, Khawbung road te a awm a.

Tin, SARDB hnuaiah hian double lane a kawng siam tur Aizawl, Mamit, Tuidam kawng te a awm a. Tin, Lunglei Tlabung kawng te a awm a. Tin, National Highway 54 ah hian kawng siam lenna ah hianin hna tam tak a awm bawk a. Chungte avang chuan keimahni capacity ngawt chuan kan zo rih love. Mipuiin-a kan nghahhlelh em em tih puitlin theihna turin an ni Service a hi hmang teh ang kan ti a. Tin, PMGSY te hna hi kan pek ngawt theih a ni lova. RD Ministry atangin permission kan lak a ngai a ni a. Chuvangin keimahni thu ni ngawt lovin tha nia kan hriat Zoram mipui ten a kan nghahhlelh kawng tha kan neih ran theihna tur atana a thawktu tur dap kualna kha a ni a. Keimahni thawh tawk a hi chu a awm a, khami kan handle theih loh ldeuh hlek a kha a then chu, sawrchhuak ang hmiang tih ang a ni e.

PU LALRINLIANA SAILO : Pu Speaker, khawngaih takin kha kha PWD hi C.E. 3 awm tawh a ni a. An Work Load distribution pawh hi fel taka siam a ni a. Tunhma ngaihtuah chuan an hna tur hi an thawk lo hle zawk a ni. Chuvangin an zir chhuahna institution thuhmun theuh theuh hi engatinge kan Mizo Officer te thlah thla a vai kan tih tak. Tin, kan Minister zahawm takin Tlabung a sawi te kha kawng a chhe em em a, hmalak miah loh a ni a. Tin, Sitwe kawng te pawh hi survey alignment siam thar chauh a ni a, a stage hi a la hla lutuk a. Ka rin danin sanction pawh a lokal tawh anih pawhin kumin hian a la tih hman ka ring lova. Work Load tam tih chu thu belhchian dawlo a ni. Anmahni Officer hnen atanga kan hriat ngei pawhin an hna an thawl tawh lutuk a. Engineer in tih tur an neilo lek lek hi an vui lek lek zawk a ni. Aizawl khawpui a hma awm thlengin an chhuhsak ta a ni a, Work Load a tam tih lai kha chu a dik lo deuhin ka hria. Hnungthak in hiah tawna kha a awm em ni tih ka zawt a ni.

PU ZODINTLUANGA : Pu Speaker, a zawh lai khan kan zawhbelh ve lawk. Tuna a sawi kha chu project lokal tur vek a ni a. Work Load tam lai kha, mahse a rawn sawifiah tawh a. MDCC hi kan Sorkar hian contractor angin nge a chhawr dawn a, MDCC hian a hranpain tender a chhuah ang a, anmahnin contractor te an thawhtir dawn tih hi min hrilhfiiah theih em ?

PU TAWNLUIA MINISTER : Pu Speaker, kha tak kha chu a technical a, ka chan a ni lova, ka chhang theih rih lova. Kha kha chu nakinah a tul leh ka la rawn hrilh dawn nia. Tin, Work Load kha a sawi loh bakah khan Bharat Demand Project hnuaiah hianin khua 500 chin kha cover zawh vek tur tih a ni a. Kha kha Itun May thla chhung hian crore 550 zet estimate siam tur a ni a. Chuvang chuan, PWD Load chu a sang far far khawp a ni Pu Speaker. Tin, kan MDCC te hnathawh dan kalphung chu Department in RD Ministry ah Sorkarin phalna a lak phawt a ngai a. Chumia phalna ang chuan an inkar chu technicality a awm ka ring a. Kha kha ka chhan theih chin a ni e, Pu Speaker. (PU LALDUHOMA : Pu Speaker, ka zawhna maintenance chungchang kha min chhan hmaih tlat mai). PMGSY maintenance chu engtia hman nge tih kha maw. Kha kha ngen ang khan tun Session chhungin information rawn siam kan tum dawn nia, a pawimawh khawp mai

Tin, Pu Speaker, PSU te leh contractor te hnena thawhlawm dil thin a hi kan tih dan theuh kha a ni a. A percentage emaw percentage lo emaw kha chu mi thawhlawm pek ang a kha chu a kal tlang dial dial theuh a ni a, kan hrethiam maiin ka hria a.

S P E A K E R : Starred question No.222 zawt tur in Pu Lalrinliana Sailo ilo sawm ang.

PU LALRINLIANA SAILO : Pu Speaker, ka zawhna starred question No.222 Horticulture Deptt. Changtu chhan atan.

Horticulture Department hian Sapthei leh Grape sawrna tur kum 2008 hian sem leh a tum em ? tih ka zawt e.

PU H.RAMMAWI MINISTER : Pu Speaker, Member zahawm tak Pu Lalrinliana Sailo zawhna - Horticulture Department hian Sapthei leh Grape sawrna 2008 hian sem leh a tum em ? tih chhanna chu - tum e.

Amaherawhchu, Central atanga sum kan hmuh danah a in nghat ang, atam lamah chuan tih chu ka chhanna a ni e.

PU H.ROHLUNA : Pu Speaker, zawhbelh ka duh chu - Hei MIP atang hian Sapthei hi chin tir vak mai ani a. Hei hi a zawm ve a awm leh silova. Hetah pawh ka sawi tawh a, demand sawi ni ah pawh khan hei hi MIP atangin a zawrhna an pe leh thei silova. Ka zawhna chhanna-ah pawh hian MIP hnuaiah Sapthei zawrhna tur GI wire sem tumna a awm rihlo tih ani a. MIP atanga pektheih si loh, a khatiang a chhawmdawl tak tak theih bawk silo, central a inngah leh si a kan kut hnathawktute hetiang a kan sorkarin ngaihthah taka a dah hi a fel lova. Chuvang chuan MIP atang pawh hian State sorkar sumin Central-a inngat ngawt lo hian pek dan kawng a zawng thei em tih ka zawh belh duh ani.

PU S.HIATO : Pu Speaker, ka lawm e. Sapthei hi kan hlawhtling ang reng viau mai a. A bikin Champhai leh Khawzawl bial ah te tunah kan Agriculture Minister bial ah pawh kan bial ah pawh engemawzat chin ania. Helaia tharsa pawh hi hralh chhuah ngaihna awmlo khawpin an mangang a ni a. Sawlai ami pawh kan thar tan leh tawh a, engtingge hei hi tihsak min tum chiah tih ka zawt e.

PU ZODINTLUANGA : Pu Speaker, zawhbelhna. Tum e a ti a. Central Sorkar atanga sum kan hmuh chuan

Rajiv Gandhi Stadium sak tum ang deuh
niin ka hria a. Sum kan hmuh dawn chuan
kan sa puitling tih a ni a. Central Sorkar atang khan sum hmulo ta se, kan pe thei
dawn lo em ni? tih ka zawt e.

PU LALDUHOMA : Pu Speaker, Sapthei chingtute harsatna ber
hi chu an mamawh huna a zamna an
hmulo leh tin khat hmun chauh hi chu
eizawna a tling zo lo tlat mai si a ni a
chu aimaha an harsatna chu a hralhna hi ani. Khawzawl leh Chawngtlai ka tlawh a,
ala rei lova, an Sapthei thar ang ang kha sorkar hian a lei sak thei tlatlo mai a, a
bat sak bawk thin a, chu chu an afford nganglo ani. Chuvangin an thar ang ang hi
sorkar hian ba lovin a lei sak thei tawh angem, chumi atan chuan sum leh pai
provision an ruahman tawk em tih ka zawt duh a. Tin, MIFCO ah an va hralh hian
a bukah an buai em em a weight bridge a awm loh avangin, heti zat angah I ngai
mai ang tiin an khua atanga an buk aia tlemin an pek angai ta thin a, an lost phah
thin ani. Chuvang chuan heihi alo nih loh theihna turin weight bridge hi siamsak
theih ani angem? Tin, an leisak theih lohna chhan hi MIFCO in a tui a siam hi
hralhna an hmu lo tihte hi a awm a, tak tak anih leh nih loh ka hre lova. A tui
sawr sa hralhnaah hian problem a awm anih chuan a raw Sapthei ah khan problem a
siam chho zel dawn a, henglaite pawh hi enge a awmdan hriatchian ava chakawm
ve.

PU LALRINLIANA SAILO : Pu Speaker, ka lawm e. Min rawn
supplement tha hle mai a ka sawi tur
tamtak an sawi a, kan ring nghal ang a. Ka
bial Khawhaiah te, a thenawm Chawngtlai te
kha kan ngaithla tawh a, tunah hian Horticulture Department in hma an la a, an ti tha
hle a, hun hmasaah pawh a thar te an leisak a mahse laklawh ngawih ngawih an
awm tlat ani. Thildang ti lovin khang kha eizawn nana hmang turin an lo innghat
tawh a, Sapthei te tunah hian a zam dem dum a ni. Tunah hian an V/C Member te
pawh kan inah an awm a hei hi chu a pawimawh hle mai a, an ti a. Central pawisa
lokal tur ngaihtuah lo hian emergency pawh hian tihdan a awm lawm ni, an kumkhat
hnathawh kha a thlawm dawn si a? tih kha kan zawhbelh a ni.

SPEAKER : A tam ta hle mai a. chhang turin Ministe
ilo sawm ang.

**PU H.RAMMAWI
MINISTER** : Pu Speaker, Member zahawm tak Pu
Rohluna zawhbelhna Central suma innghat
mai lovin pek dan a awm thei em? tih
khata Central sum atang ni lovin, keimahni
sum atangin MIP atang ten quintal 25000 ngawt hi hetiang atanah hian kan hmang
tawh a. A tul dan a zirin, tikhan kan hmang chho zel a ni a. Kuminah erawh hi

chuan Central sumah hian inngah theih dan awmin kan hria a. A chhan chu kan dahsa tuna an rawn clear loh pawh hi 13 crores nuai 1350 ngawt mai kha tuna an rawn clear theih loh a awm a. Kha kha zawi zawiin an rawn clear ve ta thin a. Chuvang chuan kha pawh kha kan duh tawh chuang lo. Kan Chief Minister zahawm tak hian tunah hian a buaipui mek a, Department atang pawhin tih kha ka'n chhang ni sela.

Tin, Member zahawm tak Pu Hiato a zawhna kha a dik khawp a, keini lamah, Chhim lamah, Saiha bial leh Sangau bialte chu kan inzawm a. Amaherawhchu, Pu Speaker, hetah hian harsatna pakhat a awm a. Sapthei ching reng reng lo, a huan pawh nei reng reng lote khan an lo la a. Ka biala mi ngei ngeite pawhin chu chu ka hrechhuak ta a. Khatah khan NGO te leh V/C te pawh kha an tel ve thova. Chuvang chuan verify phawt ula, in verify hnuah pe rawh u, stop rawh u ka ti a. Ka stop tir a, stop hnuah an verify ah chuan a dang daih a. Chuvang chuan, khilai area ah khi chuan kan area a ni bawh a, theihtawpin strict rawh u kan in ti a. Chung avanga a then hmu tura inngai hmu lo an awmna chhan kha. A huan nei loten dawn ve an tum vang a nia. Ka bialah pawh a ni tho, Saiha area ah pawh hianin a then chu an ni thova. A ching ngeiate erawh kha chu uluk takin pe ula kan ti a, kan pe chho ve zel a ni tih kha kan sawi duh a.

Tin, Pu Zodintluanga, Member zahawm tak ina Central atangin hmu lose, tih kha Central atang hian kan hmu zel a, kumtin hian kan hmu a. Tunhnai lawkah pawh hian kan hmu leh ang. Hmanniah pawh khan an lo kal a, kan rawn pe leh ang che u, an ti a. Tunhnai maiah hian thla khat thla hnih chhungah hian hmu turah kan inngai a, anmahni pawhin hmu turah min ngai tih kha kan sawi duh a.

Tin, Member zahawm tak Pu Lalduhoma sawi kha a dik khawp mai. Tin nga tin ruk hmun siamte hi an awm tawh a, zau deuh deuh siam inngah nan hmang an awm a. A tirah erawh chuan tin khat te te a kan tih loh chuan a duh an tam avangin zawi zawi a expansion programme in kal ila chuti lo chu enkawl a buaithlak ang. Tin, a duh an tam si a, kan ti a. Zawi zawiin expansion programme in kal a ni tih kha ka chhanna a ni.

Tin, MIFCO a weigh bridge awm lo tih kha chu MIFCO hi Industry hnuai a ni ta daih a; mahse, thurawn kan pe a, engemaw kalpui lai chu an nei turah ka ngai a. Kan inzawm avangin Industry hnuai pawh nise thurawn/tihdan tur kan pe a ni.

A leisak chungchangah chuan nikum pawh khan kan leisak a ni. Pu Deputy Speaker, sapthei ching ho hi, kan leisak a, mahse, farmer ho hian kan leisak ni lo hi tam tak tihral an nei a, a hlawk zawk avangin. Khawtin, hmun tinah an tiral ve tho a, MIFCO hian lei chu a leisak ngei a ni, a leina tur sum pawh Finance Department in an pe a, an leisak ngei a ni. Liability an nei a nih pawhin nuai 2/1 bak a nih ka ring lo a, a tam lovang. Chu chu a dinhmun a ni a, tihzel tur pawh a ni.

Pu Lalduhoma a ngaih pawimawh lai tak an sawr sa hralhna tur tih laiah khan Pu Speaker, ltunhmain problem kan nei thin a, kan hre theuh a. Tunah chuan khilalah khian an sawr ang a, a septic package khi khawl thar Foreign atanga an chah chhuah kha an install thei tawh em ? ka hre lova, thei tep lturah kan ngai a, a khawl a thleng kim tawh a. Transformer engengemaw a ngaih ve avangin an tithei lova. Tunah hian chemical preservation a tih a la ni tlat mai a, zep chi a ni lova. Chutichung chuan a lei turin Sairangah MIFCO in hmun an nei a. Sairangah hian bottling plant an ti ang a, a bottle kha a leitu tur MoU signed pui an nei tawh a. Tunah pawh hian chuti zat chu kan rawn la thei dawn tawh e tih information an rawn thawn copy nimin piah mai khan ka hmu a. MIFCO lam inpeih dan erawh chu ka hre lova. Kha lamah chuan kuminah chuan kan buai tawh lovang.

PU LALDUHOMA : Pu Speaker, ka zawhna kha a chhang fuh lo deuh hlek a, a then lai kha. Association hotute pawh an mangang a, min rawn pan a. Tunah hian a hralhna an nei lova.

Mimala open market a an lo hralh thei a nih chuan a lawmawm, an inngahna ber erawh chu Sorkar a ni. An thawhrah ang ang Sorkarin a leisak thei lo tih hi thudik a ni, a leisa pawh a batsak thin tih hi thudik a ni bawk. Chu chu a awm tawh loh nan tunah hian Finance Department in a leina tur a ngaihtuah sak, Chief Minister in nuai 10 a pe tih ang mai mai nilo hian Budget Provision ah hian harsa tawh lo turin an tuam hlawm em tih ka zawt a. Chu chu a lo awm lo a nih pawhin MIP ah pawh 20 crore kan nei a ni lawm ni duh duh a hman theih ? He harsatna hi awm tawh lo leh thlamuang taka expansion te pawh ti thei tur hian siam theih an niin ka hria a. Chu chu min assure thei em ? tih lai kha a ni ka duh chu.

PU R.RAMMAWI MINISTER : Pu Speaker, thudik chu ka sawi zawk a kha a ni a. Tunah chuan Sorkarin a lei a, Sorkarin a va hralh leh chhawn tia kha tunlai khawvel kalphung hi a ni lova. Public Private Partnership (PPP) in tunah hian kan kal tan tawh a.

PU LALDUHOMA : Pu Speaker, cheng sawmin kan laksak ang che u, an ti a. An chintir si alawm mawle. Chutia an ti leh si a nih chuan an bum tihna zuk nia

PU H.RAMMAWI MINISTER : Pu Speaker, kan bum lo, sorkarin an bum lo. MIFCO in an leisak a, an process a, Chhingchhip-ah an process sa kha MIFCO te leh company te nen agreement siamin Sairang ah hian an rawn ti thla ang a. Bottling Plant a siam a bottle in an siam ang a. Chu chu a hralhtu ten an hralh dawn, agreement an nei vek. Pu Speaker, MIFCO

hian MIFCO a hralh duh ta chu an la zel a ni. Nikumah pawh khan an la zel. Tin, State Level Grower Association pawh an awm a. Khilai Association pawh an awm a. Pu Speaker, an problem hi MIFCO Industry hnuai pawh nise theihtawpin kan sawi khawm reng a. Tunah chuan khatiang ang problem kha kan nei tawh lo. An batsak nuai hnih khat lek te kha chu MIFCO in a leina man tlemte an batsak a. Kha pawh kha pek nghal mai ltur a ni. A pawisa pawh tunah hian a pekna tur pawh kan ngaihtuah sak leh tawh tih kha ka chhanna a ni a. Chuvang chuan Pu speaker, tuna kan kalphung angah hi chuan sapthei expansion programme hi lian deuh a kalpui sorkarin a tumna chhan chu farmer te hamthatna tur atan kumtin tlang lo neih bansan a. Zimteaw hlawk zawka an kal theihna tur atan tiin, tuna, kum hnih thum, kum lo bawr vel chung ringawtah hian a zamna tur hi kan buaina a nih avangin Quintal sing sarh leh zathum sawmsarh pasarh ngawt hi farmer hnenah sem tawh a ni a. Pu Speaker, kan buaina ber pakhat zawka chu Sorkar lam pawh fel lohna tam tak kan nei ang. Farmer lam pawhin fellohna tam tak an nei ve a. Sapthei zamna tur atana farmer hnena sem hi a lo let leh ta thin a. Hralh chhawn a ni leh ta thin a. AMFU te kan pun a. District tinah rawng hrang theuh kan hnawih tir a, chuti chung pawh chuan kal lfuh lo hi a awm ta thin a, mahse, NGO te nen kan tang tlang a. Pu Speaker, tunah hi chuan a zia chho viau tawh e.

SPEAKER : Pu Andrew hi a ding hmasa tlatin ka hria. Chumi zawhah i ti dawn nia.

PU ANDREW LALHERLIANA : Pu Speaker, ka lawm e. Kha, Khawzawl chhehvel Chawngtlai te kan sawi a. Tin, ka bialah khian a bik takin Sapthei chu kan ti nasa a ni. Kan harsatna Ratu bialtu zahawm takin a sawi kha a dik a, la solve a la nilo, an harsatna chu tlangram lo nei te an kalsan a, tichuan eizawnnan hman an tum a, tahchuan MIFCO in an lei a, a bat sak a, a bat sak kha nuai hnih khat mai i tih kha a ni thin lo, a tam khawp mai. An pe mang lo a ni. Tahchuan an mangang khan pawisa te an puk a, eizawnnan tak tak a tlin lohna chhan chu lei saka pawisa pek theih loh te anih avangin an buai a, an puk a, an ba a, tikhan an buai a. expansion ti theilo khawpin an buai a ni. Chuvang chuan khawngaih takin hei hi khatianga nuai hnih khat lek ba ni lovin an ba zawng zawng tlak pawp selangin, an thar apiang lei sak selangin, expansion-na turin provision siam ula, tichuan, a tha mai dawn a ni? Chutiang chuan a tih theih lawm ni tih kha kan zawhbelh duh a ni e. Pu Speaker, ka lawm e.

PU LALRINLIANA SAILO : Pu Speaker, kan zawhna a chhanna atangin Minister zahawm tak khan Central atangin pawisa kan beisei hnai a tih bakah kan hmu reng a ti a, khami anih chuan tunah hianin an mangang si a, zamna neilo hemi original cristle la chak tak kha a ni a, tunah hian a tih theih mai lawm ni optimous te pawh kha an duh hunah chuan an ti mai si a. Khang te pawh kha rawn dah rawh ule, Quintal 50000 te pawh rawn ti mai se, vaibelchhe tam man a ni lo ang, aw, tih leh ai, tih mai chauh te kha a ni. An manganna, an duhna ah chuan vaibelchhe 59 pawh an ti mai si a.

PU R.LALZIRLIANA : Pu Speaker, Agriculture Minister zahawm tak ina a rawn chhanna kha hemi MIFCO-in an lei leh lei loh a kha, kan awih chiah lo deuh nge ni ka hre lova, Chairman MIFCO kha a awm ve reng thova, a sawifiah thei zawk lawm maw nile ?

SPEAKER : House kalphung a ni lova, a sawi chu a sawifiah theiin ka ring, mahse, House kalphung angin kan kal hi a tha ang e a, a sawifiah thei theiin kan sawi zel chuanin kan in sawifiah chhawk zel ang a, Minister kha a sawi theih ang ang a chhan theih ang ang chhang turin lo sawm leh ila.

PU H.RAMMAWI MINISTER : Pu Speaker, alawmawm e. Ni e, Member zahawm tak Pu Lalrinliana Sailo zawhna neitu sawi kha a dik, farmer te nen hian, A Grower te nen hian ti hian kan in pawh reng a. Chuvang chuan keini pawh theihtawpiin kan tang a, tun mai ah pawh hian kan Chief Minister zahawm tak chhuk tur a pawh hi, hei hi a first priority pakhat a ni a. Kan rawn release ang, kan rawn ti ang an ti keipawh min tiam thlap rawn release rih lo te hi an nei a, chu chu rawn release thei mai turah kan ngai a. Khami a fel kha chuan rang taka ke pen kan tum ang. Member zahawm tak zawhna neitu ang chiah khan a area hi Pu Speaker, kan chin tamna area anih avangin keini pawhin priority kan pe ang. Tin, expansion programme atanah pawh tunah chuan i chhin teh ang an ti a. Chawngtlai area pheiah khi chuan irrigation nen i tang teh ang a, theih chin chin hi chu, chuan thalah hian a rah reng e, an ti a. Chutiang ang chuan programme tunah pawh hian kan kalpui mek a ni tih kha ka sawi duh a. amaherawhchu, Khawzwl bialtu, Member zahawm tak Pu Andrew Lalherliana'n tam deuh bat sak a tih kha chu hmanni maiah khan khawchhakah ka kal a. Khazawlah pawh, a Grower Association te nen kan sawi dun a. Bat chu kan nei, nuai 5 vel a ni kan bat a kha. Cheng nuai nga vel a ni. Ka kal laia kan bat anmahni ina min hrilh chu.

PU ANDREW LALHERLIANA : Zokhawmi tana cheng sanghnih khat batsak kha, anni tan chuan na tak a ni. Nia, khang ho kha a za telin batsak avang khan, a khua khuain an harsa a ni.

PU H.RAMMAWI MINISTER : Pu Speaker, tam lutuk a ni lo. Mi hrang hrang ta an batkhawm a kha, a Grower

Association te nen khan kan sawi khawm a.
Rs. 5,00,000/- vel a ni a. Hei hi chu kei
pawhin ka rawn pui ang a. Kan rawn clear thuai ang e, kan ti a. Kan duhthawhna a
tha tlang a. Pu Speaker, alawmawm e.

SPEAKER : Thil chiang tak chu engemaw hunlai khan
sapthei chingtute sapthei hi a man bat sak a
ni. Tichuan, kan duhthusam tlangpuia chu
Member te a sawi tam takin an sawi kha
hetiang ang chi khitah khawl an bun tawh a. Tichuan, an kal mek a. Sapthei thartute
thar ang zawng zawng hi chu ba lova Sorkarin lak theih dan kawng hi ngaihtuah
hram hram se tih kha kan duh tlang vek niin ka hria a. Hmanniah aieng pawh kan
lei ang an ti a, Sorkarin. Kan House Leader, House Leader aiawhtu hianin
ngaihtuahna min lo hmansak ta sela, kumin chhoah hian, ba lova tihdan hram awm
ta sela, a Grower te tan a tha hle ang tihte kha ka'n sawi ve mai mai a ni.

Pu Sailothanga Sailo, Member zahawm tak
Starred Question No. 203-na zawt turin ilo sawm ang.

PU SAILOTHANGA SAILO : Pu Speaker, ka Starred Question 223 - na
Higher and Technical Education Minister
chhan atan - Mizoramah Institute of
Technologies din tumna Sorkarin in a nei
em tih a ni e.

SPEAKER : Higher and Technical Education Department
changtu Minister zahawm tak Dr. Lalzama
chhang turin ilo sawm ang.

Dr.LALZAMA : Pu Speaker, Nei e, tih hi kan chhanna a ni
e.

PU SAILOTHANGA SAILO : Pu Speaker, kan hriat angin Plan 11-naah
hian India ramah IIT - 8 leh IMM-7 India
sorkarin a sem leh dawn a ni awm a.
Hengte hi a itawm hle a. Sorkar hian chan
dan a ngaihtuah thei ang em ? Tichuan, Pu
Speaker, mihring leh ram changkanna bul ber Education tha a ni a. Education hi
mimal, company sorkar leh mipui mamawhte puhru tura kalpui thiam a pawimawh
hle a. Tunhma deuha kan zirna kha a ho kan ti mai thei a. Amaherawhchu, Pu
Speaker, tun hnuah hian kan hawilet hian khang hunlaia Society te mamawh kha a
puhru zo tlat a ni. Tunah erawh chuan kan zirna hian Society mamawh hi a puhru
zo tawh lo a ni. Chuvang chuan, Sorkarin nasa taka tan lak a ngai em em tawh a.
Pu Speaker, heng tuna kan han sawi ang IIT te leh IIM te nei thei tur hian quality

Education te, Career Guidance te, Coaching Class kan han tih te, mithiam lakluh kan han tih te, Vocational Institute tha din te leh manpower kan han tih Pu Speaker, manpower ah hian kan thalai India ram hmun hrang hrang mai bakah Foreign ram thlenga hna hrang hrang thawk tha tura thiamna leh theihna pek hi roreltu policy member te mawhphurhna liau liau anih avangin tuna kan Education hian mipui mamawh quality a pek zawh lova kan hriat avang hian kan thalai nula leh tlangval lekhathiam ten harsatna tam tak hi an tawk a ni.

Tichuan, Pu Speaker, ka zawhna chu hei ka zawhbelhna chu hei hi a ni. Higher Education ah kan Sorkarin achievement nei bawk mahse, a bikin Technical, Higher Education ah hian kan la hniam em em a ni. Chungte avang chuan kan tum an tih kha an tumdan kha Pu Speaker, ka zawh belh lduh a. chutah chuan, Mizoramah IIT, emaw a hming chu engpawh a ni ang. Kan Sorkar hian Mizoramah din a tumna hi engchen nge a thlen tawh ? tih leh Bio-Technology Mizoram Quota a zir mekte hi Sorkarin Stipend pek a tum em Tribal Scholarship tihpun tumna a nei em ? tih hi ka zawh belh hram duh a.

Tin, Technical hrang hranga zirlaite Stipend tihpun Sorkarin a tum em ? tih ang ho hi ka zawt belh a ni e.

SPEAKER : Le a pherh ta nuai mai han ti ila kan Minister hian a rawn funkhawm thiam ang chu maw; chhang turin Minister i sawm ang.

PU LALHMINGTHANGA : Kha kan Sorkar khan IIT din an tum tih han hriat kha alawmawm viau a, eng technology nge introduce a tum ? Eng subject nge engah hian nge a technology ho kha an propose ? tih kha kan zawt duh a. Tin, Technology rual hianin management hi tunlai khawvelah chuanin employment a sure em em leh zual a. Chuvang chuan IIM hi din tel an tum em tih hi ka zawt duh bawk a ni. Meghalaya te khu chuanin an ti reng tawh mai a. a awm hle mai a, tah hian kan sorkarin hma a lak tih kha ka zawt tel duh a ni e.

SPEAKER : Pu Lalchhandama Ralte.

PU LALCHHANDAMA RALTE : Pu Speaker, hmanni ka zawhna lo chhuakah khanin Medical College leh Engineering College din tumna a awm em ? tih helaia House a chhuak hman loah khan a awm a, tah chuanin Engineering College din tumna nei mek ang khan chhan a ni a. Medical College erawh chu Health Department subject angin rawn sawi a ni a. Khalaiah

khanin Engineering College kha a in relate deuh bawk a, engnge kan thlen chin tawh tih kha ka zawh belh deuh lawk a ni e.

**Dr.LALZAMA
MINISTER**

: Pu Speaker, nia kha Kawnpui bialtu zahawm tak ina IIT a tihte leh Pu Hminga'n IIM a tihte ang chi kha. Prime Minister of India Independence Speech ah pawh khan a lang a. IIM hi pasarih din ila, IIT pariat din ila. Tin, Polytechnic leh ITI hi 1600 kan din ang a, ram pumah hian Central University tur hi 30 kan din ang a, tin, vocational School hi 5000 kan din ang a, tin, skill Development Centre hi 50,000 kan din ang a, tin, IIT hi 21 kan din angte a ti a. Triple IT an tih maia hi Pu Speaker, chiang deuh hlekin kan sawi ang a, an zawh loh hrulah khanin han sawi awm tak awmin ka hria a. IIT tih hi Indian Institute of Technology tihna a ni a.

Tin, Triple IT an tih India ramah kan din ang an tih kha chu India Institute of Information Technology a ni a. Keinina kan din ang e tia University thar anga din kan beisei kan propose awm mek chu International Institute of Information Technology a ni ve leh a. Kawnpui bialtu zahawm tak leh Pu Hminga ten an han sawi kha, IIM hi chu kan mamawh vakin kan hre rih lo a. IIT kha a nia kan han beih a chu. Kan Chief Minister zahawm tak pawhin min ziahsak vek tawh a, Prime Minister ah. Tin, a Department lam pawhin Officialin kan ti a, kei pawhin ka zu thlen tawh a. Kei pawhin D.O. letter pawhin kan thlen tawh a, hemi IIT in han sawi taka kha chu, IIM erawh hi chu management lam course a ni a, tunah hian ICFAI University kan din a, tunah hian a tih theih tho mai a. Helaiiah hian a tih theih chuan mihring kan tlem si a, tiin kan sawiho a. Kan mamawh zawk IIT hi a tha ang a, kan ti zawk mah a ni. Tah hian eng subject nge han tih kha chu Computer lam chi leh Computer Education lam kha a ni deuh ber ang a. Computer Schience te, Computer engineering tihte, tin Information Technology tih lampang te a ni ang a. Khang kha hmun hrang hrang ah pawh hnathawh theihna tur leh India ram hmun hrang hrang chu sawi loh foreign-ah te pawh thawh theihna tur kawng anih theih hmel a. amaherawhchu, Central-in hetia an rawn din chiah hi chuan Central Quota te a awm ve hrih dawn a, tin State dangte pawh khan Quota an rawn nei ve dawn a ni. Chuvang chuan seat zawng zawng kha Mizoram ta anih vek dawn loh avangin hemi Triple IT zawk hi ti mai ila a tha ang a, kan ti a, kan bei zawk a. Chutiangte chu kan han kalpui dan chu a ni.

Tin, Pu Lalchhandama Member zahawm takin Engineering College chungchang a rawn sawi kha; hei hi kan zuk ti a, kan zuk thlen ta a. amaherawhchu, Mizoram University hian School of Engineering hi din an tum ve a, chu chu Pachhunga University College Campus ah khuan a ni a. Chu chu anih avangin, In State a te si a, helaiia a hranpaa Sorkarin a lo tih ai pawhin University hnuaiiah hian I din zawk ang an rawn ti a, lehkha an rawn thawn bawk a. Tin, chubakah nichina kan sawi ang khan ICFAI te pawh kan passed tawh kha, hemi hian hma an la chho zel a. Tunah pawh hian B.sc. (Information Technology) leh Computer Science te an hawng dawn nghe nghe a. Kuminah hian, khang kha a lo nih bawk si chuan kan tul vak rih love, a kalkawp vak hi a tul rih love kan ti deuh a ni. Tichuan, kha kha kan hmalak dan a ni a.

Tin, Scholarship chungchang leh Stipend pek chungchang hi tihpun tumna a awm em ? tih a ni maw, kha kha chu a zat chiah ka

lo chiang chiah bik lova, ka hre chiang chiah lova. Khalam kha ka lo inring chiah lova, engpawh nise, heng Stipend hi chu kumtina kan in pek a ni a, tanpuina anni pawhin an dawng zel a, alawmawm khawp mai a. Politechnic a zirlaite pawh khi tunah pawh hian hmanna ka Department Demand kan sawi ni pawh khan ka sawi tawh ang khan ISO Certified Institution a ni tawh bawk a, tunah pawh hian 170 vel lai hi India ram hmun hrang hrangah zirlaite chhuak tate hi hnathawkin an awm mek nghe nghe a. Chuvangin a tha khawp a, harsatnate hi chu kan ngaihtuah chho zel e, tih kha ka chhanna ni mawi teh se.

SPEAKER : Starred Question No. 224-na zawt turin Pu S.Hiato ilo sawm ang.

PU S. HIATO : Pu Speaker, Starred Question No.224-na Power and Electricity Minister chhan atan -

hunahnge tan tak tak a nih ang. b) Tuirial leh Bairabi Hydel Project hi eng dinhmunah chiah nge tunah a din le ?

PU TAWNLUIA MINISTER : Pu Speaker, Starred Question No. 224-na chhanna chu - a) (II) Kolodyne Phase-I hi Techno - Economic Clearance Central Electricity Authority atanga nghah mek a ni. (II) Kolodyne Phase-II hi DPR chu March, 2008 hian peihfel hman beisei a ni. Clearance leh project funding te tihfel a nih hunah hna chu tan tak tak a ni a. b) Tuirial Project hi Central hnuai NEEPCO kuta awm a ni a, tunah hian thawh chhonzawm leh turin hmalak mek a ni. Bairabi Project atan hian clearance ngaite hmuh vek tawh a ni a. Thawhna tur pawisa dap mek a ni.

PU S. HIATO : Pu Speaker, alawmawm e. Tun Friday khan Resolution pawimawh deuh mai kan sawi a. Central ah Kolodyne Nodal Transport Project chhuak thuai tur khan lungual takin kan pass a ni a. Hydel Project Kolodyne hi Mega Watts 400 - 600 ti chhuak thei tur a ni a. Chumi anih chuan Akyab atanga lokal ltur nen a inzawm em em a. A te te ni lovin a lianah hian priorities min pek sak thei ang em ? First Priority bakah min nawrpui thei ang em ? a bak chu thiante zawh turin ka khek e.

PU LALHMINGTHANGA : Kolodyne - I hi Bawm Darzotlang opposite lai saw a proposed stand a ni a. Phase - II hi Kawlchaw, Serkawr leh Sakuhkhuangtui tlang inepna lai tak a ni ta a, engtingge kan sorkar tum dan aw tih lai kha ka ngaihtuah a. Phase - II hi project lian deuh taka tih a a dam tihsan kha chuan a [phase-I zawk Matlui leh Tuipui in rinna tuna siam tur hi a Power House Location kha tui in a chim thei dawn a chutih

laih chuan decision engtinge siam an tum tih kha ka zawt duh a. Tin, a pahnihna ah chuan Phase-I hi Mega Watt 120 a ni ta a, Techno-Economic Clearance tunah hian nghah mek a ni a. Phase-II hi Mega Watt 400 leh 600 inkar vela tih chhoh a sawtilai englo ai kha chuan a pahnih a siam theih ve ve kha a tha dawn lawm ni chutih laih chuan kan Sorkar kha an thinlung engnge ni tih kan zawt leh ang a.

Tin, Bairabi Hydel Project a project report kha anrawn thelhuhna a rei tawh viau a, tin, clearance zawng zawng hi hmuh kimna a rei tawh viau a, hetia ngaihtuah let phei chuan kum 7 hmel a hmu nitain a lang a. Tahchuan, liability gap grant kan ti dawn nge fund siam tur hian tute nge an approach Planning Commission nge farm dang International nge kan Sorkar hian negotiate pui tumte a nei em tih kan zawt tel duh bawka ni.

PU LALDUHOMA

: Pu Speaker, zawhna pahnih zawh belh duh ka nei a. Pakhatna ah chuan Bairabi Hydel Project Clearance awmna rei tawh hi engatinge kan khuah loh kan ti thin a. Sum kan dap a ni tih hi kei pawhin vawi tam ka zawh a, min chhanna pangngai kumtina kan dawn ziah a ni a. Kan Sorkar hian Bairabi Hydel Project tih puitlinna tur hian sum hi khawiah te nge a lo dap tawh thin? Tutute nge a lo biak tawh India ramah te, ram pawnah te, khatiang funding ti thei tur khan ltu tu nge a lo biaka a lo hlawhchhampui tawh tih hi min hrilh thei em? tih ka hre duh a.

Tin, a pahnihnaah chuan hman deuh khan kawngpui pawh tlang lohna hmun electric ban pawh phun theih loh leh a hrui pawh pawh theih lohna hmun kilkhawr atan luite chhe te, han khuah a pipe a lak a khawh vir tir mai tur khawl te tak te chi a kha, khatiang Remote Area atan khan Mizoram kan nei dawn a ni tih a ni a. Chutiang chi a sample min rawn pek pawh Pu Speaker, nangmah ngeiin kan Minister zahawm tak huanah khan i hawngin ka hria a, kha kha a hlawhtling ta lo em ni? Sawi a va awm ta lo ve? Mizoram tan thil tha tak ni ve turah kan ngai a ni. Minister huan a bun kha kan tawpna a ni ta mai em ni? Engtinge a kal zel tih ka hre chak bawka ni.

SPEAKER

: Minute 3 vel a la awm a tlem a a pelh deuh hlek pawhin hrethiam ila a tha ang aw. Minister ilo sawm leh ang.

**PU TAWNLUIA
MINISTER**

: Pu Speaker, kan Member zaahawm tak Pu Duha han zawhna kha, a changtu tak te kan nih loh avangin chipchiarin Bairabi Hydel Project atan funding kan zawn a eng farm

ah te nge Foreign ah te nge tin ram chhungah tih kha chu a tlangpuiah chuan kan House Leader in ama Portffolio anihna atangin kan ngaitla tawh thin a. Khang kha recall ta ilangin vawiinniah chuan chipchiarin kan sawi ve thiam mai lo tih kha min lo pawm sak se ka duh a.

Tin, kilkhawr zawka thingtlanga mi tih kha Rural han tih enna tur pawh kha vawiinniah hian kan hre mai lova, min lo hriatthiam kha kan duh nghal bawk a.

Tin, Member zahawm tak Pu Hminga pawh khan Bairabi funding a kha khatiang zawng khan zawhna a rawn siam a pawh kha ka chhanna kha kha kha ni ta selangin, a bik takin vawiin a zawhna Kolodyne Phase I leh II chungchang hi zawh belhna te a awm nial a. Ni e, hemi Kolodyne Phase-I hi Lunglei District ah i ti nang a, a hmun lai tak chu ka hre tura sawlaih sawn Mega Watt 120 vel pechhuak I tur kha han lruahman a kha a ni a. Khami kha heta kan chhan ang khanin Techno-Economic Clearance kha Central electricity authority hnenah dil mek a ni a. Tin, Phase - II kha Kawlchaw kai atang chuan a chhak lama lui hnar lam KM 3 bawr velah sawn thua tum a ni a. Chu chu Mega Watt 240 vel pe thei tura ruahman a ni a. Tichuan Central Water Commission amite hian investigation hi an bei a. Pu Speaker, nichina ka chhannaah pawh khan sawifiah leh deuh nghal mai ka lduh a. A chhanna buatsaih lai khan a project hi March thla anga Central Water Commission khan peih tur angin an in sawi a. March thlaah chuan submit thei tur angin kan beisei a. Chutiang chuan chhanna ah khan a awm a. Mahse, anni pawhin harsatna an lo nei deuh a. May thla, thlahnih chhung hian chuan peih ngei ngei kan tum a. Hemi report hi DPR hi peihfel Iturin kan siam dawn e, an rawn ti a ni a.

Nichina kan ngaihtlak angin Akyab atanga lawng lian lokal a, hmanni zirtawpni a kan Resolution anga lawng lian zawk a lo kal chhoh theih chuan, hemi Kawlchaw kai chhak KM thum vel a tuikhuah kha metre 109 velin khuap ta ila, chuan Mega Watt 500 vel a pechhuak thei ang a. Thui tak lawng lian kha Chhimtuipui ah a lo thleng chho thei ang tih a ni a. Chumi chu ltuna kan ngaihtuahnaah chuan Sorkarin DPR, CWC ten an rawn pekluh atangin enzui ta ila, kan ti a. Hemi a pahniha beih tur leh tur loh lai takah khan chuan han sawidan mai ka thiam lova, a changtu ka nih loh avangin. Mahse, Phase-I kha CEA ah fund clearance kha la turin hetiangin engkim submit a ni tawh a. Kan nghak a, chumi chung chuan Phase-II kha hetiangin buatsaih chhoh a ni a. Phase-II kha a hnukung bera a kaldan takah chuan metre 109 velin khuap sang ta ila, ltui englai pawha chhuakthla tam tur kha a thlang lamah tui a lo tam tawh zawk ang a, thal laiah pawh lawng lian tuna kan project thar nen ngaihtuahin lawng lian a lo thleng chho ve tawh dawn a. Chuan Chhimtuipui tan a pawimawh ang a. Zoram tan pawh a pawimawh lehzuat dawn a, lawng lian pawh a lo thlen phah thei ang a, tih angin ngaihtuahna a awm a ni . Chuvangin sawilai Kolodyne han khuah a, a Phase-I & II ah pawh a thlang ta zawka Kawlchaw kai chhak a han khuah kha tunah chuan a DPR taka kha peihfel loh anih avangin dan anga project han siamna ah chuanin Mega Watt 500 pe chhuak thei turin metre 109 a sangin khuap ta ila, tichuan that laiah pawh kan khuah tlin kha tam tak kha a luang thla tawh dawn a. Chu chuan lawng lian pawh kha a rawn pawt hnai thei ange tih kha a programme ah khan a tel a ni. Pu Speaker, ka lawm e.

SPEAKER

: Question Hour a tawp a, List of Business ah

kan kal zel ang a. Chumi hma chuan vawiin kan rorelnaah hian kan House Leader Delhi lama zin a tum avangin a lo tel theilo a ni tih nimin lama kan hriat tawh kha kan sawi leh duh a. Tin, Member zahawm tak pahnhin Special mention hun hman an rawn dil a. Member zahawm tak Pu Zodintluanga'n Medical Facilities a bik takin TATA Memorial Cancer Hospital Mumbai nen a inkaihhnawih thila hman a rawn dil a, hei hi Public Interest niin ka hria a, a hun hman hi thain ka hria a. Tunah Member zahawm tak Pu Zodintluanga ilo sawm ang.

PU ZODINTLUANGA

: Pu Speaker, ka lawm e. Mizoram a natna hluar tak leh tam takin an thihpui tawh Cancer natna vei TATA Memorial Hospital Mumbai a in enkawl te tan a bar thla a in enkawl na credit facilities chu vawiin 1st April, 2008 atang hian tih tawp a ni ta a, he Hospital a enkawl mek damlo 11 leh Medical Board-in a a refer he Hospital pan tur a in buatsaih mek ten an mangan thu nimin khan min hrilh a. Hetianga Cancer vei damlo ten harsatna an tawh thu hi he House zahawm tak hriattir turin he hun hi ka han hmang a ni. Medical Attendance Rules 1944 hmang a, Mizoram Sorkar hnathawk leh danin a pawmsak chin an chhungte damlo in enkawl na senso Sorkarin a tumsak thin hi kan Sorkarin ti danglamin October 2006 atangin private company ICICI LOMBARD kut a cheng vaibelchhe 17 leh point 25 hlan nghalin kum khat atan a enkawl tir a, heti chhung hian damlo ten harsatna namenlo an tawk a, an term hi September 2007-ah a zawh khan pawhsei sak an ni ta lova, ICICI LOMBARD hian damlo te senso hmuhlet tur sum tam tak la batsakin Doctor ten kal leh tur a an tih hun a sum harsat vanga kal leh thei lo te, boral tawh te, an awm nual a ni. Hospital bik an pek mai loh avanga credit facility titawp zui ta Hospital te an awm a. Chung zinga langsar tak chu Christian Medical College (CMC) Hospital Vellore amite an ni a. ICICI te kut atanga Mizoram Sorkarin a lak let leh hnu hian TATA Memorial Hospital chuan, Mizoram Sorkarah phut neiin, an phut ang tih hlawhtlin anih loh chuan credit facility hi an tihtawp ltur thu an hriattir thin a. Chuta an thil phut chu Mizoram Sorkar Department hrang hranga damlo enkawl na senso leh a kaihhnawih buaipui lova, Sorkarin Centralised Agency siam rawh se, tih a ni.

Hetianga indawrna kal reng chung si hian an phut ang tihputlin anih mai loh avangin credit facility hi tihtawp lailawkte a han ni a. Hun reilote chhung atan hawn a han ni leh bawh thin a. Hetiang karah mai pawh hian damlote an mangangin an chia hman hle thin.

Mizoram Sorkar chuan Screening and Credit Management Board, Additional Director Hospital and Medical Education Chairman-na hnuaiah Member pahnh a ruat a. Notification ah hian Ministerial Staff pathum aia tlemlo puitu pek tur annih thu leh board hna tan hun tur chu a hranpa a tihchhuah leh a ni ang tih a ni. Tun thlengin thu thar emaw Sorkar thuchhuak emaw hriat a la ni lova. Joint Controller Finance and Accounts TATA Memorial Hospitalin Mizoram Sorkar a credit facility chungchang thil awmdan a rawn hriattirna 19 February 2008 ami leh hemi hnua Mizoram sorkar a Commissioner Health and Family Welfare in Joint Controller TATA Memorial Hospital hnen a lehkha 21 February 2008-ah a

thawn hi, Sorkarin hma a lak mek thu leh 31 March, 2008 thleng a credit facility phalsak ltura a ngen hi Sorkar thu thar ber niin a lang ta a ni.

He lehkhain a ngennain huap chin ni a liam a, Hospital lamin an phut ang tih puitlin a ni rih bawk si lova. Tunah hian natna khirhkhian tak tak tuar a rilru hah tak an awm te, lungngaihna belhchhahin an awm mek tihna a ni ta a ni. Cancer natna tuar enkawl mek tanpui ngai leh thlamuantu mamawh ngawih ngawih te, harsatna sukiang tur hian TATA MEMORIAL Hospital lama kan Sorkarin ziaak meuh a thu tha a lo neih tawh hi rang taka chin fel anih loh chuan, heng mi mangang rilru na te hi thawidam leh mai theih a ni lo ang a. Mihringin kan thawidam leh mai thei a ni lovang a, mihringin kan neih nunna thleng pawhin a tuar lo ang tih sawi ngam a har khawp ang. Pu Speaker, a tawp ber atan chuan vawiinni la la pawh hian in enkawl na, credit facilities a tawp avanga mahni pawisa nei lo treatment lak ngai mi engemaw zat an awm a. Chung te avang chuan he thil hi emergency anga ngaiin kan Sorkar hian rang taka hma la turin he House hi ka rawn ngen nghal bawk a ni e. Ka lawm e.

SPEAKER : Awle, tunah chuan Member zahawm tak, Pu R.Lalzirliana, tui Tariff chungchanga special mention hmang turin i sawm ang.

PU R.LALZIRLIANA : Pu Speaker, tui Tariff chungchang Special Mention hman ka dil, min remtih sak avangin lawmthu ka'n hrilh hmasa duh che a. Hei Session kan neih mek lain Aizawl eng pakhat, Bethlehem Veng thlanga tui dawngtu consumer tam tak ka hnenah lo kalin thil pahnih pawimawh tak tak, mipui tana pawimawh tling nia ka ngaih an rawn sawi a. Hemi chungchangah hian vawiin zingah hian mipui tan thil pawimawh tak anih avang leh Session laia thil thleng anih avangin hetiang hian sawi ka han tum dawn a ni.

Pakhatna-ah chuan Pu Speaker, Bethlehem Veng thlang Area chhunga PHE Water Supply consumer tam tak chuan an tui bill March thla ami nimin khan an dawng a. A hma February thla a thla khata Rs. 100/- leh Meter Rent Rs. 10/- belhkhawmin Rs.110/- anih lain a chhan engmah an hriat lohin mi 200 chuang teh meuh chuan tui dawn zat enfah inziak si lovin rs. 200/- emaw Rs. 200/- leh Meter Rent Rs. 10/- belhkhawmin Rs. 210/- emaw an dawng vek ringawt mai a. Kan Sorkar hian March, 2008 atang hian tui man hi Rs. 200/- in a tisang ta thut em ni ? tih hi ka zawt a, a theih phei chuan Minister in-charge hian min hrilhfiah turin ka ngen duh a ni. Hei, entirman, helaiah hian Document te pawh ka rawn keng a. Previous Meter Reading ah engmah a inziak lova. Present Reading ah engmah a inziak bawk lova. Amaherawhchu, Cost of Water Supply for the Month tih, March thla a bill ah hian Rs. 200/- a rawn inziak ringawt mai a ni. Chu chu hemi tui manah hian Rs.200/- an chawi ta tihna a ni liau liau bik a. Chutiang chuan hei tam tak a awm a. A vaiin ka rawn keng thei lova, 200 kha chu. Helaiah hianin engengemaw zat mi 200 zetina an signature leh pawisa an thin zata kha a awm nghe nghe a ni.

Tin, pahnihna ah chuan hemi kaihhnawih tho tui meter pawna mitinin a kan dah, a lo chhiat palh pawh a consumer chawi tur ringawt mai hi thil dik ni thein a lang lova. PHE Department a thawk te ngei pawhin min tihchhiat sak lui ta se consumer tuar tur ringawt mai hi PHE ami lo misual te pawhin ti ta sela, kan inchhung ami pawh kan hrem thei lo a ni a. Sorkara sum a luh hnem theih nan dan tha lo tak hi Department hian an siam niin, consumer te pawh hian an ngai ve thung mai a. He dan tha lo leh him lo tak notification No. B.16012/1/200/- PHE Dated 29.1.2008 a siam hi siam that leh thuai nise. Mipui tan dan dik lo leh dan him lo tak niin hriat a ni. Heta hi Mizoram Gazzeted a lo chhuak a, chutah chuan, hetah hian a in ziak a ni. Pu Speaker, Ka lawm e.

PU TAWNLUIA MINISTER : Mr. Speaker, with your permission I lay on the table of the House the report of Controller and Auditor General of India 2006 – 2007, in respect of Government of Mizoram.

SPEAKER : a copy kha han sem nisela, a tha ang e. Tunah chuan Minister zahawm tak Pu Aichhinga, “The Aizawl Development authority Building Regulation 2008” copy House ah rawn lay turin ilo sawm ang.

PU AICHHINGA MINISTER : Pu Speaker, i remtihain Aizawl Development Authority Building Regulation 2008 hi he House zahawm takah hian ka rawn lay e.

SPEAKER : Copy sem nisela, a tha ang e. Tunah chuan Minister zahawm tak Pu H. Rammawi Correction of reply to Unstarred Question No. 197 asked by Pu Liansailova on 28th March, 2008 Copy House ah lay turin ilo sawm ang.

PU H. RAMAWI MINISTER : Pu Speaker, i phalnain Member zahawm tak Pu H.Liansailova Unstarred Question zawhna No. 127 – chhanna Correction he House Table ah hian ka rawn lay e.

SPEAKER : A copy kha sem nisela a tha ang e. Tunah chuan Minister zahawm tak Pu B.Lalthlengliana Minister zahawm takin Pu H.Rohluna Unstarred Question ve ve No. 75,172-na te siam dikna Copy House ah lay turin i sawm ang.

PU B. LALTHLENGLIANA MINISTER : Pu Speaker, i remtihain Correction of reply to Unstarred Question No. 75, asked by Pu H.Rohluna on 19th March, 2008 leh Correction of reply to Unstarred Question No. 172 asked by Pu H.Rohluna on 28th March, 2008 he House dawhkanah ka rawn lay e.

SPEAKER : A copy te kha sem nise. A pahnih khan sem rual ula. Tunah chuan presentation of Report a ni a. Member zahawm tak Pu H.Liansailova, Chairman, Ethic Committee relating to Allegations made against 14 Members of Legislative Assembly House ah present turin ka sawm e.

PU H. LIANSILOVA : Pu Speaker, i phalna leh he House rem tihain Ethics Committee 1st report relating to allegations made against 14 Members of the Legislative Assembly by Society for Social Action hi he House ah hian ka rawn present e. Ka lawm e.

SPEAKER : Alawmawm e. A hun tak ti mai ila, rim takin an thawk a, Session lai ngeiin report an rawn present thei a, alawmawm hle a ni. A copy sem nise, a tha ang e.

Kan hriat theuh angin Pu Aichhinga, kan Minister zahawm tak hi a taksa te a chaklo deuh a. A bill te pawh hi chawhma lama han lak hmasak kha thain ka hria a. Tunah Minister Pu Aichhinga, 'The Mizoram State Agricultural Produce Marketing Development and Regulation Bill, 2008, House a a introduced tawh kha ngaihtuah phalna han dil se a tha ang e.

PU AICHHINGA MINISTER : Pu Speaker, 'The Mizoram State Agriculture Produce Marketing Development and Regulation Bill, 2008' hi he House ah ngaihtuah min phalsak turin ka han dil e.

SPEAKER : A dilna kha kan remti em ? Awle kan remti a. Tunah rawn move sela a tha ang e.

PU AICHHINGA MINISTER : Pu Speaker, kan Bill hi inhmuh ang khan a bu hi a chhah ang reng viau a. Ngaihtuah tham deuh mai a nihna lai a awm a.

Amaherawhchu, he Bill hi amendment a nilova, Bill thar a ni a. Mahse, Bill thar a ni chung hian a awmdan ah hian Central Law anih avang hian Centralin kan dan hmanlai kan neih reng lai a kha a rawn thlak danglam a. A rawn thlak danglamna a hi State tin in ang tlang a hmang tura min duh avangin kan State Sorkar pawhin khami zulzui khan kan hriat atana pawimawh zual tur lai deuh deuh te han tih danglam hret hret te pawh a awm mai thei a. Chutiang ang atanga lachhuak chuan he kan Bill hi ka rawn pulut a ni a. Central Model Law a ni a, State tinin inanga hman tura an duh avangin hei hi kan han pulut a ni a. The Mizoram State Agriculture Produce Marketing Regulation Act, 1996 a ni a. Khami kha Centralin hman tur an tih ang a siam a ni, hun a lokal a, kum 2003 khan Central a Agriculture leh Cooperation Ministry in kan dan hmanlai kha tha tawk lova hriatna an nei ni ngei tur a ni. Chuanin Expert Committee te an din a Task Force te an din a, chu chuanin tuna kan Model Act 2008 a kan rawn telh tak hi anni ah chuan 2006 in an lo siam a, chumi an siamchhuah zulzui chuan State tin ten dan lo siam ve turin min phut a, an hmanhmawh em em a, 2006 khan tih hman hram kan duh a, mahse, dan anih avangin siamchhuah zung zung hleih theih a ni lova. Chuvangin kan Department atang ringawt lovin Agriculture Department ah te leh Law Department ah te leh a tulna lam lamah en hovin hetiang hian kan buatsaih a. Vawiinniah kan han pulut thei ta a ni a.

Tuna kan dan hi sawi vek sen pawh a ni lova, move tu mah ni ila, ka chiang em em hlei thei lova. A sei lutuk avangin a tlangpui kan sawi thuak thuak ang a. A danin a tum ber chu rampuma Agricultural Market te a kalphung inanga an kal a, an in telkhawm theih nan tihte a ni a. Tin, Agriculture Market changtlung zawk din anih theihna turin private leh Cooperative Sector ten hma an lak theihnan tih a ni a. Tin, Agriculture Market tana sum tam zawk chevel anih theih nan, tuna kan market te modernise theih nan leh changtlun zawk theih nan tih a ni a. Tin, hengte tihhlawhtling tura Central Sorkar Scheme huam bik te kan hman tlan theihna kawnga inhawna atan tih kha a main (target) a tum khami a Model Law hrim hrimin a tum kha a ni a. Chumi zulzui chuan kan State tan pawh kan dinhmun leh kan thlai thar te nena in hmuh mil turin he dan hi duan a ni a, han siamchhuah a ni ta a. (2008 dana hi).

Tichuan, kan dan hianin bung leh chang 13 lai a nei a. Chumi 13 lai a neihte chu a bung tinah khan thil chi hrang hrang min rawn hriattir a. Chu chu a tlangpui te tein kan sawi ang a. Bung 1-na chang 1-na Chapter 1-na hianin a tlangpuiin a Operation Area tur leh a definition te min rawn hrih a. Tin, chang 2-na hian Market Area puan dan tur hmang leh thlai thar zawrhna hmun Agriculture Market Yard leh Sub-Market, Sub Yard tih te hetiang chungchang thu lai kha mi rawn hrih a. Tin, Chapter 3 hianin Market Committee siam dan leh a thuneihte a rawn sawi a. chapter 4-na erawh hi chu Market chung kha categorise tur a ni a. chutah chuan an ruahman dan ang chuan Market chungah khanin thlai chi hrang hrang zawrhna te a bika siam hran thliah thliah dan tur laia kha a rawn sawi a. Tin, Chapter 5-na hianin Market Committee hnathawh dan tur leh an mawhphurhna leh an thuneihte chipchiar takin a tarlang a. Tin, Chapter 6-na hianin Market Committee Secretary a neih dan tur leh chumi Secretary chu CEO a nih nghal dan tur leh a Staff neih dan tur tlangpui min rawn hrih a.

Tin, Chapter 7-na hian a pumpui hian contract farming a kalpui dan tur leh engemaw a dan kalphung chitinrenga kha a rawn tarlang ta thung a. Tin, Chapter 8-na hian thlai thar hralh chhuahna kawnga a zawm tur dan hrang hrang a rawn zam chhuak bawk a. Chapter 9-na hianin Market Committee tinin Budget an siam dan tur kha a rawn sawi a. Hei, a kalphung dan turah hian Market tin mai hianin a hranpain Market Committee a nei tawh ang a. Chu Committee kutah chuan Market kha a awm ang a. Tin, Fee leh engkim mai a kha an la khawm ang a. Chu chuanin Market kha an enkawl ang a. Tin, a rawn duangchhuak chho ang a. Chuta an pawisa hman dan tur leh an lak khawm dan tur vela Budget kalphung tura kha helai hian a rawn sawi a ni. Tin, bung 10-na hian Agriculture Marketing Board din dan tur hei hi State Level Board niin a lang a. Hei hi Market hmun hrang hrang Aizawl chang pawh ni lova Mizoram puma Market Committee hrang hrang te khaikhawma lo enkawltu tura kha State Board a kha siam tur a ni a. siam dan tur phung min rawn hrih thung a ni.

Tin, Chapter 11-na hianin Rule chi hrang hrang hemi dan a enkawl na tur dan te te a siamna tur a kha a rawn tarlang a. Tin, Chapter 12-na hian Managing Director kan han tih nichina CED kan han tih tak ang chi hovin a thuneihna an neih dan tur vel kha chipchiar takin a rawn tarlang a. Chapter 13-na hian hemi dan hi hman theih tura chhuah a nih hnuah a hman dan tur tlangpui a rawn tarlanna ni berin a by law te siam tur tih ni tain a lang e. Tin, Chapter 14 - na hianin Mizoram State Agriculture Produce Marketing Regulation Act 1996 chu tih tawp a lo ni tawh ang a. Hei kan hman lai hemi hi a rawn repeal ang a. A tharin a kal tawh dawn a ni tih thu a rawn sawina tlangpui a ni a. Helaiah hianin a dan hlui leh a dan thar hi tlemte a danglamna a neih a chu tuna kan dan hlui hi chuanin Market Regulation a kha a ni tawp mai a. Tuna a thar erawh hi chuanin a Regulation bakah khan a promotion leh a Development lam a kha a rawn deal tel a. Chu bakah a contract farming hi a rawn kalpui a. Chubakah chuan kan dan hlui a provision awm lo kan dan tharah chuan society leh private pawhin a hranpain market an din thei ang tih te a chuang ta niin a lang a. Chulo pawh danglamna hret hret chu tam tak a awm a, a langsar zual lai erawh chu chung chu a ni a. Engpawh nise, kan dan thar hi hman theih a nih chuan kan ram tan thui takin a hlawk ka ring a. Tin, Central Sorkar hian he kan dan thar model law hi adopt tur leh kan ram tan inmil tura siam danglam hret hi an phal hrim hrim a. Chutiang tur chuan kan ram nena inmil tur leh kan dan hmanlai nen pawha kal hrang lutuk lo tura kalpui dan zawngin kan Official ten theihtawp chhuahin tan an la a. Law in min vet sak a; chuan he dan hi kan rawn pulut ta a ni. He House zahawm tak hian kan dan hi fel famkim vek kher lo mahse tun atan chuan kan thiam tawka kan siam a ni a, min pass pui ngei turin ka han dil e.

SPEAKER

: Minister zahawm takin a Bill 'The Mizoram State Agriculture Produce Marketing (Development and Regulation) Bill, 2008' chu a tlangpui rawn sawiin ngaihtuahpui

turin a rawn move ta a. Kan sawi ho ang a, nidanga kan tih ang bawkin sawiho naah chuan clause by clause in la lo leh mai ila. A vai hian sawi leh ta mai ila a tha ang e. Member tin te kan tih thin angin 10 Minutes in pe leh ila a tha mai

tur kan nei. Chu kan tih hmasak tur chu; Market tur leh a regulate tur, Agriculture Produce kan neih phawt a ngai. Chuvang chuanin a tam thei ang berte kan produce ve theih a, chutianga kan produce atan Marketing te pawh develop anih a, heng Dan te hi kan hman theihna tur hian, engtingnge Agriculture Production hi kan tihpun ang ? engtingnge a thartute kan tanpui ang tih lampangah hianin kei chu hma lak hi ka rilruah hian a awm lian em em mai a.

Zokhua thlai thartu ten an problem ber chu a hralhna a rate hi a chhia a. Tin, a Market khi khulampangin an lo monololise bawknen, hralhna mumal lova kan awm avangin kan buai a ni tih kha ka chiang em em mai a. Chuvangin, chutianga Agriculture Product te nasa taka Mizoram aa awm theihna tur leh thingtlang lo neihtute enzawna puitlinga kan siam theihna tur chuan kei chu vawiinni hian heng Dan aia hmasa zawka ka ngaih chu he House zahawm tak hian Budget a thlai thar leina tur dah hi niin ka hre tlat a ni. Tin, a rate hre sa a Zokhua ami ten an chin theihna turin Budget a kan dah rual rualin, a leina tur a rate kan siam theih chuan a tha viau ang a. Tin, Sorkarin a hralh leh lampang chu a buaipui tawh tur leh Firm dang te nena thawk hova, a tihdan tur kha chu Sorkar hi chuan a ngaihtuah theih turah ngai ila. Silchar syndicate te thlawhkhum ngei a market zawng turin he Sorkar hi a competent tawkah ka ngai a ni.

Tin thlai chingtuten risk la mai mai a, thlai an chin tawh lohna turin Grop Insurance Scheme te hi fel te hi fel takin nei bawkn ila. Natural Calmity emaw avanga an thlai thar an chan a. Harsatna an tawh lohna turin Grop Insurance te hi fel takin nei thei sela a tha ngawt ang. sorkar hian tha takin siam sak selangin.

Tin, thlai thar hralhna man hi a fluctuate nasa a, a buaithlak thin avangin Zokhua kuthnathawktute chhanna turin Price Support hi siam nise hei hi Price Support thlai thartute ngei hnenah pek nise. Duh ang tawkrate a that loh pawhin Sorkarin Price Support hmanga a tanpuinan Scheme hi kan siam a ngai a ni. Chutiang zawng chuan ti ta ila. Thlai hi thar ve ta teuh teuh ta ila. Vawiinnia dan tha tak mai kan pass ang hote hi kan la hmang ve thei dawn ta a ni. Chutiang bawkin, Oil Palm Regulation kan tithe pawh hi a Oil Palm a hi theihtawpin hma an lak theihna turin Sorkarin a chingtute tanpui leh a dawm zawngin bei ta selangin. Kha Regulation dan kan siam te kha hman theih ngeiin ka ring a.

Khatianga zel khanin Sorkar hian kuthnathawktute hnenah a tih tur a hi ti hmasain policy neiin nghet takin kuthnathawktute dinchhuahna tur hianin policy nei tase, ka sawi ang te kha. Chutianga a puitlina, thlai thar kan neih hunah chuan Pu Speaker, heng Dan tha tak tak kan neihte hi chu kan la hmang theiin ka ring tlat a ni.

Chuvang chuan, vawiinia hian hei Sap-in an sawi thin. A hnuktu Sorkarin hmaa a Sakawr tawlailit dah an tih thin, 'Putting the Cart before the House' tih ang deuh hian kan Sorkar hian policy a kalpui deuhin ka hria a, a hnuktu tur Sakawr dah hmasak tur a ni a, tichuan, Sakawr tawlailir a hnuk dawn a ni. Chuvang chuan, Sakawr a chu engnge kan tih chuan ? Kuthnathawktute ho eizawna tur ngelngnet thiam a thlai an thar theihna tura a tanpuina tur policy neih phawt a. Chutianga dawmkan a, market thawn a neih hunah chuan hengho dan

em ? MBSE ah hian Bill pakhat kan la nei a. Kan tih dan pangngai khan ti leh mai ang aw. Tunge bul han tan ang ? Pu Andrew Lalherliana. Microphone hmang lo kha chuan off zel ila tih kha ka han sawi nawn leh a ni.

PU ANDREW LALHERLIANA : Pu Speaker, ka lawm e. Vawiina kan ngaihtuah tur Bill hi Central Model a siam a ni e, a ti a. Ka sawi hmasak duh chu hun hi kan nei lo khawp mai a. Tuntum kan Session hi kan Business kan han transact phei hi chu ni 10 a tling lova, holiday te zawng zawng nen. Chutih rulain Budget pumpui Demand hrang hrang nen kan han deal a, tin, Bill a tam bawk si a, a khawi a mah hi kan khawih hman lova, hei hi duhthusam chuanin Budget Session te hi chu Business han transact na turin a tlem berah thla khat te hi chu awm thin selangin tih kha kan sawi duh pawt a.

Hei Vawinnia kan dan han pass tur pawh hi a chhah elawl hle mai a. amaherawhchu, Budget leh Demand hrang hrang leh thildang kan zantin, zingtin kan han en chung hian han khawih hman ngaihna a awm lo a ni. Amaherawhchu, Central Model a siam a ni a, Tin, uluk takin mithiam zawk tenen te pawhin an rawn V.G.F. turah ngai ila, a tha turah ngai ila, phawt mai a na. amaherawhchu, Market Regulate-na rau rau si hetiang kan neih ah hian pakhat kan hman ve chhun mai hi kan nei a, kha Marketing Regulation kum 1996 ami a neih kha chu a repeat a tih rual hian Mizoram Agriculture Produce, restriction of movement orders 1994, hei tunlai a sawhthing a thawn chhuah na tur kan dan fona mai hi, hemi dan hi a regulate-na ve tho a ni. Market regulate-na a nia a kalkawngah kan hmang a ni mai a. Hei hi anihna dik takah chuanin Bengal Eastern Frontier Regulation Act Section 7-na tlawhchhana siam a ni a. Section 7-na tlawhchhanin a siam danah phei chuan khumi phairam ami ten hemi Mizoram chhunga thlai thar chungchang thu leh a rama an rawn interest ve a rem lova, chuvang chuanin helam ami tibuai lo zawk tura Mizoram pawn ami restrict na tur a ni. A letling zawngin kan hmang daih mai a ni. Chuvangin Mizoram Agriculture Produce Restriction of Movement order kan siam hi a letling zawngin kan hmang hrim hrim, Bengal Eastern Frontier Regulation Act Section 7-na tlawhchhana siam a ni a, han en phei chuan pawn lam ami, Mizoram Market leh Mizoram Produce rawn tibuai tu tur khapna tur anih rualin, keimahni Agriculture Produce in "control" nan leh Vairengte Gate siam nan kan hmang tlat mai a. chuvang chuan a buaithlak a, a danin a tum spirit of the act kha a bawhchh em em in ka hria a. Tun tumah hian he dan hi siam that deuhva a parent act/parent Rule nena inmil deuhva siama helaia Agriculture Produce marketing Development and regulation kan pass tur ah hian a khawilalah emaw hian behtir ve emaw, repeal emaw ni tase. Hei Regulation 2 kan la nei tihna a ni a. Pakhat repeal a awm chung khan. Chuvang chuanin, engatinge maw hetiang kan neih ? Duplicity awma kan neih thauu thauu le tih kha ka ngaihtuah dan a ni.

Engpawh nise, Dan lampang siamah hian he Sorkar hi a chak khawp mai a. Oil Palm Regulation Production and Precessing Act 2007 te kan passed a. Tin, nimin lawkah khanin Organic Farming amendment te kan passed a. Hei vawiinniah tiang hianin Dan kan siam leh a. a Dan lampangah chuan kan chak viau a. A tha viau a ni. Vawinnia ka sawi duh chu khang Dan kha a tha e, kan hman theih hunah kan hmang chho turah ngai ila. Hemi hma hian tih hmasak

hi a hnunga hnuh tur zawk hi lokal turah ka ngai a ni tih kha kan sawi duh a ni. Pu Speaker, ka lawm e.

PU SPEAKER : Nia, a Bill chhungah hian cheng thei hram hram ila chu alawmawm khawp ang. Pu Zodintluanga.

PU ZODINTLUANGA : Pu Speaker, ka lawm e. Hei kan Bill 'The Mizoram State Agriculture Produce Marketing Development and Regulation Bill, 2008' kan Minister zahawm takin a rawn phawrh hi Mizoram Agriculture Produce Marketing Regulation Act, 1996 thlaktu tur ni hian a rawn lang a. Hei wawiinniah contract farming te kan ti a. Atulte pawh a ni thei a. amaherawhchu, kha Mizoram Agricultural Produce Marketing Regulation 1996 kan lo neih pawh khanin kan farmer te kan lo neitute tana tangakina a nei em em lutuk lo a. Harsatna siam tu mai kha ni zawkin a lang thin a. Hei henglaiah Regulation leh dan te kan siam a, hemi free trade/free market ang khatiang kan neihna kha tam takah khan kha dan pawh khan a tibuai a, hei wawiina kan Bill ngaihtuah tura pawh hi Pu Speaker, loneitute manganna zawk leh thlai thar kuthnathawktute manganna zawk hi a ni thei ang em aw ; kan ti a. Bill hmasa kan neih aia a danglamna hi chu Committee emaw Board emaw kan siam ang tih hi a ni deuh mai a, a point dang tam tak hi chu a danglam lo a.

Tin, he kan Bill hi a chipchiar em emna laiah hian, thlai thar kan hralhna turte leh khami kan thlai hralh dan tur te, farmer te tanpuina tur ang zawng hi a kawm tam lo hian ka hria a, hei hianin nakinah harsatna kuthnathawktute harsatna a siam theiin ka ring a, a chhan chu tuna kan neih mekah pawh hian dan angin hei kan marketing anga Sorkarin a neih mekte, MAMCO te, MIFCO te, MIFMA tih ang eng pawl emaw a rawn awm a, tunah khuan check gate an siam a, hmun hran hranah chung check gate te chu wawiina min tibuitu hi a ni tlat mai a ni.

Sawhthing chungchangah pawh wawiin thlengin a hralhna kawngah a farmerte harsatna chu he kan dan neihin a lo tih chhung chuang chumi tello chuan kan hralh thei lo, chumi hnenah hralh a ngai tih ang chite kha kan dan hianin a ken a ni. Regulation tam tak eng engemaw hemi chhungah hian a awm teuh a, heng hi kan kuthnathawktute leh kan lo nei mite tan hian harsatna thlentu zawk anih hi ka Pu Speaker, kan Bill hian. Chutiang anih lohva, entirman sorkar inrawlh lohna Iskut chingtute angte khi wawiinah chuan free market an nei a, kumtin mai tha takin, a nuaih tel a vaibelchhe tel an lolut tawh a ni a. Khatiang angte khian heng Bill tello hian a tih theih mai lawm ni ? ka ti a. A bill body fel tak awm si hian lo neitute ti harsatu leh tihnaitu zawk anih avang hian kan bill pass tura pawh hi kei ngaihtuah nawn leh tulin ka hria a. Chut anih loh chuan thil tum ber zawk kuthnathawktute leh kan loneitute tana malsawmna ai hian malsawmna a nilo zawk ang tih ka hlauh avangin he thu hi ka rawn sawi ve a ni e. Ka lawm e.

SPEAKER : Sawi leh tur dang kan awm em ?
Khawngaihin min lo hrethiam ula. Treasury
Bench atang khan sawi tum engzatnge awm
ang che ule ? Pahnih maw ? Opposition

Bench lam atang hian engzatnge la sawi tum ang aw ? Pahnih, aw Pali. Adang pawh
khan a sawi theih tawh miah loh tihna a ni lova nia. Awle, Pu Auva kha a lo lut
hlim kha a sawi chak tawh a ni ang. Thut hma hma khan a rawn phar a. Tunah Pu
K. Vanlalauva ilo sawm ang.

PU K. VANLALAUVA : Pu Speaker, ka lawm e. Ka rin aiin Member
zahawm tak khan a sawi zo hma a. He kan
Marketing, Development and Regulation Bill,
2008 hi thatchhe deuh tan phei chuan zir
tham tak tak a ni a. Kan dan dang leh kan dan neihsa 1996 a kan hman lai mek
nena a danglamna chu a chipchiar em em a. Tin, he dan hi kan ramin tuna kan nei
ngei ngei a pawimawh nia a lanna chu Department lamin kan ram hre renga
ruahmanna draft an siam te vawihnih vawithum en that a nih hnuah concerned
Minister in a zir chian hnuah leh Cabinet pawhin a lo remtih tlan tawh anihna hian
ngaih a titha em emin ka hria a. Chuvangin sawi pawh a ti phurmaw lehzual a.

Hei House in kan ngaihtuah fo thin chu eng
administration pawh keng dawn ila, a rorelna atan, thu tlukna siamna atan dan a
awm em ? Eng dan nge kan hman ? tih hi zawhna leh chhannaah pawh a ri tam em
em a ni. Chutiang chu anih avangin anih avangin dan a kan intlan hung loh hi
chuan fimkhur awm em em tawh a. Mithiam, mifel, miffing an tam tawh a. Kan
kalpui hmaa huaisen taka a taka kalpui mai ni lova dan a han phuar fel te te hnuah
kal a thlamuanthlak a. A hmangtu mipui tan pawh a him em em a ni. Kan dan ina
a sawi ang ngei hian chang-II na kha market hmun han tih kha a nia a. A hmun
thlan dan turah hian Committee mumal tak a awm a. Chu Committee chuan mahni
thlai thar, vuai har chite vuai awl chite, tawih hma chite, thlai hrang hrang zawrhna
tur definite taka a han rel danah khan Committee kha a pawimawh ta a ni. A
function dan tur pawh hi ngaihngam awm hlein ka hria. Minister in a sawipui a, a
tita mai ang kha a ni lova. He dan ina a tum ber chu relfel hrim hrim chu thu khat,
State tina mahni thlai thar theuhten ramdang atanga lakluh nilo, mahni thar chhuah
no-I a a neihi chi lawmawm ka ti. A tam emaw tlem emaw, Market Committee in
remruatna an nei hi a tha ka ti. Eng thlai pawh thar Sila, buaipui hi kan harsat em
em a ni. District Headquarters hlat deuh te tan phei chuan a harsa lehzual a. Kan
bial angah te chuan sawhthing, aieng pawh ti thin mah ilang khata tang rawn kalpui
char char tur chuanin a buaithlak em em a ni. Khatieng zawng zawng Market
Committee ina a hmunpui atanga Assam thlenga thuneihna nei tur anga ruahmanna an
awm te pawh hi lawmawm ka ti a, tun ai hi chuan a fel dawn tihna a ni. Chutih
lain duhthu a sam lohna tam tak pawh a awm mai thei e. Dan hmasa aia a thatna
tur pawh ka hrelo, tithe a awm thei ta a. Engkim mai hi sawisel theih loh a awm
tak tak lova, sawisel theih vek a ni a, amaherawhchu, a hmangtu Sorkar leh a hmang
tak tak tu a taka changtu mipui te hi kan pawimawh a ni. Tukin chanchinbua kan
hmuh ang khan sawhthing chungchang thu pawh a tawp bera an ziak ang khan a fai
tha tur a ni tih lai tak kha ka vei khawp mai. Sawhthing, aieng a ni emaw lei
chhung atanga kan lakchhuah leh phawrh te hi a leitute hianin lei leitel an tum lo

tlat. Sawhthing kha a ni an lei dawn, aieng kha a ni an lei dawn. He zirtirna hi mipuite pawhin kan hriatchian a pawimawh em em a ni.

He Agriculture Market kan tharchhuah kan hralhna tur fel tak bu chhah telh telh lo chhuak ta hi kan House hianin a famkimlo deuh e, duh ang a ni lo deuh e, kan ti anih pawhin, hei aia tha chu kan la nei rih lo tlat a ni. Kan hmanlai mek market regulation 1996 nen chuan inthlau tak an ni. Chuvangin tha taka kan hman ka ring tlat a ni. Pu Speaker, hei hi chu hnawl phal chiah ka ngai lo tlat, a aia tha kan nei anih pawhin a tha zawk kan hria anih pawhin he House bawh hian a amend leh mai dawn a ni. Dan reng reng chu kha vek kha a ni. Tukina Unstarred Question te pawh kha correction a loh thei lo leh mihring khawvelah hian. Khatiang tho kha a ni he ruahmanna pawh hi Minister leh Cabinet kaltlang mah nise a lo famkim lo l deuh anih hi mawle tih hun pawh a la thleng ang kan khawvel lokal zelah hian. Chutiang atan chuan rilru pawh kan reserced a thain ka hria. Hei hi chatuan thlenga hman tur niah ngai bik lo ila, kan hun a zir leh thil thar tam dan a zirin her danglam a ngaih hun a awm ang. Chuvangin tunah a hrim hrim hian he House hian pass loh theih lohah ka ngai a ni. Kuthnathawktu, mahni thlai thar nasa taka zawrh tum mek te tan a thlamuan thlak ka ring bawh a, hei hi Pu Speaker, pass ngei turin ka tawm a ni e. Ka lawm e.

PU S.HIATO

: Pu Speaker, ka sawi thiam chiah ka ring lova, min chhang sela, chhan zawhah hian sawi ila ka duh a, a chhan chu Agriculture Produce marketing tih a rawn loh hian, Agriculture Produce hi heta hrilhfhahna hi chuan chi tam tak a awm ta a, Forest Product emaw, raw wool pawh nise, Life Stock ransa kan hralh thin te pawh a vai khan a kawp a. Chu bakah export thleng a huam tel tur a ni a. Mahse, ka hriat thiam loh chu Pu Speaker, eng dan hi nge Mizoramah hian Lal ber ang tih hi ka rilruah a lian em em a, a chhan chu tuna dan hi India Sorkarin kan regulation neih mek 1996 ami repeal tura a rawn tih a ni a, a chhan tha tak tak a awm ngei ka ring a. Amaherawhchu, tunah hian Aizawl Development Authority kan nei a, nimirah pawh dan kan pass a, kha takah khan Marketing engemaw zat a tih tur a awm a.

Tin, municipality kan ti leh dawn a, heath pawh khati bawh khan kan lut leh dawn a. Tin, tunah hian a lian ber chu Trade and Commerce a awm a. Trade and Commerce hian engemaw zat hi a thawk bawh a. Chu bakah Mizoram tuna kan buaina ber hi chu kan tharchhuah te hralhchhuahna a ni a. Hei sawhthing te, Aieng, Red Palm Oil, Zathropha te pawh hi lo thar ta ilang. Hei hi chu kan ram aiin pawn lama chhuak tur vek a ni a. Chulalah chuan Trade and Commerce, la ang tuna mi kan dan hian nge kengkawh ang tih ka hre duh a. tunah Aizawlah ngei pawh leh District lian deuhah chuan Market hmun a pawimawh em em a. Aizawl khawpuiah phei chuan Bazar niin thutna pawh lenglo khawpin an awm a. Hetiang dan kan neih hian a Bazar tur kha tur control tur nge ni. Tu tihtur chiah nge, a khawi laiah nge ramri an inseam ang tih min hrilhfhah ka duh a. Tunah Sangha te hi chu kan ramah a thar a, kan ramah hralh thei nghal mai turah kan ngai a. Alu te pawh a ni a, kan hralh theih loh tur tam tak a lo awm dawn a. Chulai tak chu engtingge kan tih ang ? Tih min hrilhfhah thei phawt sela, chumi hnuah chuan heimi he sawi a chakawmin ka hria a.

A tlangpuia kan en hian keini dan hrelo tan chuan a bu kan en a, a mam pul a, nichina ka sawi tak ang khan. Heng Board of Director a control tu ten Aizawl Development authority ah pawh khan Officer khata concern zawng kha Member an ni vek dawn a. chutiang bawkin heath pawh hian a Member ni tur kha an intawm thup mai dawn a. chutah chuan khatianga sawr zima pakhata tha deuh liah deuh si Authority tak kha a englaiah khan nge a awm ang ? Tih zawt pahin ka rawn sawi a ni. Ka lawm e.

SPEAKER : Awle, tunge han sawi leh ang. Helam hi ka hmu hmasa tlat mai. Pu H.Liansailova. ilo sawm ang.

PU H. LIANSILOVA : Pu Speaker, ka lawm e. Hei vawiina kan bill sawi hi dan puitling tak ten a ni a, kan ngaihthlak tawh angin Central lamin a Model min rawn pek zulzuia siam a ni tih min hrilh kha a pawm awm a, a dan te enin a chipchiar bawk a. A chipchiar pawha chipchiara, kan ngaihthlak tawh ang khanin a Department ah kan Senior Officer thiam tak tak te leh Law Department lam pawhin a Model te enin uluk takin, an han buatsdaih chu a ni a. Agriculture Marketing hi kan ramin kan mamawh leh tuna dan kan neih tawh sa kan hman mekte han thlir hianin kan dan hian min tih zangkhai ai mahin phurrit min siamsak a ni lawm ni tih hi tuna kan experience hi chu a ni a. Chuvangin tuna kan dan hi Bill anihna hrim hrim a hi chuan a tha ang, Central lam atangin Model lo kal enzawna siamte a lo ni bawk a. Agriculture lama hma kan sawn chhova, kan hmasawna zel tur pawh anih ka ring a. Contract farming te pawh bul kan han tan chho ta a, thlai eng engemaw ah hi chuan contract farming a kan kal fuh chuanin kan ram hi hma kan sawnin Agriculture lama kan thatna tur pawh anih kei mimal tak pawhin ka ring a. Kan Agriculture Minister in a tuipei thlai engengemaw pawh hi a bul kan tanna a ni a, risk lak loh chuanin a tha mai tur hi a hriatsa theih lova, a tha tur a ngaih pawh a lo tha lo thei a. Chuvangin contract farming te leh MoU sign dan tur engengemaw ruahmanna te pawh mumal taka a rawn siam hi thil thar tunhmaa kan lo neih ngai lo a rawn keng tel hi a lawmawm a.

Thutih rual chuan a bu chung thu han zir hianin Market Establishment Chapter 2-ah a in tan a, Chapter 3 ah Market Committee Dinah a lo lut leh a. Market and special Market tithe a ni a. Tin, chapter 5-ah Market Committee thuneihna tur leh hna an thawhdan tur chipchiar takin a rawn lut a, Chapter 6-na ah Start of Market Committee, tih a functionary paid Staff tur te chungchang a rawn tarlang ta a. Khang ho han enin, tuna Agriculture Marketing a kan mamawh hi a rawn thlen dawn hranpa lovin ka hria. A rawn thlen dawn hranpa lem lovin ka hria a. Tin, tunah hianin kan dan han hman mek a pawh hi 1994 a Movement of Agriculture Produce thua pawh khan, thlanglam atanga lo chho turin, helaia kan loneitute thlai kan thar chhuah ve te, a rawn chim chhiatna tur danna ltur, remchang siamna leh helama chhuk turah pawh engemaw tia cut throat competition khulam min rawn siamsak tute an awm palh hlauh vanga, a movement tur a pawh tlem a restrict theihna tur order siam theihna tur a kha, kha khan a rawn keng a. Kan hriat dan a inchenlo mai thei a, ka hre thui vak lo na a, amaherawhchu, 1994 a, Agriculture Produce Movement order siamna tur, kha dan a kha chu, anihna tur

anga kan hman kha chuan loneitute chhanna tur dan tha tak hi a ni a. Amaherawhchu, a hnuah Amendment te kan han siam leh khanin 1998 ah nge Amendment kan han belh leh hlek khan, a chhukthla lam tur, regulate nan chuan kan hmang na a, mahse, a dan a kha a tak taka han hman hian, a tawp lamah chuanin mau tlawNSEI pawh hi han vai hian a che a hi a ne e, tih ang deuh hianin, a implementation kha heath a field tawp lamah khanin, a invai na lutuk ta deuh niin ka hria a. Chuvang chuan kan loneitute tawrhna ti ila, tawngkam mawilo pawh a ni mai thei a, hamthatna aiin harsatna theIntuah khanin kan hmang thei ta hlauh a. Chutiang ang deuh bawK chuan, tuna Market Committee te kan han din tur hei Board of Director angte an han awm dawn a. A Official tup mai dawn a, kan market hrim hrim a kha. A hmun thuah Market han tih hian a plave a keng tel a, tin, a trading ti mai ila, a marketing a keng tel bawK a, khanga han che vel ltur a kha, khatia kan thuum leh tup mai khan Official hian a khat leh mai ang a. Loneitute zalenna tur leh an hamthatna tur laia kha. Khang khan kan daipherh leh ang tih hi a hlauhawm khawpin ka hria a.

Hei kan tawngkamah leh kan Agriculture Marketing te kan han sawi hianin Market Intervention hi kan sawi tel fova, tunah hi chuan Market Intervention hi kan loneitute tan a an hamthatna emaw, an hlawk vena tur emaw daipherh zawng hian Market Intervention ah hian, Sorkar emaw Cooperation emaw pawh hi kan la chelut deuh ziah a niin a lang a. Chunglaia kan mamawh chu heng kan dan hian a rawn phuhru em tih laiah khan, mimala ka hlauhthawnaah chuan, kan thiam zawng hi chu Office leh hlawh neia inchhawm Committee pawh nise, power nei deuh a, dan inseam chawpa eng License emaw han in pek te, khatiang leh lduhsak zawng te inthunnan kan hmang tlangpui ldeuh a. Kan market structure hi kan ti khawlo in kan marketing rawn inbuild up mek hi kan tibuai leh vak mai awm mang e aw; tih hi keimahah chuan apprehension min pe ldeuh zawk mah mah a. Chuvang chuan vawiinnia kan dan hi a that dan tur tak hi kan ram pawh hian a la tlin lo deuh em ? Central pawh hian a model a rawn siam ang hi kan la thun lut lo deuh em aw ? tih ka ngaihtuahnaah chuanin a awm a.

Tin, chutihruah chuan marketing thuah hian hei Trade and Commerce chu a changtu chu a ni a. Mahse, hemi Local Market chin hrim hrimah hi chuan nichinah kan ngaihtlak tawh ang khan India constitution te pawh han en ila. Urban ah chuan Urban Body kha market lamah hi chuan statutorily a thuneitu tur an ni a. Tuna kan Dawrpui lah saw kan Sobji market te saw kei ka rilruah chuan Urban Body te kan neih hunah chuan an kuta lut tura kan ngai deuh mai a. An sum hmuhna tur leh an enkawl na l tur, chutiang zel chuan. Lunglei lamah te pawh a ni ang a. Tin, a thawhna lamah pawh MAMCO kan nei a. MIFCO kan nei bawK a. Chutiang chuan Sorkar lamah pawh kut ke han che mai thei chu kan nei a. Mahse, heng zawng zawng hi a nihna takah chuan White Elephant hi a ni a. Kan chawm zo lo hi a ni lek lek a. Hna tangkai an thawk thei lo nge kan thawhtir theilo tih lam thlengin.

Tin MIP-ah Agriculture lamah hian hmannah pawh ka sawi tawh a. A chintirtu te an nei a, a lo hlawhtlin a, a marketing ah khanin mawhphurhna kha nei zui lovin midangin an take over tur khan kan chhawp leh hlauh mai tawh ni hian a lang a. MIP ah te pawh Marketing Authoritytha tak chu kan han din na a. A kawng an zawng an zng na a, a taka chanter tur chuan Trade and Commerce lamah, MAMCO lamah chet a lo ngai leh lai

si a, heng lai inthuai fuh lo te hi heng kan dan hian a thuai fel thei ang em ? tih lai kan zir hianin a kawng keima han zir chinah hi chuanin a la bo deuh tho mainin ka hria a. Tin, Budget lama Sorkarin sum tam tak dah a kan Agriculture Produce te lei tawp tawp ang hi kan mipui te pawhin min beisei na tur ting hianin kan han sawi na a, a tak tak hi a thleng thei lova. Tin, heng hi a tak tak a practise tur chuan a Sorkar sum Budget a awm a pawimawh ang rual ai mah a pawimawh ka tih zawk chu ka Bank te a bikin apex Bank te. Chung atana kan hman tangkai tur chu a ni a. Vawikhat ah sawhthing leina atan ah thla hnih khatah hian 1 crore kan mamawh mang hauh lova. In lum let thei zel anih avangin. Chuvang chuan kan Apex Bank te emaw Agriculture Marketing lama pawisa kan hman tur hi dah sak a CCA a lian tak a dah a. Nuai Rs. 400- Rs. 500 an hman theihna tur hetiang che lovin an hmang theihna tur lam hawiin hma kan lak zawk hi a pawimawhin ka hria a. Chuvang chuan vawiinnia kan bill han tih tura hianin nakin zela kan mamawh tur chu a ni ang a. Tuna nilo ldeuh em aw tih leh hei hi lonei ta ila hetiang tak hian kal ta ila. Tuna kan lo neitute leh an Agriculture Produce Marketing thu a an harsatna hi a tih zangkhai ai mahin Official leh thuneia pui hi kan siam leh zut mai anga tih hi a hlah mai ang a, hlawm lian pui pui a check gate em kan siam lo anih pawhin License leh fee lo khawn thei a pui hi body statutory a kan din hi kan awm tir leh lthuah ang a. Kan lo neitute phurrit hi kan belhchhah mai awm zawk mang e. A ti zangkhai ai mahnin tih kha hei, vawiinnia, bill kan ngaihtuahna ah hian ka rilru ah a lian khawp mai a. Chu chu he bill chungchanga sawi duh kan neih chu a ni e. Ka lawm e.

PU LALDUHOMA

: Pu Chairman, tuna kan bill hian 1996 a kan dan neih lai hi a ti tawp dawn ta a. Hemi 1996 a kan dan lo neih a hi Zoram mipui hian kan nei tih pawh an hriat hmel lova. A

hnawk bawk lova, a tangkai bawk lova. A awm mai mai a. Chu chu zuk paih pawh khan awmzia a nei vak lova. Awm zui mahse, awmzia a nei vak lova. Amaherawhchu, chu a aiawh a dan tha kan siam dawn anih chuan kan zuk paih dawn a ni mai a, a tha thova. A thlak thlengna tur dan a hi a hma dan ang mai khan a awm leh hle hle ang tih hi ka hlau hle a. Dik tak chuan he kan dan thar pass turah hian Agriculture Marketing Board a awm dawn a. Kha kha thuneitu sang ber a pawimawh ber, a laimu a ni a. Chuta kan Chairman tur chu Trade and Commerce Minister apiang a ni dawn a. Kan Managing Director chu Trade and Commerce Department a Director apiang an ni dawn a. Autonomous Body tia chhal siin a Autonomous dawn miahlo tih hi a chiang sa a. Tin, Managing Director full time kan nei dawn lo hi a fello sain ka hria a. Trade and Commerce Department a Director hi a Minister lakah khan a huai dawn lo reng reng a. Autonomous Body ah pawh khan MD in va thu mahse, a Chairman leh a chung a nitina thuneitu Minister hnuaiah khan a function dawn tlat avangin awmzia a nei tak tak dawn lovin ka hria a. Hei hi tha ka tih lohna lai a ni a.

Tin, MAMCO te kan nei a, Agriculture Marketing Corporation a ni a. Dan chu kan ngah mai, anih leh MAMCO hi engtingge kan tih dawn tak le ? kan paih chuang dawn lo anih bawk si chuan hei tho hi an khawih a ni si a. Engatinge dan hi kan neih tawh ka ti a ni. MAMCO hian engemaw chen chu MAMCO sign board hi an tar tawh lo an ti a. a building a va luh pawh sawn E.E. Office te SDO Office te, J.E. Office te a ni deuh vek tawh

an ti a. Building construction company ang deuh hlekah a kal tan tawh niawm tak tein sawi a ni a. Agriculture lam kan thlai thar an hralh lam hi chu kan hre lo khawp mai. MAMCO te hian tih tak tak lo l tum ve ta lawi si sela, thuneihna in buk thuah a awm palh ang tih hi ka hlau em em a ni. Hei hi tihchian tha ka ti a.

Tin, Pu Chairman, anihna takah chuan ka sawi duh chu 1994 ah Mizoram Agriculture produce (Restriction of Movement) order siam tak leh 1999 a rawn amend chhoh hi kan paih loh chuan kan dan thar hian awmzia a nei dawn lo. He dan hi a hnawksak em em a ni. Hei hi a la operate chho dawn anih chuan tuna kan bill hi pass mah ila, hei hi a langsar zawkah a tang ang a, a lal zawk leh reng dawn. Vawiinnia tun darkara hman mek chu hei hi a ni. Hemi appeal-na hi awm sela kei chu ka duh a ni. Hei hi kan mamawh tawh lo. Tuna kan pass tur hi chu regulation a ni. Market kan develop ang a, kan regulate dawn bawk a. Helaia a movement restrict na hi a hranpa a kan neih hi atul tawh lo. Dik tak chuan he dan hi 1994 a lo passed kha a ni a. Hei a passed laia kan Chief Minister pawh kan zingah a la awm a. an passed chhan hi enge ni ang aw tih ka ngaihtuah a. A base chu BEFR Section 7 a ni. Bengali Eastern Frontier Regulation Section 7 kan en chuan Mizoram leilungah hian Mizofa (native) niloten leilung hausakna an chhawr ve thei lovang, an hmang tangkai ve theilo ang, Ram leilung pawh an hmingin dah a ni theilo ang tih daih a ni si a. Hei hi Sapin min awplai kan dil leh remhriat pawh nilo a min humhalhna dan an lo siam a ni. Chumi tlawhchhan si chuan kan rama thlai thar hralh leh lei a transportation a movement control na restrict-na dan siam tak tlat hi thil in chulo tak niin ka hria.

Tichuan, 1994 ah he dan hi siam a lo ni a. Hetah hian khati laia kan thar tam deuh deuh item 5 control a ni nghal a ni. Tichuan, chu chu hman a lo ni ta a. Chutihlai chuan he dan hmang chiah hian Baga vai pakhat chu tender chhuah miah lovin Mizoram sawhthing zawng zawng leitir a ni Kg ah Rs. 3.50 in A aia let engemaw zat a to a lei duh pawh loawm mah ila sorkarin permit min pek ve phal loh avangin a tih theih loh a, a ruk ten miin an phur a, Vairengte Gate ah an dang a, an buai tho tho.

Market competition hi he dan avang hian waviin thleng hian a la awm thei reng reng lo, a pawl lutuk. Tichuan sumdawwna mimal pakhat te nen a tihtlan a engemaw zawngin hlawkpui nan an hmang ti mai lturin a awm ta a. 1998 ah khan Mizoram Hmeithai Association khutah Trifed te nen Mizoram sawhthing an han lei ve dawn a, sawhthing man leh Aizawl atanga Delhi inkar kal man zawng zawng Trifed chuan a tum sakvek chung pawhin Sorkarin sawhthing leina permit a pe ve duh lova, an ti zui thei chuang lo. A rate sang zawk a lei duh an lawm pawhin kan Sorkar lo ding tawh reng reng hian kuthnathawktute hi an hrekbet tlat si a, an vai hian. Hei hian ka thin a tirim a ni.

Chutilaia Hmeithai ho mangang thuchhuah chu hei hi a ni. Pu Chairman, permit an dil a, an pe ve duh silo, he vaipa ringawt hian a chali char char a ni. Tichuan Synod khawmpui 1997 ah a lo awm a. synod ngaihtuah reng reng loh ltur thlai thar lei rawh se, tih kha synod in a passed a lo ngai ta a. Chumi hnuah chuan tuna kan roreltute hmel hi a lo lang chho ve ta a, he 1994 dan hi aia chhiain an rawn siam ve leh ta ringawt mai a, 1999 ah an rawn ennawn ve leh a, 1994 roreltu hmasaten item 5 an control kha 1999 ah chuan item 138 an rawn control ta a ni. India ramah hian thlai thar control-na State hi a awm ve

em ? a lei leh hralh khapna leh licence dil ngai ram hi a awm ve em ? chhiah chawina ram a awm ve em ? a awm chhun kan nih ka ring. Behlawi te, Pundina thlengin khap a ni ta vek, a raphlak a ni. He dan hi kan paih loh chuan kei chu ka lungawi dawn lo, he dan hi engatinge in la hum tlat ? A aia dan tha kan nei anih chuan hei hi i paih nghal ang u, hei hi i repeal tel nghal ang u hmiang. Chuti anih chuan kan phur khawp ang. Chumi la ding reng chung si a hemi kan ti hi a tha lova. Tichuan, Sorkar thar lo ding chuan Sundar Ali a tho tho tender chhuah miah loin man tlawm em emin a tihtir leh a, tichuan Synod khawmpui rorel bawhzuiin helaia Sunder ali in kan sawhthing a lei lai khan Synod in mithiam a tir thla a, Assia khawmualpuia market lian ber Azadpur, Delhi ah an zuk kal a, chutihlai chuan Kg 1 wholesale rate chu Rs. 34 a ni. An chhutchhuak vek a, a copy hei hi a ni, a copy hi Sorkarah pawh an pe a ni, mahse, an hlamchhiah mai mai. Aizawlah Kg ah 26.26 in lei ngam a ni tih hi Kohhran thuchhuah a ni.

Chutihlai chuan Kg ah Rs. 5 in sundar Ali an min awpbet tlat a nih kha. Khati zel kha a ni. He dan hi engvanginngan an siam kan Sorkar ten, mipuite that nan vawikhat mah tlat khat mah an la hmang lo, a hrekbehan char char a ni vawiin thleng hian an hman, Chu chuan ka thin hi a tirim em em, kum 20 chuang ka thin a rim tawh, Pu Chairman.

Kum 2000 khan High Court ah kan kal a, Lalchhanhima Silo hmangin, an phallo chung chung High Court thuin permit pek a ni a, Kg ah Rs. 17 in a lei ta a. Mahse, hei an cancel leh tlat. Kg a Rs. 17 a sawhthing leitu kha kan Sorkar te hian an duh lova, an cancel leh a, chhan pawh an sawilo reng reng. "As desired by the Hon'ble Minister, Trade and Commerce Department" tiin a thu a in tan mai a ni. Minister thuin tih a ni. Kum 2003 khan Transport subsidy leh support price ka pe e, an ti a. buyer 12 Sorkar hian a ruat a. Transport subsidy Kg. ah Rs. 1 leh support price Kg a Rs. 1 chu a thartute ipteah pakhat mah a lut lova. Chung mi 12 te ipteah chuan a lut zo vek a, vaibelchhe li chuang support prize hi, awmze nei lovin mipui kutah lut lovin mi tlemte kutah an luhtir ringawt. Khatiang kha India ramah support price an pek dan a ni ngai lo reng reng.

Vawiinah hian he dan kal zel hmang hian a ni order an la chhuah a, Police te ruaiin Vairengte Gate hel tuma Bairabi lama an kal pawha Police an mantir a, helai Serkhan lama an hel tawk tawk pawha Police an dan tir a, an tihbuai char char. Engvangin nge Police te hi kan hman kher kher, kan mite thlai thar hralh theih lohna tur, a man to zawka Bagha a zuk hralhte chu an duh ve reng alawm. Engahnge an hrekbeh ? Tunah pawh an tizalen a, Rs. 10/- a lo kai ta mai a. chuvangin an lei reng alawm khu gate an han hawn meuh chuan. Chu chu a ni mai alawm, Bagha leh Vairengte inkar Km 5 lekah hian Kg ah Rs. 4/- tein a hlawk hlei lsi a. Chumi mipui iptea lut tur, mi tlemte te iptea lut ta kha vaibelchhe tel hi a awm hman a ni. Thal hnih khat chhung hianin. Heng zawng zawng hi mipui ipteah a lut tur a ni. Chuvang chuanin hetiang hrim hrima kan inenkawl anih chuan a rate hre lova inchintir kum 30 chuang, a market hre lova, inchintir 30 chuang, Budget a Rs. Khat mah a leina tur pawh ldah ngai lohna ram, crop insurance pawh pek lohna ram, support price pawh pek lohna ram hetiang ang hian kum 30 chhung hi. German rual pawh, Japan rual pawh enkawl ila BPL ah an chhuak ve vek tho ang. Kan ram kuthnathawktute hian ching rawh kan ti an chin zozai te kha hralh thei zel se chuan tunah hian thingtlangah in tha pui pui a awm

tawh ang. Motor te an nei thei tawh ang a, an fate sap sikulah an lut tawh ang. Chuvangin kan in enkawl dan hi a dik lo. Pu Chairman, he dan hi a complicate em em a, kan kuthnathawktute tibuaitu a ni zawk ang tih hi ka hlau a.

Engpawh nise, ka phut chu 1994 a dan siam 1999 a amend hi hei hi repeal tel hram nise, ka duh. Ka duh ngawih ngawih, hei hi a hnawk lutuk, tangkaina a awm lo, phek khat mah, tlar khat mah siam tirh atanga mipui thatna hawi zawnga hman a la awm lo, mipui hrekbettu a la ni char char. Chuvangin, hemi repeal na hi tel ve se a lawmawm lehzual ang tih ka sawi duh a ni. Ka lawm e.

PU H.LALSANGZUALA : Tunge sawi leh tur awm. Aw Pu Saikapthianga, Nia, hei a zo dawn tawh tlat mai a, kan kaltlang mai dawn nge ni ang a, laklawhah minute hnih chauh a awm mai a. Kan over deuh hret mai dawn em ni ang. Kan chawl mai dawn nge, dar 2 ah tan leh ang aw.

DAR 2:00 P.M.

**PU C.LALRINSANGA
DEPUTY SPEAKER** : Le kan rorel kan chhunzawm leh ang a. tunge bul han tan dawn le. Pu Sailothanga Sailo ilo sawm ang.

PU SAILOTHANGA SAILO : Pu Deputy speaker, ka lawm e. Vawiina kan bill pas tur hi a tha viau a. amaherawhchu, a implementation lai tak hi pawimawh lai a ni thin a. Chuvangin ka hriatthiam theih zawngin Pu Deputy Speaker, a background hi han sawi ka duh a. a tawpah bill ah hian tlem han belh leh ka duh a. Pu Deputy Speaker, Mizo te hi tunhma dinhmunah mahni thawhchhuah ngei ringa khawsa thin hnam kan ni a. Tunah erawh midang te buh leh bal thawhchhuah ringa khawsak economic dependency a lo ngai ta hi a mualpho thlak in a zahthlak hle a. Tlawmthlak kan ti bawk a. Hetia han sawilan thuak mai ai hian a tak takah chuan mipuite khawsakna dinhmun hi a la chhe ta fe zawk lehngal a ni. A chhan chu Mizote hi kum khat thar chi buh leh thlai ringa khawsa thang ei zawna nghet pawh ngaihtuah lemlo, Kum tina ram thar suala tha thlawn seng vak vak reng thin kan nih vang pakhat a ni. Hei bakah sum chang thlai han ching thei chhun te lahin an thar chhuah hralhna lamah harsatna an tawk mek reng bawk a. Hetiang hi anih avangin a khawsa thei deuh tlem leh Sorkar hnathawk tih loh mipui tam ber te dinhmun chu a hniamin a harsa tawpkhawk a ni. Hetiang dinhmun atang hi chuan tu tan pawh hmasawn thei turin kawng tha han zawh mai tur mumal tak hriat Pu Speaker, a harsa hle a. Mahni rem hriat dan danin mahni hma zawn zawn sut awrh awrh mai chu tihdan kawng awm chhun a la ni rih ber a. Mizoram ei leh bar dinhmun chhial zia leh a kaihhnawih thil dang dang hre chiangtu tan chuan bei loh theih loh a ni lova. Chuvangin Political Party zawng zawng te pawhin, Mizoram ei leh bar a intodelh chu ngaih pawimawh takah neiin inthlan

coampaign au hlaah pawh neih theuh a ni thin a. sorkar din tawhte apiang lahin Sorkar hmalakna pawimawh takah ngaiin theihtawp chhuah pawh an in ti theuh ang.

Amaherawhchu, Pu Deputy Speaker, intodelh tura hma lakna ah hian Sorikarin pawisa a vawm liam hnem hle tawh chung pawh hian tun thlengin ei leh bar dehchhuahna dan pawh a la danglam thei chuang lova. Khawi ramah mah mahni ram leilung hausakna haichhuah ngaihthah a ram hmul hman tangkaina chang pawh re lo chu ram hausah leh hnam hmasawn a ni ngai lo ang. Nih a hnekin ram rethei, hel chi hrang hrang chhuahna, ram ralmuang lo a ni zel ang. Tuna ram hausah leh hnam hmasawn te reng reng hi mahni ram leilung hausakna haichhuah nachang hria leh an ram hmul tangkai taka hman thiam te an ni vek hlawn a ni. Heng ngaihtuah hian Mizoram hi eng ang ramah nge siam kan tum tih hi kan inzawt bawh nisela. Tichuan, vawiina kan bill hi ka hma a member zahawm tak ten an sawi ka thlawp em em chu Managing Director chungchang a rawn sawi dan te, Agricultural Marketing Board chungchang a rawn sawi danah te hian ka duhthu a sam lo hle a.

Mahse, helaia lo lang Market Yard siam dan chungchang a rawn duan chhuah hi chu a taka kan zawm theih chuan a implementation in a zir bawh chuan tha thawkhat turah ka ngai a. Tichuan Market Committee hrim hrim siam te leh a contract farming hrim hrimah te leh Budget leh Market Committee chungchanga fund siam chungchangah te a thu chuan tha viauin lang mahse, a implementation lai tak kha a pawimawh lai chu a ni lo thei lo ang a. He Sorkar hi tlai lamah/hun tawp dawn lama bill siam hi a ti leh hnuhnawh a. Hengte pawh hi sorkar tirh atang khan lo siam tawh ni ila chuan harsatna chi hrang hrang kan tawh te hi ziaawm phah tawh tur a ni a. Tichuan, Pu Deputy Speaker, he Sorkar ina a thiltih kan ngaihtheih loh em em loneitute leh kuthnathawktute hamthatna nasa taka ti chingpen nia kan hriat hi hi Zoram thanmawhbawh lian tak hi a ni reng a. Chuvangin he bill vawiina kan pas lturah pawh hian tak tak ramah chuan kuthnathawktute tana hamthatna tur han zawn hian avang em em a ni. Eng anga thu tha pawh hi sawi ila, eng anga thawngkam thiam pawh hian sawi ila, a pawimawh ber chu a tak ram kha a ni lo thei lova. Vawinah pawh hian party zawng zawngin kan intlansiak leh kan sawi fo thin, amaherawhchu, a tak ram la thleng reng reng theilo erawh chu kuthnathawktute hamthatna tura Sorkar in hma a lak dan hi a ni fo a ni.

Pu Deputy Speaker, vawiinniah hian thingtlang hmasawna tur nasa traka tih chingpen lo ni tawh te hi Sorkar tharah hian kan rawn siam tha turah kan rawn ngai a, hei thla 9 emaw chauh a ni tawh a, chumi hnuah Sorkar thar tha tak lo piang turah ngai ilangin, Sorkar thar chuanin thingtlang hmasawna leh loneitute hmasawna nasa taka tih chingpen tawh hi kan rawm siamtha leh vek anga an harsatna chi hrang hrang te hre rengin hna kan rawn thawk tawh dawn a ni. Tichuan, Pu Deputy Speaker, vawiinniah kan bill han pass tur hi a pass hrim hrim erawh chu a sualna ka hre hran lova. Chuvangin member ten rem intih chuan han pass pui pawh kha tha kan ti a. Tichuan a pawimawh berah chuan kuthnathawktute ina hlawn leh hamthatna an neih theihna tur tak tak zawng hian tute pawh lo sorkar selangin kan tihtur anih ka ring. Chuan Pu Deputy Speaker, hun tha tak min pe a, ka lawm e.

PU R.KHAWPUITHANGA

: Pu Deputy Speaker, hei nimin lam ang deuh bawk khan vawiinah hian bill tha em em mai a lo lut leh a ni a, I veilam leh dinglam hi chu kan inang lova, pakhatin tha

a tih hi pakhatin tha a tih lo lti zawnga sawi a ngai ve tlat thin te hi a vanduai thlakna lai anih avangin, a vanduai pawla awm hi chu rilru pawh a rim duh viau chuan ka'n ring ringawt mai a. hetiang dan tha han siam ang te a tha lo han tih hi chu kan ngaihtlak tak ang khan tuman kan ti tak tak pawhin ka ring chuang lo. Kan Bazar te kan en a, kan market te. Heng zawng zawng hi Aizawl a ni emaw, Kolasib a ni emaw, Champhai a ni emaw, Lunglei a ni emaw, Saiha a ni emaw. Heng zawng zawngah hian market ropui tak tak kan nei vek a. Hengte hi kan thlai thar tinrengte kan zawrhna a ni a. Heng kan Bazar te hi a pawimawh em em a ni. Hmanlai atanga thil lo awm a ni a. Chumi chu tih tunlai hei a ziak ang hian a ni a. Modernise kha a ngai ve tawh a. Thil kalphung hlui ang chi te hi a tha lo tam tak a awm ve a. hei keini hetiang lam hawi vaklote hi chuan hetiang ang market kan Bazat ah te hian committee te hi a awm emaw nile te kan ti mai a ni a. Chuvangin, tih tunlai hi a ngai tawh a. Chu chu anih avangin, India ram pumpuiyah kalphung inang tlang model a awm theihna turin hetiang state tinte kan kal theihna turin Central in a an rawn ti hi tihawm tak thil tha tak a ni.

Hei helaiyah taima takin Department ten he bill hi an rawn puitlin a Department te pawh hi an fakawm hle a. a lenkawltu Minister pawh hian a enkawl tha tihna a ni nghal bawk a ni. Tunlai khawvelah hian economic hi a ni vek mai a. Insumdawn tawna te, engkim mai, sorkar leh Sorkar te, ram leh lram te kan indawr tawna hi chu kan market hi a ni. Kha market khan system fel tak a neih a, keimahni ram chhung ngeiah kan inchinfel phawt loh chuan midang ten min rawn en ang a. E khai; hetiang hi chu dawr tlak an ni lo min ti thei dawn a ni. Chuvang chuan tih mumalna atan, kan Bazar te enkawl dan, a regulation te, a develop zelna tur atana building te pawh a tul a ni.

Hei keini South-II bial lamahte pawh Ngaizel ah khampangah Retail market te he Department hiam min han siam sak te hi alawmawm a. a la tangkai deuh deuh dawn a. Khampanga khatiang han din theihte kha a ropui ka ti a. Tin, veng hrang hrangah te pawh Aizawl khawpui lchhungah hetiang market hi an din tawh a, tam tak Mizoram chhungah phei chuan an din tawh a. Amaherawhchu, building ringawt kha a ni lova. A development leh a chhung khur inrelbawl dan tute kha mumal taka a kal theihna turin dan leh dun te hi a pawimawh ve a. Chumi a relbawltu tura te pawh chu helaiyah hian rawn tarlan a ni a. Vawikhatah chuan a famkim kher lovang a. Helaiyah hianin kan han hmuh ang hianin nakinah chuanin Minister te pawh khangah khanin a hotu tur a Chairman tur te pawh a ni thei a. Option kha a awm zel dawn a ni. Chu chu anih avangin a tlangpui thuin, a chhung han en ila, a ziak hi a tam em em a. Kan hre seng lovang a. amaherawhchu, a tlangpui thuin ami kaihbruai tumna erawh hi chu tuna kan awmdan lo ang hian a development pwh hmasawna kawngah pawh hmasawna tha a min kaihbruai a, ramdang nen, State dang nen, India ram chang pawh nilovin, tunah keini Mizoram te phei chu hei thenawm nu te pawh Thailand ah kan kal, Bangkok ah, Singapore ah, Hongkong ah te an ti tawh a ni a. Hetiang khawvelah hian keimahni ramchhung ngeiah hian Bazar Market enkawl na leh a development hi tha tak kan inseam a, kan neih hi kan tih tur liau liau a ni. Chuvang chuan Central lam

atanga tianga Model an rawn siam te, tin, chulovah chuan, thil tenawm em em chu tuna kan Minister zahawm tak Agriculture lama mi pawhin heng a han sawi atangte hian keini ang rual chuang kan han hre ve tan a ni mai a. Contract Farming tithe pawh hi Contract Farming chu keimahniiin a kan tharchhuaha kha midang te nena hralhna nei nghal a indawrna kha a ni a. Khang zawng zawngte pawh kha hei hi a rawn ti mumal ta vek a. Zir peih tan chuan helama tui mi tan chuan heng zawng zawng hi a chiang ta a ni.

Heng dan te hi nei lo ila kan hre nang. Chu chu anih avangin tun ang Sorkar kan han nei a, dan tha min pe thei, siam thei kan han neihte hi a thawktute pawh hi an fakawm thlawtin ka hria a. Tin, a Model te pawh Contract Farming ami turte hi a chhung han en ila, hei hmuhtheihin a awm vek a ni. Chuvang chuan, hemi awm hmaa Contract Farming kan tih thenkhatte pawh hi Subject Committee Fire te kan han ti a. Chungte chu kan han en a. Heti zawk hian a tha lawm ni ? tithe chu ngaihdan kan nei ve a.

Mahse, kan ngaihdan kha a fel ber ang tih chu a ni law. Kan inzir chho ve zel a ni a. Engpawh nise, kan han sawi tak ang khan hei a chhunga mi Market/Bazar kan han neihah te pawh Committee a han awm kha chuan fee te an lo khawn ta a, khatiang fee khawn chungchang thua te pawh Budget te pawh an lo inseam ang a. Tin, a building te pawh hi a tha tawh lova. Keini Mission Vengte pawh kan bial lamah sawn Bazar tha tak kan nei a. A panna saw a tha tlat lova.

Chuvang chuan hman that theih pawh hi a rinawm lova. Kan Sorkar hian min ngaihtuahsak zel ang a, a bik takin; Trade and Commerce lam tuna Department hotute ngei pawh hi enkawltute an ni tho bawk a. Min hriatthiampui pawh hi kan duh hle bawk a. Khatiang khanin hmun dangah pawh a ni. A than zelna tur atan khan heng Bazar leh Market te pawh hi mumal taka heti lam hawi zawnga awareness min pe nghal a ni. He dan hian. Chuvangin keimahni MLA te bial neite hian mahni bial theuh atan te pawh kawng min kawhmuhtu pawimawh tak a ni dawn a. A hma kha chuanin dan mumal leh tha a awm tih pawh ka lo hre vak lova, amaherawhchu, tun atang hian chiang zawkin kan han hmu a. Bazar thlai tinreng kuthnathawktute ina an han tharchhuahte zawrhna tur hmun tha kan han nei a, tam taka retail a kalna tur ang chi te. Tin, Lunglei leh Aizawl indawr dan tur, Champhai khilam zelin District tin ami te kan indawr theihna tur kawngte pawh kha heng market inzawm khawmna te a ni a. State-in a khaikhawm vek a, heta hmuh ang hian. Chutiang chuan a network a awm zel a. Chu chu keimahni State bik a ni a. State dangte nena kan insumdawn tawn zelna turte tin, chu bakah Border Trade kan ti a. Heng Border te nen pawh hian a inzawm vek a, a economic nen pawh a inzawm vek bawk a. Chuvang chuan hengte hi hluihlawn mai mai phal chi a ni dawn lo a. Hemi hmang hian kan ram economy hi kan siam dawn a ni. Chu chu anih avangin 1996 ami tuna mi chu repeal a ni a. hei hi hman chhoh a ni dawn a ni a, a hlui ai chuan a thar chu a tha daih ang a, chuan India ram pumpui nena market hmuna kan inzawmna pawh kha kan inhriat chian phah dawn a ni a. Chuvangin he dan Regulation leh a Development kan Bazar pui te, Baz te te, mahni veng chhunga kan Bazar te hi a pawimawh em em a, fel tak maia dan kan han nei tur hi alawmawm hlein ka hria a, lungrual takin I pass ngei ang u tih kha kan sawi duh a ni e. Ka lawm e.

DEPUTY SPEAKER : Pu Saikapthianga.

PU SAIKAPTHIANGA : Pu Deputy Speaker, hei dan pawimawh deuh mai kan Minister zahawm takin a rawn chhawpchuak a. lawmawm ka ti a. A chhungthu hi ka bel vak hman lova, a tam tham ve hrim hrim a, mahse, Marketing Development hi kan mamawh hrim hrim a, Regulation hi kan mamawh bawk a. Ka zu hriatthiam dan chuan, tlem tlem chu duh tawk lohna lai kan nei ve khanglang a.

Hemi chapter 14-na a Mizoram State Agriculture Produce Marketing Regulation 1996 a rawn repeal nena a inzawm dan lai hi ka zu bihchiang vak hman lo a. Mahse, a tlangpuiin a tha thawkhat niin ka hria a. Kan Market System hi siamthat a ngai nasa em em a. Sorkar lam inpuahchahna a pawimawh bakah mipui kan inpuahchah pawh hi a ngai khawp mai a. Chuvang chuan he dan hmang hian kan ramah kan Agriculture Produce te leh thil dang te pawh a ni thei ang chu. Forest based production te pawh a ni thei ang a. Heng hi changtlung zawka kuthnathawktuten tun aia hlawkpui zawka kan hman theih kan beisei a. Chuvang chuan he bill hi kan rawn thlawp phawt a ni.

Pu Deputy Speaker, thil hlui lam deuh hlek, ka hmaa sawitu Ratu bialtu zahawm tak, Pu Duha sawi kha hemi nen hian a inzawm tehchiam lo tlat mai a. 1994, 1999 a repeal tak Mizoram Agriculture Product Prohibition of Movement Amendment, tuna a dan thar zawka chu 1999 kha a ni. Kha dan kha dan tha deuh mai a ni a. Kan ti ve tlat dawn a ni. A chhan chu Agriculture Marketing chungchangah hian hmana mi kha tunah hian a tha tawh kher lo mai thei a. A hun leh hmun a zir zelin tangkai hun kha a awm a. Tin, kha dan pahnih ding anga sawi kha 1999 dan hian 1994 ami kha a rawn repeal thlap a, lokal kawp chho kha an ni a, an amend chho a, kha dan hmasa zawk kha a ding tawh lova. Pu Deputy Speaker, kan rama kan sumdawn dan leh kan thlai tharte hi kan buaipuina hi aa rei tawh khawp mai a, zau deuh zawka han sawi pawh thain ka hria a. He 1994 dan in a rawn tum tak hi chu kan kuthnathawktuten a hlawma thlai an thar, entirna tlem han sawi ila, Iskut bik kha Sorkar a in concentrate na ber a ni. Kan Iskut chingtute hnamdang sumdawng leh hnamdang te nena inkawp mi pamham tiin House ah pawh hian sawi mai ila. Chung chuan kan kuthnathawktute kha an exploit in an ti duhdah em em mai a. Chumi danna atan chuan Member zahawm takin kan dan khatilai inngahna a rawn sawi pawh kha a rawn sawi chiang khawp a. Bengal Eastern Frontier Regulation 1873 based a ni a. Kha bak kha chu kan bikna State dangin an tih theih ngai loh kan tih theihna tur atana va inngahna tur kha a awm chuang lova. Khata inngahata kha dan kan hotute khatihlaia an lo siam thei kha an fakawm viau a ni.

Tichuan, chumi kal chho zel chu wawiinniah hian Iskut ah hian problem kan neilo chho ta zel a. Tidik chho zel ila chu kan hmarcha, sawhthing thar te ah hian hmasawanna a awm chho zel tur a ni a. Keimahni leh keimahni hi kan inti chhe thei a. Political Party te, Sorkar dinglai te kan han inpuh thin hi dik tawk loin ka hria. Pawnlam atanga tihchhiat hi kan ni mah mah a. Kuminah ngei pawh kan Sorkarin sawhthing rate an fix a. Mipui an hlim hle a ni. Mahse, mi pamham thenkhat leh tawng mawilo ni suh sela. Cachar sumdawng tena

mi an exploit na lai hrethiam lo hian kan buai thin a. Tunah pawh Sorkarin an ti zalen a. engzatinnge sawhthing hi an lei leh tak ka hre lova. Rs. 10/- a an lei chuan lawmawmah ngai ila. Control phawt lose chu, chu rate chu kan thleng lo mai thei. Khatia sawi khan a awl khawp a. Mahse, kan experience ah min pawt tawlh a, a thenin an rawn lei a. Kuthnathawktute an inchhawp thla a, an lo duh lo leh a. Chuti reng reng chuan kan thlai thar hi min sawisa nasa lutuk tawh a. Chumi danna tura dan siam a rate a tlawm kan tih pawh hian kuthnathawktute beina an hralh duh em em chuan an hlawk tih a chiang a. 1994 leh 1999 dan hmang khan khatihlaia Sorkar khan theihtawp a chhuah a. Mipuite pawn sum tam tak an hmuh phah a. Vawiina Sorkar pawhin theihtawp a chhuah tih ka sawi duh a. Pawnlam atanga min tihchhiat tum tute lakah kan invent a ngai zawk a. Chuvangin kuthnathawktute humhimtu tur dan lo chhuak hi alawmawm takzet ka ti. Mahse, zahawm tak khan Hmeithai Association te kha a rawn sawi a. A dawrtu thin ka ni a. Tlemte to deuha lei kha Sorkarin rem a ti lova. An lei theih dan tur te, an hralhna.....(PU LALDUHOMA : Pu Speaker, Hmeithai Association hian buklung pawh hawhtir phallo tuah a hmung pawh an Press Conference ah an sawi reng a ni). Sawi chiah e. A chhan chu an tihtum dana kha a dik loh avangin Minister ka nih angin ka remti lo a ni. Sorkar leh Party a inrem tawhnaah rawn su chhe tura inrawlh tum kha Minister ka nihlai a ni a. Kan hotute rawnin ka remti lo a ni. Contract a ni tawh a. A hmaah an duh anih chuan khatianga rawn in rawlhna tur hun kha a awm a.

Tin, an sawhthing kan dan tur zawng zawng kan han zawh khan Sorkar khan a ringlo a ni. Sipai ina an vensak tur te engkim an sawi kha sipai lamte pawh kan be ve a. Chuvang chuan khatilai ami kha a mimal ang nilovin, kan kuthnathawktute tana tha tur nia kan rin loh avangin kan phal lo a ni. Chutiang zel chuan kan thlai thar hralh problem hi min chenchilh rei tawh a. Khatilai sorkar khan AMER an ti a, kan mithiam rual Association of Mizoram Economic Forum, M.A. deuh vek M..A. (Economic) te intelkhawm chuan India ram pumpui ah hmun hrang hrangah hmarcha market an zu suevey a, Sorkarin loan nuai tam tak a pe a, an han kalpui a, vawiinni thleng hian chengkhat mah rulh lovin anmahni ah pawh an hlawkpui chuang lo. Chuvang chuan kan market survey dan hrim hrim leh keini politician hovin mipui zinga kan sawi dan pawh hi mipuite tana harsatna thlen zawng hian kan sawi thin a. Tunah pawh a to em em a, sawhthing market hrang hrangah Aizawl market ah pawh a to lutuk, an chhekhath Rs. 10 man saw chheh thum saw Kg 1 vel a ni. Mahse, kan kuthnathawktuten an thar zawng zawng kan hralh tur chuan a practivable lo thin a, chumi salah chuan he hnam hi kan tang rei tawh a, chumi salah kan inzirtir a. Chuvang chuasn Pu Deputy Speaker, vawiinni ah hian kan kuthnathawktute hamthatna hi kan ngaihtuah tak tak anih chuan dan leh hrai mumal tak atul anih chuan kan kuthnathawktute zirtirna ni pahin a chang chuan an duh ang pawh thleng phalo deuha Sorkar hian a kalpuina atangin kan kuthnathawktute hian hun lo la kal zelah hlawkna permanent solution ti mai ang Sihphir area a Iskut chingtute vawiinniah an lungawi ta vang vang ang hian Sorkar hian dan leh dun mumal taka tan chuan kan kuthnathawktute hian hmathatna an nei thei ang tih ka ring a. Chuvang chuan vawiinniah kan bill lo lut pawh hi chutiang ang zawng chuan kalpui dan hram hram a awm em tih ka sawi duh a. Vawiinniah hian MAMCO ah a awm a. Trade and Commerce hnuaiah. Mahse, kan dan ah hian vawiinniah anih ang hi chuan Trade and Commerce a awm ang a. MAMCO a hrangin a awm dawn em ni ? He dan a lo nih hunah hemi hnuaiah hian MAMCO hian a sumdawn lai kha a thawk ang. Tih ang chi emaw kan belh a tha awm mang e, ka ti a. Chuti lo chu he dan hi dan a lo nih hnuaiah en that leh nise. Kan ram dinmun hi

thlang lamah Bangladeshin min hual a, kan sumdawnpui tak tak thei rih lo. chhak lamah Burma-in min hual a, (Myanmar) Agriculture produce ah kan sumdawnpui tak tak thei rih lo. Kan sumdawnpui theih ber chu Silchar te, Vai kan tihte an ni. Teak ah ringawt pawh hian Cachar Timber Association khuan Cachar Timber Merchant Association khuan harsatna min siam nasa lutuk a ni. Chuvangin, khmite'n min control thinna khu control letna tur emaw hi he ram leh hnam hian a mamawh a. Chumi atan chuan vawiinniah hian kan zavaia tangkhawma he dan hi a famim lo deuh anih pawhin bul tanna atana lungual taka pass a, Sorkar leh Minister pawhin harsatna engemaw a awm anih chuan hei hi kan hnam tana thil pawimawh tak tak anih avangin Opposition a ni emaw nilo emaw mithiamte nena inrawn khawma bul kan tan tak tak ka rawt duh a. A pawimawh ka ti a. chung tawite sawi chung chuan he bill hi pass ka rawt a ni e. Ka lawm e.

PU ANDREW LALHERLIANA:

Pu Deputy Speaker, a pawimawh khawp a, helai hi clarification siam lawk ka duh a. A rem thei ang em? Minute tam ani miah lovang. Nakinah a nih leh a tawp

khaikhawm dawnah min la sawm dawn nia.

DEPUTY SPEAKER

: Ngawi rih lawk, a sawi duh an la tam a, hei Pu Lalhmingthanga a phar a, Member la sawi lo te kan induhsak loh zawngin a fello ang e. Pu Lalhmingthanga i sawm phawt ang.

PU LALHMINGTHANGA

: Pu Deputy Speaker, ka lawm e. Hei kan dan kan Minister zahawm takin a rawn put luh hi a chipchiar ang hle a, chhiarchhuak tur pawhin beih fe a ngai a. Engemaw

tunhma lam atanga kan experience tawh angin thil hi fimkhur lehzuala tih a tha awm mange aw, ka ti a. Hemi kan dan siam hian chapter 14 na ah hian repeal and saving tihah hian tuna awm lai mek. The Mizoram State Agriculture produce marketing regulation Act, 1996 is hereby repeal a ti a, hei hi chuan kha kha chu a rawn repeal dawn ani tih a rawn sawi ta phawt mai a. Tuna hian corporation Govt. of Mizoram undertaking MAMCO kan nei mek a, hemi a Acts repeal turah hian chu chu a hlawk leh hlawk loh te kha chu thudang nise lang in awm mek a ni a, hemi body a dan repeal in a a ken body a dan repeal in a ken reng hi a nun zelna tur chiang taka rawn ziak lai a a nei chiah lova.

Tin, heath hian marketing Board hi chapter 10 ah state level ah a rawn siam leh ta a, state Agriculture marketing Board constitution function and power tih hi a rawn dah chho leh ta a. Tichuan a Corporation MAMCO awm reng bawk si hei hi awm bawk si kha body pahnih a engzawk nge lal ang tih pawh hriat loh hring chhuah dawn ni te pawh in a rawn lang

thei tlat mai a, chuvangin Chiangtaka ngaihtuahna pek a pawimawh mang e tih ka rilru ah a awm a ni.

Tin, kan sorkar kalhmang leh a hmalam a kut hnathawktu te thawh chhuahsa thlai chi hrang hrang kan lo buaipui tawhna thin ah hian hemi dan dinglai Agriculture produce marketing regulation n 1996 nei reng chung si hian khalam kha kan hmang ngailo em em mai a, kan hman tam ber hi chu a hma pawh a kan member zahawmtak ten an rawn sawi chhuah, The Mizoram Agriculture Produce Restriction on movement order 1994 leh hemi zuk repeal a, a ata chipchiar zawk prohibition movement amendment order 1999 hi kan hman tam ber hi a ni tlat mai a. Hemi kan hman chhoh dan te han en hi chuan kan kut hnathawktu te leh a produce ho in a an benefit ang zawng hian a kal chiah em aw ti a ngaihtuahna tam tak hman a ngai thin a ni. A hmalam hun kal tawh a te pawh Zuangtui ah te, hmei movement restriction thil avang hian Godown awmla vah Sawthingte chu tam tak kawng sir a kan tlar a, company peng lama te a chhia a, a tawih hum hum a. He restriction movement hnuai ah khan sorkar lam MAMCO te pawh han an han hralh a, Zuangtui atangin Gypsy Trip a Number te, Opposition lam atangin, helam atangin tuna kan ruling te awmlai khan an han la chhuak a. Gypsy trip te kha TMB trip anga sawi a, khatia Zuangtui leh Company peng inkara hralh tih ang te kha, a awm teuh mai a, incident kha. Hemi House ah hianin kan buaipui chiam tawh kha a ni bawk a. Chutiang chuanin, heng kan han siam hi tha tak tur a kan ngaih kha, a hmandanin a zir loh chuanin, a beneficiary tur te ber a producer te tan khanin tihduhdahna danah hian a chang leh mai thin a hi a paw em em a. Chutiang chu kan experience pawh a ni fo tawh thin a. Chuvang chuan hlauhthawnnain ka khat viau mai a ni.

Tin, a restriction hemi a items han khawih chhoh tur a hi, hemi Restriction of Movement siam hmasak 1994 ah hi chuanin panga chauh ang, sawthing te, chhahchhi te, hmarcha te, iskut te tin lapar te a ni a. amaherawhchu, 1999 a kan han siam leh hi chuanin item 130 ah a kal chho ta a, a huam ta deuh teuh a. chuan ltun amiah phei hi chuan Schedule 3 hi han en ta ila, Serial No. 1 atanga serial ah ei tur chaw chi an tan ta a, pulses ah an kal chho leh a, chuanin oil chi nei zawng an kal leh a, chuanin anhnah ah an kal leh ta a, chuan thei rahah a kal leh a, chuanin heimasala tithe leh khatiang ang testpata tih ang chi rim nei chi ang zawng zawng kha a kal leh a. Tin, hrui nei chi loh leh...? Te a kal leh a, tichuanin chini, fu, lehstarches ah a kal leh a, chuan thlai reng reng an ti ta a, chu chuan coffee te, thelret te, kuva kung te? Te a huam ta vek a.

Tin, narcotic ah hian panhnah leh vaihloah an kal a. Forest Product ah mau, hrui hnang, pangpar, thilcharna khawizu, thinghna, khawihnun, hmunphiah, thingvandawt, teak thing tih thlengin a rawn huam chho a. Chutah ranah a rawn kal leh ta a. Animal Husbandry Product ah ran hmul, bawng, ar, varak, artui, sangha, hriak nghee, kelsa vun, vawk an ti a.

Sericulture Product ah pangang rilzai, pangang ril chhuatphah pangang ril, zamphur pangang, blanket, pangang ril atanga puanlam thil dang siam reng reng a ti ta a. Chuanin damdawi lampang hnim leh thlai ah a rawn kal leh a. chuan incheinaah pangpar a rawn kal ta a. A zavai hian item 152 hi, hei hian a restrict leh thei ta vek a ni.

Chuan hemi dan siamna chhan zuk en hianin Statement of Objects and Resons ah hian a rawn siam a tum ta a. 'An independent authority to be known as the State Agriculture Marketing Board which will have authonomy of over administrative appointment of employees and financial matters' a ti a. Autonomy zau tak nei, khang zawng zawnga lal ber, khatiang body kha aa rawn din chhuak kdawn ta a ni. Chumi hnuah chuan, a pahnihnaah chuan, 'It will have income from various sources which will not be credited into accounts of the Government' an ti leh ta a. Heng te hi India constitution dinglai, provision te hi a kalh hial lawm maw nil e ? A chhan chu kan India constitution dinglaiah chuan financial matter leh heng fee khawn tur ah hian Legislative Assembly atangin emaw Parliament atangin emaw a rate kha a prescribe a nih loh chuan Delegated Legislation an siam a. Chumi dan mumal tak chuan a delegate anih si loh chuan hetiang ang Autonomous Body in sources a siam a, ama own finance a neih rikngawt mai te hi thil thiango ni hian a lang tlat a. A pathumnaah chuan, 'It will pay pension to its retired employees and meet its own administrative expenses and it will be permitted to raise its own fund for various developmental purposes', a ti ta a ni. Chuvang chuan a kal tur dan leh a ropui dan tur hi sawi thiam pawh hi a har viau mai a. Khatiang ang khan kan kuthnathawktu rethei te te te, sawthing lo ching ker ker, dal lo ching, be lo ching, khatiang mai mai chungah khan a bo a bang awm lovin kan ram zawng zawng te kan thing zawng zawng, kan mau zawng zawng, engkim mai chungah hian ro an rel dawn chu a ni phawt mai a, hemi dan kan han hman hi chuan. Chuvangin a lehlam zawnga tha tak tura kan ngaih kha a hmangtu tur te hi han en ta ilangin, hemi Committee Constitution rawn lang leh, tin, a board state level a awm tur, autonomous Body tak mai tur kha kuthnathawktute representative kha an awm leh mumal mang si lo a ni.

Hemi tak te hi a composition ah hian chapter 10 ah khan, 'State Agriculture Marketing Board Constitution function and power tihah khan zuk en ta ila. Trade and Commerce Minister kha Chairman an ni ta phawt mai a, nia, State Board a ni a. Kha kha chu ka hmu tho, aw, amaherawhchu, a Autonomous Body lai tak ka zuk sawi, hlauhawm khawpa thiltitheh tur lai kha ka sawi lai chu a ni a, a pppressive viau ang tih chu hlauhawm tak a ni. Tunah pawh hian a dik chiah chuan hemi restriction movement kan hmanna ah hian kan oppressive viau thin a ni a, lo thlir chuan. Zakna an nei tlat lo kan producer te hian kan kuthnathawktute hian. Tichuan hemi State Board Composition ah hian Trade and Commerce khalai a production tilo tu ber zawk kha Chairman ah a awm ta tlat a ni. Agriculture Minister nise, a ziaawm deuh mahna. Tin, Vety Minister ni tase, a ziaawm deuh mahna. A mimalah chuan mitha tak vek an ni ang. amaherawhchu, a awmdan zuk enchain hian entirman Forest Minister te nita se, a ziaawm deuh mahna. Horticulture Minister pawh. Tichuan Ex-Officio Member hi a nih hian a ni thla tlur mai a ni. Upto 8 Members to be nominated from among the Chairman of Market Committees a ti ta a ni. Market Committees atanga Chairman 8 thlenga nominate theih a ni ang tih a ni. A bak hi chu Official veh an ni. Tin, hetiang khawpa kan ram kuthnathawh rah lo chhuak manage tur si hi a Managing Director chu full term leh ta miah lo mai a ni. Ex-Officio in a awm a. the Managing Director of the Board and he shall be the Chief Executive Officer of the Board a ti leh a. Heng angah te hi chuanin autonomy an nei rau rau anih chuan kan producer ho atang te pawh khan Managing Director te chu full term te pawhin awm se. Khang khan producer te interest kha chu a tak takin a zuk zawng pawhin a rinawm a. Chuvang chuan hrisel lohna lai hi a ngah hle a ni.

Dan tha tak kan Sorkar hian a siamchhuah a kan ram tana tangkai tak siamchhuah pawh a tum ang tih kha kan ringhlel love. Amaherawhchu, tuna anihna anga han en hi chuan khatiang khan hlauhthawwna kan pass experience atang pawhin tam tak a rawn awm chhuak thei a ni. Deputy Speaker, kan pass lo ang tih ngawt thu pheï chu a awm lova. Mahse, henga kan proceedings atang te pawh hian hun lo kal zela thuneihna kengtu te khan thil an thlir a. Thil tha zawk a chhuah theihna tur atana kan discussion hi hman nise, a thain ka hria. Ka lawm e.

PU C.LALRINSANGA DEPUTY SPEAKER : Pu H.Rammawi kha Member dang hi sawi duh kan awm tawh lo maw. Helam ah kan Opposition Leader hi a Member lam hi duhsak phawt mai ang aw. Pu Lal Thanhawla.

PU LAL THANHAWLA : Pu Deputy Speaker, tam tak sawi tur ka nei a, mahse, ka sawi tam dawn lova. Critical Observation te pawh tlem tlem tih tur awmin ka hria a, mahse, khalam kha ka tum a ni lova. Pu Deputy Speaker, dan hi a hun lai a zirin, a issues leh a problem a zira siam te a tul thin a. Tunah pawh tuna kan bill hi a tuah hle tawh a ni tih kan hre tlang theuh a. Sorkara elected representiave ni a la thut ngailoh hi chuan thil thlir dan te hi fuh famkimlo te a awm thei tlat mai a. Chuvangin khang kha hriat a ngai thin a.

Tin, Ratu bialtu zahawm tak kha kum 30 a thin a rim tawh a, a thinrimna leh ti thinurtu zingah khan ka lo tel ve anih chuan tun hun hi tlai deuh tawh mahse, Pu Deputy Speaker, ngaihdam ka dil duh a ni. Kum 30 in tih thinur chu hau tak tak mai a ni a. Khami zinga ka lo telve anih chuan ngaihdam ka dil duh a ni.

PU LALDUHOMA : Pu Deputy Speaker, keimah a mimalin ka thinur a ni lova. Kum 30 chhung kan kuthnathawktute market pawh Vairengte pela vavikhat pawh la sawn sak lova, a market tlahniam tur venna pawh awm si lova a hrek zawng ringawta kan kal hi ka thinur pui tihna a ni.

PU LAL THANHAWLA : Pu Deputy Speaker, Sorkar a thut loh hi chuan thil thlir dan hi a fuh thei lo ka tih kha, a la fuh zel mai ka ti. Engpawh nise, khatihlai enkawltu Minister sawi kha a dik vek a. Sawilo sela chu khalai kha ka sawi ang ka ti a. Chiang tawkin a sawi tawh a, a dik mai a. Hun a lokal chho zel a, kan problem leh kan issue te a dang hret hret a. Chutiang chuan amend chhoh zel a ngai thin a. Chuvangin 99 Amendment te pawh kha a lokal a ni ang. Mahse, dan

hi tha deuh nei mah ila, a kengkawhtute hi fel famkim kan nih thin loh avangin a fuh hlel lai hi a awm fo a ni. Khatih karah khan self interest a lo chhuak lo thei lo thin a, chulai chu kan in sawisel na lai leh in duhthawhna lai a ni reng a. Chuvangin, vawiinah pawh he bill lo lut pawh hi Central Sorkarin a phutna anga a model a lo siam tawh atanga rawn siam chhuah a ni a. A tlangpuiin a tha ang tih ka ring mai a. Mahse, State hrang hrang ah kan problem te issue te leh a condition te a lo danglam avangin khami mil a siam kha a ngai thin a. Hei pawh hi ka la bih chik lo nasa mai a, mahse, chuti chungin a tlangpui, a kalphung tura hi chu a dik ang tih ka ring a.

Tin, ka han en thuak thuak ah pawh hian a tha tlangpui a ni. Mahse, kan hotute'n an rawn sawi neuh neuh ho a kha kei pawhin ka rawn sawi duh thenkhat ka ngaimawh leh ka ngai pawimawh a awm a. Mahse, khang kha ka repeat dawn lova.

Hemi a kan duh ber leh kan vaia kan concern ber chu kan kuthnathawktute kan loneitute, huan neitute hian thil dang dang an produce a hi man man sakin hralh se tih hi a ni tlangpui mai a. Chumi kan zawna kawngah chuannghaidan a in ang lova. Tin, a Sorkar hunlai a boruak te pawh a in anglo thei a. Chuvangin dan te pawh han siam that a ngai thin a ni.

Vawiina kan thlir mek a hi Pu Deputy Speaker, nichina kan hotu thenkhatin an sawi tawh ang khan hemi hi autonomous Body ni tura a tih tur ang dik tak huaisen taka, Sorkar chu engang pawhin programme leh policy lo nei sela, Farmers te interest ang a zuk thawk tak tak tur chuan tuna a pawimawh ber Committee Lunglei 'S' bialtu sawi ang khan kei pawhin ka zu hmuh hmasak te zing ami a ni a. Khami Autonomy anihna kha kengkawh tur chuan ka tawng huatthu suhah Sorkar Office si lovin, MLA emaw Public Leader pawimawh tak khatiang kha an nih a ngai ang tih chu a hriatsa a ni.

Chuvangin helai hi thlir a ngai dawn a. amendment a siam theih si lova, mahse, heng hi kan Sorkarin nakin a Rules a siam hunah te emaw, nakin zelah helai hi rawn ngai pawimawh se, tih kha kan hotute'n an rawn sawi tawh kha ka han thlawp duh a. Akalphung hrim hrim ah chuan kan duh dan a kha zuk phawkchhuak rih lo anih pawhin kan hotute'n an rawn sawi tam ber a kha Sorkar hian nakinah Rules a rawn siam hunah khang kha rawn hre reng se an ti a ni tlangpui a.

Tin, a Executive Implementation hi tih te hi chu, a Sorkar a zir leh a problem a zir zel kha a ni a. Tunah pawh kan Agricultural product hrang hrang a kha implement dawn ta ila, kan Zuk handle dan a kha a in ang dawn lo reng reng a ni. Chuvangin khalaia kha lo sawilawk vak chi a niin ka ring lova. Hmeithai Association in a sawthing an zuar ve tur te chu syndicate pawimawh tak powerful deuh khan an control sa a ni tih kan hriat avang khan...(PU LALDUHOMA : Pu Deputy Speaker, Tri-fed nen a ni zawk syndicate a ni lo Governmenr of India in a chawrte nge an ni. Tri-fed te hi). Syndicate chak tak sum ngah tak an awm a ni. Chungcho chuan an lo tihbuai thin a hi kan farmers te kan chhan loh chuan harsatna an tawh thin. Chuvangin prize control te hi a tul chang a awm a, a tul chuan relax leh changte a awm a. Chuvangin kan ram pawna syndicate te h hi kan ngam theihna turin kan dan te pawh hi kan kenkawh danah hian farmers

te. interest zawnga kan kal hi a ngai thin a, chuvangin a hun a zira tih danglam fa a ngai a ni tih kha ka rawn sawi duh a.

Tin, Pu Deputy Speaker, phok 90-na (1) te Act of Goods this category encompasses, natural disaster such as Draught, Floods, hailstorm, cyclone, lightning, insect, plaques and disease epidemic beyond management control a rawn ti a. Keini chu Pathian nung pakhat ring kan ni a, hetiang a ringlo mite lehkhabu a chuang tur niawm tak goods Pathian han tih vak te hi a tha ang em aw tih kha ka zuk ngaihtuah mai mai a. (PU LALHMINGTHANGA : Pu Deputy Speaker, khami kha ka support duh a, National calamities ti emaw a dah kha a tawm mai lawm ni). Natural Disaster tih emae, calamities tih emaw kha a tha mai lawm ni Pu Deputy Speaker, engpawh nise, he dan hi kan mamawh a, kan duhthu a sam rih lo anih pawhin a situation a zirin a la amend theih zel a ni. Chuvangin he bill hi kan mamawh a, a implementation tha taka ti turin Sorkar kan duh a, an mamawh ang angin keini pawhin kan support a, he bill an rawn pulut hi a tlangpuiin a tha ka ti a. Engpawh niselangin he bill rawn putluh hi a tlangpuiin a tha ka ti a, kan mamawh a, kuthnathawktuten an mamawh a, chuvangin kan support tih kha kan sawi duh a ni.

PU C.LALRINSANGA DEPUTY SPEAKER : Le, tikhan a sawi tur awm ang chu kan zo khatah ngai ta ila. Vawinnia kan bill hi bill puitling anih rualin Agriculture connected deuh hlek bill a ni a. Hei kan Minister, concerned Minister hian, Agriculture Minister hianin tlem han re-cat na chu a duh niin ka hria a. Kan remti thei mai em ? Aw, tawitein anih han tih tum sela a tha ang e. Pu H. Rammawi ilo sawm ang.

PU H. RAMMAWI MINISTER : Pu Deputy Speaker, ka lawm e. Ka wine up dawn lo, tawitein ka sawi ang.

Pu Deputy Speaker, he bill hi keimahnii Mizoram Sorkar irawm chhuak a ni lova, a bul intanna hi, ka hmaa mi Member zahawm tak tak te sawi ang khan, Khawvelah hian Agriculture Commodities sumdawna phalrai a nih takah hian khawvela Agriculture Marketing reng rengah hian Major change a awm ta a. Chu chuanin farmers te, mi harsa zawk te, hemi farming community hi a effect thui an hlauh avangin India Sorkarin kum 2000 kum khan Expert Committee siamin India ram State hrang hranga, hei MAMCO kan tih ang, mahni dan hrang theuh in ang lo kan neih a kha uniformity awm turin, dan in ang nei turin Expert Committee kum 2000 ah khan an buatsaih ta a. chu chu theihtawpin an bawhzui a. Kum 2003 September ah khan an final ta chauh a ni. India Sorkar pawh khan an draft hrim hrima pawh kha. Chu chu tlai khawhnuah han intih chi kha a ni vak lo a ni. India ram State ah hian a model acts hi an siam a, hemi mil hian, anmahni State mitin lo siam ve rawh u, min ti a. chu chu India ram pumpei Uniformity a kan kal theihna tur a ni a.

Chumi an tihna chhan pawh chu hemi Internal Agriculture Marketing System leh kan Global Market excess-na a pahnih hniha Internal Regulation ringawt ni lovin Global Market excess kan neih theih kan neih theihna tur tel bawkin an rawn duang a ni. Chumi mil chuan Pu Deputy Speaker, kan Mizoram Sorkar Department Trade and Commerce hian an duhawm ve a. A tlangpuiin a inmil tlangpui deuh vek a. amaherawhchu, State lian pui puih chuan Board Member tam deuh te a ngai a. Section thenkhatah khanin keini kan te a, Board Member tam lutuk a ngai lova. Khatiang anga an rawn duan mai kha a ni a. A tum ber a hi chu bung sarihna a contract farming a kal theihna tur leh Pu Speaker, kan sawi duh ve hrim hrim a. Khatiang ang anih avang khan India rama mithiam ten an rawn duan expert ten an duan, uluk taka an en a. Chumi hnua heta an rawn duan chhuah a hi a ni a. Chuvang chuan keini tan hianin a that lohna hi a awmin a lang lova. Risk a awm vek a. Chutah chuan Pu Deputy Speaker, vawiinnia kan farmer te thil thar chhuah harsatna vang emaw, vawiinnia Zoram kan retheihna vang emaw a kan hruaitu hmasa te demna lam sawi chhuah palh hi thil awl tak chu a ni a.

Pu Deputy speaker, kan sawi duh tak chu kan thenawmah Cachari te an awm a. Tripura te pawh an awm a, kan hruaitu hmasa te Mizoram District Council kan nih laia kan hruaitu hmasa te hnathawh that avangin vawiinniah hian hnam angin kan ding thei a ni tih I hria ang u, tih ka sawi duh a ni. Kan phak tawk ang tein Pathianin min hruai a. Kan hruaitu hmasa ten an phak tawkin min hruai a. 1954, 1955 kumah khan Tuipang leh Tawngkawlawng te, ka bial Sangau te khi kea kal ngai vek a ni. Eng thil pawh thar se, Agriculture Marketing sawi thei kan ni lo. Hun a danglam zel a, hmasawna a lo awm zel a. Kan phak tawkin Pathianin min kahruai zel a. Kan hruaitu hmasa te khan theihtawpin kan hnam hi an humhalh a. Vawiinniah hian chimral loha he hnam kan awm ringawt pawh hi a ropui ka ti a. Chuvang chuan, kan hruaitu hmasa te kha an chuan awm ka ti. District Council hunlai zawng zawnga U.T. hun lai zawng zawnga kan hruaitu hmasa te khan an chhuanawm ka ti. Amaherawhchu, hun a danglam zel a. Dan hlui te kha kan thlak danglam zel a. District Council hunlai ami pawh kha. He Dan pawh hi engtik niah emaw chuan thlak a ngai mai thei. Kan dinhmun azirin. Chutiang dinhmun a ding chho zel ltur kan ni a, tunlai khawvel hmasawna mila kepen tur kan nih avangin khatiang zawng khan inbuatsaih ila tih kha Pu Deputy speaker, kan sawi duh a. He dan hi hlauhthawn lutuk tur pawh a awm lo. India ram pumpui Model Act a ni a. amaherawhchu, a kenkawh danah khan a pawimawh a, kengkawh tur pawh hian a lehlamah chuan farming community education kan pek that te pawh hi kan mawh a ni ve a ni. Kan mawh hi tam tak a awm, mipui rawngbawltu hruaituten mawh tam tak kan nei, kan farmaer te pawh hi, he danin a tum tak te pawh hi, integrated an ti, contract farming a kal mai a ni lo. compact area a hmalak chhoh te a target hi a ni. Chuvang chuan kan farmer te pawh hi education kan pek chhohna. Khatiang anga kan kalpui a ngai a, contract farming a luh dawnah pawh hian neuh neuh chu a la awm ang, mahse, thil tha tih chu a har, zawi zawiin kan ti zel ang a, thangthar te an lo thiam zel ang a, an fel zel ang a, thangthar apiang hi an thiam tawh a, Zoram hian prospect kan nei tha a ni tih kha Pu Deputy Speaker, kan sawi duh a, chuvang chuan he dan hi lungrua taka pass tlang turin ka rawn ngenpui a ni. Ka lawm e.

PU C. LALRINSANGA : Awle, sawi tur awm ang chu kan sawi tawh
DEPUTY SPEAKER ah ngai ta ila, wine-up lam kan hnaih chho
mai ang a, kan sawihona chu kan duhtawk
ang a, hei kan Minister zahawm tak Pu Aichhinga wine-up pahin pass rawn dil nghal
se a tha ang e, ilo sawm ang.

PU AICHHINGA : Pu Deputy Speaker, kan bill kan Member
MINISTER ten mi sawm lain kan sawi a, kan sawi dan
phunga lawmawm viau vekin ka hria a,
thahnem kan ngai tlang a, duhthawhna a ni
tlangpuiin ka hria a, a then laiah khalai deuh kha han tih te chu a awm a,
amaherawhchu, a tlangpuiin Member ten min appreciate pui vek niin ka hria a.
Chuvang chuan lawmthu kan sawi hmasa duh a. Vawiinniah hian hemi kan bill hrim
hrim ah hianin a chhung thu te a vaia sawisen anih loh thu kha kan hria.
Amaherawhchu, kan hotuten an han sawi tlem tlem a kha han clarify theih awm
awm te ka'n clarify ang a. Sawi teuh dawn mah ila, sawi teuh tur a awm thova.
Mahse, sawi teuh pawh tulin ka hre lova. Hun kan hmang rei tawh a. Sawi zawh
thuai ka'n tum ang a. A hmasa berin, ka'n sawi duh chu hemi kan dan hian, kan
dan hmasa a kha a rawn repeal dawn a ni kan tihrual khan, khami prohibition Act a
kha, kan repeal tel a tha lo maw a tih lai kha a awm a, a dik viauna chin a awm
a. Kha dan a kha a base kha a hrang a. Hemi kan dan hluihian a chuang a ni
chuang lova. A hranpa a kha dan kha saim anih avangin repeal kan duh a nih
chuan, a hranpa a move leh anih loh chuan hemi kan dan siam thar hian a repeal
ang zu tih ngawtna turin, kan sawi angin he dan hi Central Law, Model Law atanga
kan lakchhuah mai a ni a. Chuvang chuan, kha khan a repeal ang va tih ve leh
ringawt kha a tih hleihtheih mai lova. Chuvang chuanin, tul kan ti anih chuan
keimahni Assembly bawk hian helai chu repeal ang kan la ti leh mai thei turah ka
ngai a.

Tin, chulo lehah chuanin kan ngaih pawlh
deuhhlekk em aw; ka ti a. Ka'n hrilhfiyah leh hlek duh chu tuna kan ngaihtuah hianin
kan sawi ber a chu keimahni Internal Market kan Aizawl te leh Mizoram chhunga
Market chungchang thu a sawi tlangpui a. MAMCO nen kan sawi pawlh lek lek a.
MAMCO hi a din dan hrim hrimah hianin hetiangang din hi a ni a. MAMCO din
chhan leh a tih tur ber chu thlai thar surplus kan neih ang ang te State pawn lama
hralh chhuah. Hei hi MAMCO ina a purview a ni a. Keimahni Internal Market ah
hian chuan MAMCO hi...

PU LALHMINGTHANGA : Pu Deputy Speaker, kan Minister zahawm
takin a rawn clarify a. Amaherawhchu, chu
MAMCO ina a rawn tlawh chhan, a Act a
kha heath hei hian a repeal si kha chuanin,
invalid body khami a repeal rual khan a ni dawn lawm ni ? Kha a nunna siamtu ber
a kha hei hian a repeal tlat si kha chuan.

**PU AICHHINGA
MINISTER**

: Chulai tak a chu nia, ka zu hrethiam chiah lo. Tuna kan Agriculture produce Market ina a tum ber chu State chhunga thlai l thar zawrhna tur atana Market relbawlina regulate leh promotion a kha cut leh promotion a

kha Development a kha a ni a. Chu chu a inh repeal leh repeal loh lamah kha chuanin thu dang nita sela. MAMCO purview kha khalai kha a ni a. amaherawhchu, kemani ina kan purview taka hi chu kan internal market a hi a ni tih kha kan tarlang duh mai a nia.

Tin, chubakah chuan, kan ngaihrawlh lek lek thin lai a awmin ka hria a. Hemi kan Market Committee a hi Autonomous a awm tur a ni a. Heta a Board zawka hi chu autonomy hranpa pe lova....

PU LALHMINGTHANGA

: Pu Deputy Speaker, Board a kha alawm a pek 'Statement of Objection' hianin. Chiang deuha a rawn sawi chu tihian a ti ta a ni.

"The Bill aims to establish an independent authority known as the State Agricultural Marketing Board" a ti a. "Which will have autonomy over its administrative appointment of employees and financial matters" a ti ta a. Chuvang chuanin, heta autonomy sang ber neitu hi chu Market Committee ni lo khan State Level Market Board zawka kha a ni ta tlat a ni.

**PU AICHHINGA
MINISTER**

: Nia kei ka lo ngaihtuah dan chuan khami.. hemi Market Committee a zawka kha a market roreltu tak tak tur leh a market enkawltu tur kha chu Market Committee a

kha a nih zawk avangin, khami kha... hemi a hi chuanin Market Board hi chuanin khami kha a rawn supervise ve mai tur chauh kha a ni zawkah keini chuan kan ngai a. A chhan chu market chhunga rorelna leh enkawlina tak tak kha chu Market Committee lo kha chuanin a Board khanin a va enkawl tak tak thei dawn lo hrim hrim a. Kan hmuh ang khan a Member-ah khan khati teh duah a nia, khata atang kha chuan kal ngaihna a awm lova.

PU LALHMINGTHANGA

: Pu Deputy Speaker, kha kha chu a ni theilo alawm. Abill hrim hrim hian kan Minister zahawm tak pawh hian signature pawh a pe a, 'Statement of Objection/persons tihah

hianin a rawn tar kalh mai a. Chuvang chuanin, kan Minister pawhin khata tanga 'bifurcation' kha chu a siam thei bik tawh chuang nang.

**PU AICHHINGA
MINISTER**

: Engpawh nise, khalai kha kan lo ngaihndan kha ni kan ti a. Tin, helaia neihna 'act of Gods ? tih laia kha nia.... Hei Central law atanga lak anih avangin kha kha ka rawn

repeat leh mai a ni a. A tum dan tlangpui a lang a chu a nature tihna zawk mah mah niin a lang a. Amaherawhchu, he kan 'Act of Gods' ti zawng hian' Act of Nature' tih tur zawk niawm tak a nia. Mahse, Act of God tiin an hmang tho niin a lang a. Dan hetia, Central dan an rawn siam takah hian Act of God tih hi awm thin niawm takin an sawi a Engpawh nise, kan la amend mai a ni ang chu kan duh loh chuan, khalai chu.....

PU LIANSUAMA : Pu Deputy Speaker, kha kha vawiin hian kan pass turah hian a tel lo a ni lawm ni ?
A Section han en khan. Khami kha chu a model/form a rawn sawina mai a ni a. Chuvang chuanin Section 112-na thleng khan kan pass ang a, repeal and saving a piah lama kha chu a tel lo a ni lawm ni ?

PU AICHHINGA MINISTER : Nia, kha kha a ni.

PU LALHMINGTHANGA : Pu Speaker, hemi a bill-in a ken a nih kha chuan tel ho a ngaih theih kha chu a ni miah lo mai a. Tin, kan han sawi kalhmanga kha, Congress Legislator hruaituin a rawn sawi pawh kha kan ram contact kha, hei chu tive lo ila, tih kha a ni mai a. (Interruption)

PU AICHHINGA MINISTER : Tunah erawh chuan a chuang tawh miao si a. Hemiah chuanin a lo chuang a, amaherawhchu, kan pass tur takah hi chuan nichina Pu Suama rawn sawi ah khan hemi Section hi kan pass tel loh tur kha nite pawhin a lang a. engpawh nise, ziaka lo loang hrim hrim a hi kan duh loh chuan kan la thaibo ang a.

Tin, kan sawi leh duh chu MAMCO kha, 1996 Act tuna kan repealed tak atanga lo piang hi a ni lova, a hranpa a din liau liau a ni. Notification No.B.14011/1/02/TCPT 2 ni 5, January, 1993 hmanga din a ni a ti a. Chuvangin khami dan 1996-a kha repeal mah sela, MAMCO kha a repeal tel chiah lo niin a lang e, tih kha kan han sawifiah tel nisela. Awle, tichuan khang kha kan hotuten an rawn sawi tlangpui deuh chu ni tain ka hria a.

Tin, nichinah khanin kan sawhthing market chungchang thu an sawi zawk a. Keini pawh hian kan duh bera chu kan sawhthing thartute hian rate tha taka an hralh theih hi kan tum ber a ni a. sorkar reng reng chuan mipuite tana a hlawkna tur kan zawnnaah hian theihtawp kan chhuah a, mahse kan tum ang chuan kan hlawhtling vek thei lova, ka hria a. Kuminah pawh khan keinin kan thlirnaah chuan Vairengteah ngei hian hralh ila. Bagha a kan phurh thlak tawh chinah chuan a dik tak chuan min nekbetr tlat tawh thin a, a harsa thin a. Chuvangin Vairengteah, kan ram chinah ngei hian hralh ila tih hi thil tha niah kan ngai a. Chuvang chuan khuta min rawn dawrtu turte hi kan zawng tlangpui thin a ni.

PU LALDUHOMA : Pu Deputy Speaker, khawngaihin repeal ve nise ka han tih kha repeal rem lo anih si chuan kha dan kha a la awm zel dawn tihna a ni a. Helaiia Bagha vela syndicate, vai ho thlawh khum duh hian kawng zawng a lo ni tawh thin a. TRIFED in a sawhthing man leh a kal man pawh tum vekin an rawn ti tawh a. Kohhran hotute nena an in kawmna chu hei hi a copy a ni a. Hetah pawh hian, "Sorkarin Sunder Ali-a a thlan zawk avanga Mizoram Sorkar laka an vui thu leh harsatna siamtu chu Sorkar lam anih thu an lo sawi", tih hi Kohhran sawi a ni, hei hi. Chuvang chuan, heti hi a nih avangin kha dan kha kan repeal dawn lo anih hi. He dan hmanga syndicate a vai laka kan tluk luhna hi heta tanga chhuaka kan kal khum theihna kawng zawk hi he dan tho hmang hian a dap ve theih thova, a hmandan a thu a ni a. Chumi rawn ti zawk tur chuan hma an la thei ang em ?

PU AICHHINGA MINISTER : Pu Deputy Speaker, kha lam kha chu, hma an la thei ang em ? tih chu ltunah chuan hei kan kal tawh a, sawi theih pawh a ni tawh lova, kan dan hian khalam kha a kawng lo hrim hrim a. chuvang chuan kan danin a kawng chinah hian kan rawn putlul chin chu a ni phawt mai a. Chuvang chuan hei hi vawiinni atan chuan pass turin House zahawm tak hi kan han ngen a ni mai a. Khalam kha chu a tul dan ang zela nakinah member ten tul kan tih chuan kan la tih zel lturah ka ngai mai a. engpawhnise, tun hunah chuan tuna he kan Bill chin hi min pass pui l turin he House zahawm tak hi ka sawm a ni.

PU LALHMINGTHANGA : Pu Deputy Speaker, kan Minister - in MAMCO a rawn clarify kha alawmawm ka ti khawp a, 1993 a khami Notification a rawn tih kha nita sela, MAMCO hian pianchhuahna Act a nei lo reng em ni ? Eng Act tlawhchhanin nge khami kha siam anih a la clarify lehzel thei em ?

PU AICHHINGA MINISTER : Timai chuan kan sawi thei mai lova. A inziah dan hian order atanga lo piang mai niin a ziak a. Chu chu tlawhchhan neilo chuan a awm hauh lo turah kan ngai a. Mahse, tunah chuan han sawi mai turin ka nei mai lova. A theih chuan rawn sawifiah kan tum ang e.

Kha chu naktuk lama hrihfiahah I ti mai ang. He ka Bill, "The Mizoram State Agriculture Produce Marketing Development and Regulation Bill, 2008" hi House zahawm tak hiam min pass pui turin ka rawn dil e.

PU C. LALRINSANGA : Thil pakhat kan Member tena in sawi Act
DEPUTY SPEAKER of Gods tih laia hi keipawh ka lo chhiar
Laih hian hemi Agendum on contract
farming' tih a ni a. A Act Body ah a Main Bill hetah hian a tel chiah lo deuha
hriatna ka nei deuh a. Tihian a kal chhova. Thildang dang pawh a lang nual a. Hei
hi chu Bill neitu khan a tihdan phung a rawn sawifiah khatah ngai mai ila.

Tikhan kan Minister in wind up in pass a
rawn dil a. Kan danah hian clause by clause a sawi hova pass tura tih a ni thin a.
Mahse, a Bill hi a pumpuiin kan sawi ta vek a. Chuvangin, clause by clause in kan
pass ang a. Main Body of the Bill clause 3-9 'Establishment of Market hi pass remti
apiangin 'Remti' ti rawh ule. Remtilo apiangin'Remtilo' ti rawh ule.

House in lungtual takin a pass a ni. Hei hi
Bill a tel a ni. Clause 10-18 'Constitutin of market Committee' hi pass remti
apiangin 'Remti' ti rawh ule, remtilo chuan 'Remtilo' ti rawh ule. Awle, House in
lungtual takin a pass ta a ni. He Bill a tel a ni.

Clause 19-na atanga 24-na 'Clarification of
Market and Special Market' hi pas remti apiangin 'Remti' ti rawh ule, remtilo chuan
'Remtilo' ti rawh ule. Le, House in lungtual takin a pass a ni. Hei hi Bill a tel a
ni.

Clause 25 - na atanga 35 - na 'Conduct of
Business and Powers and Duties of Market Committee' hi pass remti apiangin 'Remti
ti rawh ule, Remtilo apiangin 'Remtilo ti rawh ule. House in lungtual takin a pass a
ni. Hei hi bill a tel a ni.

Clause 36 leh 37 'Staff of Market
Committee' hi pass remti apiangin 'Remti' ti rawh ule, remtilo apiangin 'Remtilo' ti
rawh ule. House in lungtual takin a pass a ni. Hei hi Bill a tel a ni.

Clause 38 'Contract Farming' hi pass remti
apiangin 'Remti' ti rawh ule, remtilo apiangin 'Remtilo' ti rawh ule. Awle, House in
lungtual takin a pass a ni. Hei hi Bill a tel a ni.

Clause 39-56 'Regulation of Trading' hi
pass remti apiangin 'Remti' ti rawh ule, remtilo chuan 'Remtilo' ti rawh ule. Awle,
House in lungtual takin a pass a ni. Hei hi Bill a tel a ni.

Clause 57-59 'Budget and Market Committee
Fund' hi pass rimti apiangin 'Remti' ti rawh ule, remtilo apiangin 'Remtilo ti rawh
ule. House in lungtual takin a pass a ni. Hei hi Bill a tel a ni.

Clause 60-86 'State Agriculture Marketing
Board Constitution, Function and Powers' hi pass remti apiangin 'Remti' ti rawh ule,
remtilo chuan 'Remtilo' ti rawh ule. House in lungtual takin a pass a ni. Hei hi Bill
a tel a ni.

Clause 87 - 89 'Penalty' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le House in lungrual takin a pass a ni. Hei hi Bill a tel a ni.

Clause 90 - 108 'Control' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le, House in lungrual takin a pass a ni. Hei hi Bill a tel a ni.

Clause 109-110 'Rules and by Law' hi pass remti apiangin 'Remti' ti rawh ule. Remtilo kan awm em ? Remtilo kan awm anih chuan 'Remtilo' ti rawh ule. Le, House in lungrual takin a pass a ni. Hei hi Bill a tel a ni.

Clause 111-112 na 'Repeal and Savings' hi pass remti apiangin 'Remti' tirawh ule. Remtilo kan awm em ? Remtilo chuan 'Remtilo' ti rawh ule. Le, House in lungrual takn a pass a ni. Hei hi Bill a tel a ni.

Tichuan, he Bill hian Schedule 3 a nei a. 'Schedule 1 Model Form Agreement for Contract Farming' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le, House in lungrual takin a pass a ni. Hei hi bill a bet a ni.

Tichuan, Schedule 2 'Great Specification Quantity and Price' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le, House in lungrual takin a pass a ni. Hei hi Bill a bet a ni.

Chuan, Schedule 3 List of 'Agriculture Produce' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le, House in lungrual takin a pass a ni. Hei hi Bill a bet a ni.

Le tunah chuan he Bill hian body a nei a, 'Agendum on Contract Farming' hi pass remti apiangin 'Remti' ti rawh ule, remtilo chuan 'Remtilo' ti rawh ule. Le, House in lungrual takin a pass a ni. Hei hi Bill a bet a ni.

Awle, 'Preamble Enacting Formula Clause I&II Short Title and Definition' hi pass remti apiangin 'Remti' ti rawh ule, remtilo kan awm em ? 'Remtilo' ti rawh ule. Le, House in lungrual takin a pass ta a ni. Hei hi Bill a tel a ni.

Awle, 'The Mizoram State Agriculture Produce Marketing Development and Regulation Bill, 2008' hi House in lungrual takin a pass ta a ni.

Awle, tunah chuan kan Business angin kan kal chhonzawm zel ang a. Hei Bill pakhat ngaihtuah tur kan la nei a, kan hun neih erawh a tam tawh lo hle a. Mahse, Member-te a innghat a ni tih kan hriat thin kha.

Awle, tunah chuan Dr. R. Lalthangliana, kan Minister zahawm takin 'The Mizoram Board of School Education', Second amendment Bill, 2008 hi House ah a rawn introduce tawh a. A copy pawh kan nei vek tawhin ka ring a. House-ah ngaihtuah rawn dil sela, amah I lo sawm ang u.

Dr. R.LALTHANGLIANA MINISTER : Pu Deputy Speaker, ka lawm e. Hei MBSC Act Amendment Bill, 2008 siamthatna tur atana bill ka rawn pulut thei hi alawmawm ka ti a. Circulate vek tawh a ni a, a copy hi hei hun a tlem deuh a. Chipchiar taka sawina hun pawh ka nei vak lova, kan hre vekin ka ring a.

Awle, Pu Deputy Speaker, he MBSC Act Amendment Bill, 2008 hi House ah ngaihtuah phalna ka rawn dil e.

PU C. LALRINSANGA DEPUTY SPEAKER : Awle, ngaihtuah phalna a rawn dil a. Kan remti tlang maw ? (Member ten an remti tlang a). Awle, ngaihtuah turin House-ah rawn move sela, ilo sawm nghal ang.

Dr. R. LALTHANGLIANA MINISTER : Awle, hei MBSC Act hi 1975 in a phal angin December bu 23rd 1976 khan din a ni a. Hemi hma hian Board of School Education Assam hnuaiia kan awm a. Cariculum te, Syllabus te leh HSLC Exammination pawh Assam hnuaiiah kan awm thin a. Kum 1976 hnu lamah kha chuan Class-I atanga Class-X thleng kha MBSC kutah Carriculum te, syllabus te Text Book leh Exam te dah a ni ta a. Chuan Mizoramah University Campus te kan nei chhova. Kum 1996 atangin Plus-II zirna hi NEHU atangin MBSC kutah min pe ta a ni a. Hemi atan leh tul dang avangin kum 1996 ah he Act hi a vawikhatna atan neih a ni a. Hun a lo kal zel a, thil inthlak danglam tam tak kan hriat angin a awm a. Acts pawh hi a wawi hnihna atan amend tulin hriat a ni a. Points thenkhatte helaiah hian han sawifiah ka duh a.

Pakhatna ah chuan India ram State tam ber ten an tihdan dungzui hian hemi amendment a kan tih turah hianin Board MBSE a a lu ber President tih hi State dangah pawh an lo hman tawh vak loh a ni a. Chuvangin Chairman ti a thlak nise, tih kha Pu Deputy Speaker, hemi amendment ah hian kan rawn thlen a ni. Tin, Mizoram chhunga School engpawhin Central Board of Secondary Education CBSE te, ICDE te an zawm phalna No Objection Certificate hi pek theihna dan hi he amendment ah hian kan rawn tel bawk a ni tih kha, kan tarlang tel duh a. Tin, Secondary Mizoram Board of School Education atana Deputationist dah lova Board Officer atanga Promote chhohna tur ang chi kawng siamsakna ang chi he Amendment ah hian a rawn tel bawk a. Tin, MBSE hnuaiia thawkte hianin sorkar atanga Houseing Loan te an hmuh ve theih loh avangin Housing Loan ah hian Sorkar hnathawkte kan pek chhuah ang chi hi a ni a. Chuvangin Schedule Bank hrang hrang atanga Housing Loan an hmuh ve theihna tur ang chi hi Provision siam nise, tih hi a rawn tel bawk a.

Tin, Chairman Term of Office hi kum 6 emaw, a incumbent hi kum 62 anih thlenga a hma zawng zawk zawk tia siam nise tih kha kan rawn tel a, a chhan hi hrilhfiah ka duh a, kum 1975 MBSE Principal Acts Section 15 (2) ah khan kum thum term tur leh full term kum 3 dang extend theihin a lo dah tawh a. Kum 1996 Amendment ah khan kum hnih leh a dang kum khat extend theihin a lo dah a, hun in her zel a, hei hi tha tawh lo leh upper age limit awm miah lova tih kha tha a ti lova. Chuvangin he Amendment hi rawn kalpui a ni tih kha ka sawi duh a. Tin, State Board dang tam tak ah hianin an Chairman Term of Office a hi Deputationists an nih chauh loh chuanin kum 6 an ti deuh ber a. MBSE pawh hianin hetiangah dah ve hi, vawiinah hian thain kan hria a. Kan rawn tifel a ni.

Tin, a dang lehah chuanin MBSE ang bawh a, autonomous Body entirnan, Service Commission hian, an chairman, te leh Member te term of Office atan kan proposed ang chiah hi, vawiinniah hian Pu Deputy Speaker, an hmang ve a. Chuvang chuan Uniformity te pawh a awm a, in ang khat tlang hian kal nmise, tih kha kan rawn thlen bawh a ni.

Tin, kum 6 atan pawh hian nita ang sela, awmzia tur chu Pu Deputy speaker, Chairman Post luah turin kum 62 a thei phei chuan, a retired a ngai tho a. Chuan Pensioner phei chu kum 2 bak an thawk thei dawn ta tihna a ni.

Hemi chungchangah hianin UGC in Professor te Service kum hi tun hnaiah hianin kum 62 -65 thlenga extent dan a ngaihtuah niin kan hria a. Heng ngaihtuah te phei chuanin hei hi thil lawmawm tak niin kan ngai a, kan rawn ti a ni a. A dang lehah chuanin tuna dan hmanlahiah phei hi chuanin President Post luahtu tan kum bithlah a per age limit a awm lova. Hei vang hianin he Act amend a hi tulin kan hria a, tikhan kan rawn thlen a.

A dang neuh neuh a hi hmingthlak chutah chuan nise tithe leh engemaw hi chu a rawn awm a rawn awm a, kha kha a tlangpuiin Pu Deputy Speaker, kan rawn Amendment a rawn tel niin ka hria a. Engpawh nisela, he House a kan Member tein ngaihtuahna hmanga, an han sawi ho a, kan pass ngei hi tha ka ti khawp mai a, ka rawn thlen a ni. Ka lawm e.

PU C. LALRINSANGA
DEPUTY SPEAKER

: Awle, tikhan kan amendment Bill neituin a rawn move ta a. Sawiho dan turah hian kan hun neih hi dar 4:00 hi kan han ti bawh thin na a. amaherawhchu, kan thu thu a nia, Member te thu thu a ni a, kan pel duai thei bawh a. Engpawh nisela, rawtna neih ka duh a, kan Legislature tin atang hian enge ni kan sawi duh dan chu kha pakhat te te rawn sawi ta diat diat ila, chu pawh chu kanin sawi vek ngailo zawng te pawhin a awm thei ang em ? nge ni kan sawi duh viau thei bawh a, a pawimawh dan azirin. Tahkhan, ZNP lam atang khan pakhat ni sela, Congress lam atang khan pakhat te tein maw ? Chuti anih chuan pathumj chu kan nei ta a. Treasury Bench lam atang khan pathum maw ? Hen tichiang deuh teh u. Chumi anih chuan Congress lamah pakhat a ni ang a. ZNP ah pakhat. Chuan MPC ah pakhat a ni ang a. Chuan panga ren rawn kan ni maw ? Khamiah pawh khan a minute pawh kha tam lo ldeuh

zawng pawh khan a tih theih tho mai thei bawk a. engpawh nisela, kha kha chu member te thu ni sela. Tunge bul han tan ang ? Pu Lalchhandama ralte sawm hmasa ber ang aw.

PU LALCHHANDAMA RALTE : Pu Deputy Speaker, vawiinah 'The Mizoram Board of School Education 2nd amendment Bill, 2008 ngaihtuah lo ngai ta hi a lehlam zawngin thil lawmawm te pawh niin a hriat theih a. Hei kum 32 zeta upa kan MBSE hi a ni tawh a. a kal chhoh te pawh a tluang viau a ni mai thei a. Ram Developmenet azirin he Amendment hi a lo kal chho a ni a. Vawiinniah tum hnihna kan hmu hi lawmawm ka ti a. A changtu Ministerin a rawn move-na ah khan point pawimawh zual thenkhat a rawn sawi tawh tho rualin khalaiah khan han sawi belh duh kan neihah chuan Amendment Section-I ah khan Mizoram State pum a huam ang, a ti a. Amaherawhchu, Primary level atanga Plus 2 ah khan CBSE leh ICSE Board zawmtu te kha relaxation kha a rawn pe a. Hei kan hriat angin autonomous District Council 3 kan nei a. Chutah chuan Primary leh Middle hi an kutah zirna hi a awm a. Anni hianin MBSE hi an zawm chiah em ? Ka hre lova. Anmahniin an kal deuh a. Khalai kha mention kha a ni tel lova. Khalai te kha engnge ni ? tih ka'n zawt lduh pahin ka'n sawi belh duh a.

Tin amendment Section - II ah khanin kan Board Employee te an lo khawngaihthlak hle thin mai tih han enchain khan a hmuh theih a. Sorkar hnathawh te hamthatna tur hrang hrang Loan te LAD atang te leh Department dang atang a awm thinah pawh anni kha lo la ve thei loin an lo awm thin a ni a. Anni hamthatna turin Provision Housing Loan an hmuh ve theihna tur tihbelh an rawtna kha lawmawm ka ti a, ka thlawp a. Chutihruah chuan Section 15 Sub-Section ah khan Chairman term kum 2 kum 1 pawhsei thei kum 6 a a kal dawr kha a changtuin a rawn sawifiah a, a tha zawk l turah a ngaih theih a. Tin, kum 62 in upper age limit siam khan a veng tho niin a rawn sawi avangin khilai kha alawmawmin ka hria a. helaiah hian sawi duh 2/3 ka neih chu helaia Section hrang hrangah hian Section 17 naah hian Secretary Post kha hun dangah chuan Deputation pawhin midang an lo awm thin a. amaherawhchu, an kalphung han enin Deputation hian an thil deal te a sensitive a, a buaithlak deuh vang a ni mai thei a. Anmahni huang chhungah MBSE Officers te an kal chhohna tur atanah a rawn hauhna viau a. chutiang chu a rawn reserve a, ka rilruah pawh a awm viau a, helaia a hnuaia tuna President nilai Chairman atanah an tih tak kha Statement of Objection and reason ah khan 3 na han thlir khan ti hian a a inziak a. It is propose that the Secretary of the Board be made the feather post of the Chairman, if (Amendment bu kha khawngaihin lo thlir mai ta che u), possible the Government may place the service of the controlling authority of MBSE as the Secretary to the Government of Mizoram Education and Human Resources Development Department same as of the Board in addition to his duties tiin a rawn ziak a. Tin, chumi lo lehah chuan Section 15 bawrah tho khan chairman chungchangah khan Master Degree nei a ni tur a ni a. Kum 20 tal School Education experience nei 5 years tal Administration experience nei nise, a han ti a. Khalai Statement and Object ah khan anmahni Secretary kaisanna bik tur atan a feather anga a rawn ziak leh khan tlem chuan kan pass tur rau rauah pawh an in hung bik lutuk em aw, sorkar kalchho leh kan experience han en hian Education Department a kan Officer tam tak te zing atang pawhin a remchan dan a zirin Secretary a incumbent ah te pawh khan a timing a zirin lo lut chauhin lo

fit for lo ang te sela. Mi remchang dang te pawh Sorkarin a dah luh theih a awm lai khan kan Ministry lama Secretary puiin-a a lo take over mai tur anga tih te kha a tawt deuh em le. Sorkarin khalai kha hrethiam chungin a en theih loh maw ka ti a. Nakinah han en chian deuh leh kan Minister pawhin min hrilhfhah atan thain ka hria a, ka ngai pawimawh deuh hlek a.

Tin, sawi belh leh ka duh dang chu an hmalakna a lian viauva. Board ah zirlaibu siam te, thil chi dang dang khawvel standard mila kan zirlai siam danglam te pawh an kut a a ni a. Question siam te, answer paper engkim buaipui te, result buatsaih te a ni. Hetihlai hianin Printing and Stationery changtu Minister hi ka lo zawt a. Nangni leh MBSE hi engnge in in dawr dan aw ka ti a. Anni hi Printing thil ngah em em an ni a. Kum khata an senso hi crore 4 deuhhaw hi Printing leh thil dangah a tam zawk a kal a ni a, Stationery thil zawng zawngah hian. Tahchuan an lo indawr mumal lo deuh a. Kan MBSE hian zirlaibu a chhuttir pawhin phaiah a chhuttir hnem lutuk a. Phai lama chhutu hian Mizotawng an thiam tawk lova, prove reading an thiam tawk lova, typing mistake tlemin a tam duh a. A hlat chuan a rawn thlen chungchangah pawh zirlai tan dawn hunah zirlaibu duhthusam a thlen lo te pawh a awm fo thin a. Chungah chuan helaia kan Printing and Stationery Sorkarin investment a tih vena pakhat four colour printer lian tham kan neih ve hnuah hi chuan tun kum thar lokal turah an chungchang kan sawina remchang a ni bawk a, kan hotute, a thawktute Board lam an awm bawk a. Sorkar leh Sorkar hi kan in dawr thiam a tulin ka hria a. Chumi anih chuan Sorkara Revenue lokal tur han thlirin helaiah hian anni pawhin an dinhmun thar tur te kan siam chhoh rual hian helai hi ngaihtuah tel se. A bik takin kan Minister pawhin lo hriatpui sela thain ka hria a. Chu chu vawiinnia ka sawi duh a ni a. A tlangpui thu thlirin he Amendment han tih hi alawmawmin ka hria a, University te kan neih tak avangin NEHU kan dah thin kha Mizoram University ti a han thlak te anih mai avangin helai hi thil lian tham leh harsa niin ka hre lova. Chuvang chuan 'The Mizoram Board of School Education Second Amendment Bill, 2008 hi he House hian lungruual raka pass ka duhin ka rawn ngenin ka rawn thlawp a ni e. Ka lawm e.

PU ANDREW LALHERLIANA : Pu Deputy Speaker, sawi vak turah ka ngai a. Ka in buatsaih nasa mai a. National Curriculum framework te Mizoramah kan hman dawn avangin tia, khalam nena inhmubel a han tih vak ka han tum a. Mahse, hunte ngaihtuahin engmah sawi theih anih loh avangin a tawi thei ang ber a sawi dan chu Statement of Objects and reason atang hian a Chiang tho bawk a.

President atanga Chairman a thlak tur tih hi chu a tha mai a. Kalphung pawh a ni a. A dawttu leh Statement of Objects and reason No. 2 a CBSE te ICASE zawm duh te No Objection Certificate a pek theih tur, affiliation chungchang thu te pawh hi a tha leh a. Tin, a pathumna erawh hi chu reservation ka nei deuh a. Tihian a inziak a. "Mizoram Board of School Education is a statutory body. The MBSE Act states that the Chairman shall be appointed on contract basis a ti a. From the experience during the last 33 years, it is thought best that the head of the Department, the Chairman be selected/elected from the person having experience in the Board of administration of the State. It is proposed that the Secretary of the Board be made the feeder post of the Chairman" a ti a.

"If the above is possible, the Government may place the service of the controlling authority of MBSE to the Secretary to the Government of Mizoram Education & Human Resources Development as the Chairman of the Board in addition to his duty" a ti a. Kha kh a chu statutory body kalphung a nih ka ring lova. Secretary incharge te Chairman tura han tih mai kha chu a dik lo promotion lam zawng aiin a member tur a te hi chu statutory body ah hi chuan an ruat tawp mai a. Entirnan, Election Commission bakah pahnih dang an ruat a. Chairman term a tawp kha chuan a dawt a ni. experience nei tawh khan a tlak chho mai a ni. Delimitation Commission ah te pawh chutiang bawkin body ah chuan anihna thin a ni a. Helaiiah hianin duhthusam chuan Chairman leh Secretary a ni a. Chairman leh Secretary a ni a, Chairman a lo retire a, inthlak kual dan turah pawh experience nei deuh kan duh dawn chuan pathum te hi lruat ila, Chairman leh Secretary leh member pakhat ni tase. Tichuan, Chairman kha retire maise, tahchuan khami member pahnih zinga pakhat a senior zawk kha Chairman ah awm tase, tikhan kal sela promotion ang zawnga tih hi chu a nihna takah chuan Sorkar hnathawkte vested interest a ang zawkin ka hria a. Statutory body anih ang khan member te kha chu appoint tawp nise, a tha mai awm mang e ka ti a. Amaherawhchu, an lo kalpui anih chuan han sawisel lutuk lo ila, kha kha chu ka ngaihdan nisela.

Tin, adang lehah chuan a terms ah hianin a tirah three years terms an ti a. Subject to extension of another three years a ni a. A dawr lehah Chairman hi two years ah an tihnia a, extension kha one year ah an ti leh ta a. Mahse, vawiinnia proposal ah hian zix years tih a ni a. Six years aia tlem pawhin kum 62 a tlin chuan retire tho a ngai dawn si a, a hmasa bera an lo kalphung ang deuh hian three years ni tase subject to extension of another three years in kal tase. Chuti anih loh chuan a misa lo deuh te an awm a, re lutuk thei a ni. Amaherawhchu, kawng lehlam zawng takah chuanin six years awm theihna kha a dal chuang lova, mitha anih chuanin three years extension kha a awm thei dawn thova, ka duhdan tak hi chuan three years ni phawt se, another three years extend theih ni mai se a that zawk ka ring tlat. Khalaiiah khan. Tin, helaiiah hianin amendment Section 4-na ah hian 'The Board a phek hi a inziak chiah lova. Amendment Section 4 a tihah hian 'The Board shall consist of the following members' a ti a, a ziak dul mai a. Board member hi 24,26 lai mai an dah hian, a tam hi engemaw a sawtna le. Entirnan, Education lampanga tel lemlo Head of Department hi an awm njal mai a. chief Engineer, The Engineering - in - Chief, PWD tih te, Director of Health Service tih te leh Agriculture Director tih te leh khatieng velho kha. Education lamah hian chuti lutuka han tui tur an nih loh bakah lehlamah chuan anmahni hna a Head nia buai ve em em an ni bawk si a, engemaw kan duhthawhna chhan hi aw ka ti deuh thin a. Adang tam ber erawh hi chu director of Art and Culture telin Education lampang deuh vek a ni a. Tel awm an nihna pawh a awm e. Mahse, kan sawi tak 4,5 te hi chu a tul lovin ka hre tlat mai. Amaherawhchu, hei pawh hi, a tam hi a tha alawm. "The more the marrier" kan ti a nih kha chuanin ka object hran lem lo. Amaherawhchu, Governong Board tak tak an nih a thunei tur an nih hi chuan taima taka tel ve hman lo Department Head buai em em te, a pawng apuia an telve ngawtna tur a awm lo. Education lampanga involved deuh, an ngaihtuahna pawh Education nen inzawm chi ang, a tam ber a te hi chu nise a tha a ni. Chuvangin Department Head buai em em nia a ti tamtu atan dah ve rikngawt hi chu ngai ka ti lem lo. Amaherawhchu, a ngai e kan ti anih kha chuanin ka hmial lo mai a ni. A chhan chu a tam kan duh a ni mai a. Khatieng ang khanin he bill ah hi chuanin a tlangpui thuin experience neia an rawn ngaihtuahna atanga tha ni ve a an rawn putna

kawngah hianin a tha tlangpuiah ngaih sak ka duh a. Khang pawh kha ka han thailang ve zeuh zeuh mai kha a ni a. Lehlamah chuanin han pawm lohna tur ang zawnga sawi pawh ka ni lem love. Amaherawhchu, hun chu nei ila chuanin Pu Deputy Speaker, kan Education hi reform a ngaih em avangin Board siam dan tur hi re-structure ngai deuhthaw khawp hianin tih danglam a ngaiin ka hria. Chu erawh chu National Curriculum framework te Mizoramah kan rawn hmang chho ve ang a. Tin, Comprehensive, continuous evaluation system te nen kan lokal hunah chuanin Tihdanglam tur a tam em em mai a, an work load te pawh hi hmun danga pekna tur te leh NCERT ten a an rawn recommend ang chi a tih tur hi chu tam tak a awm niin ka hria a. Tun dinhmunah erawh chuan khang kha thil kan ral khat thlir anih avangin la tullo ah pawh ngai ta ila. Hemi chinah erawh chuanin duh tawh rih mai ila a tha awm e. Pu Deputy Speaker, ka lawm e.

PU LALHMINGTHANGA

: Pu Deputy Speaker, ka hmaa sawi tute khan an sawi kimchang ang reng riau a. Chuvang chuan han sawi nawn leh pawh kha hun khawhralna mai a ni a. A tlangpuin hei a hun takah kan ti mai dawn em ni. Mizoram Board of School Education Second Amendment Bill hi a rawn lut a. Siamthat ngai hun kalin a a rawn chhawp chhuah ang ho kha an rawn ti famkim viau mai a. Chuvang chuanin he Bill hi amendment Bill hi tuna lungual taka kan pass awm tak a ni. Pahnih khat chauh hi kan sawi lang ve mai ang a. Hemi zinga han langsar tak pakhat chu he zirna lamah kan tuihal chho zel a. Kan Private School ang deuh ti mai ila, hetiang ang recognize ti ho te pawn engemaw affiliation chungchang thua hianin ICSE leh CBSE ah te rulru an nei a. Helai tak tuna rawn awm thar ta hi hetiang anga dan a, Act a a rawn lut, Bill a a lut a, Act a alut chho l tur hi alawmawm khawpin ka hria a.

Tin, khami bakah khan kan sawi nawn leh duh chu heta an rawn tihah hian appreciation tling deuh chu a Board hnathawktuten a HBA kan tih mai, House Building Advance hemi LIC atanga kan Sorkarin a lak Sorkar hnathawkte hnena an pay deduct leh tur ang chang ve thei lo te tan khanin Schedule Bank atanga khatiang ang facilities rawn siam chhuahna tur tein a rawn keng hi thil lawmawm tak a ni leh ta a.

Tin a dang lehah chuanin thil pakhat khami Chairman han tih leh President han tih kha chu ni e, a hmingah hi chuanin kei ka lo thlir ve thin danah hi chuanin, President han tih hian Mizoram hi a ti special viau ang reng thin khan ka hria a. A dang nen a uniform deuh a India ramdang nena mina awlsam tea an understand theih tur ang zawng khan rawn zawng ni pawhin a lang a. Mahsengin Chairman tih khan kan thlak dawn a, a pawina pawh a awm chuang lova, mi sawi hnu bawh han sawi loh theih loh lai kha a awm a, tuna dan dinglai hianin kan Vice Chairman a elect ni khan a lang a, khami tak a kha a Proposal amendment in a ken tak ah hi chuan Vice Chairman hi abolish emaw anih loh pawhin tih ang zawng khan a rawn keng a, nichina ka hma ami sawi ang deuh khan tunah chuanin amendment han siam chhawh theih pawh a ni lova, Statutory Body anih hi chuanin Vice Chairman awm kha a thatna lai tak pawh a awm vein ka hria a, a chhan chu hei kan hmu a, Statutory Body ho hrang hrang entiman MPSC han tih ang te pawh khatiang khan a awm tlang ta a, a Chairman ber a retire khanin a senior member pakhatin emaw tikhan a dawt chho leh a, chutichuan a

zahawmna lai kha a keng viau mai a, tuna amendment thar turah hi chuanin khatiang anga Chairman remchan loh thilah kha chuanin Commissioner emaw, Secretary Education emaw pawhin khami kha chu atul dan ang angin ala chho thei mai ang, han tih hianin a Statutory-na nature-a kha tlem chuan a la hek em aw tih tur kha a ni a, mahse, tunah phei chuanin hetiang anga bill a a rawn luh tawh khan amendment han siam theih pawh a ni chuang lova, mahse, kha kha Sorkarin record ah chuan kan observation hi helai House record ah hian proceeding ah hian awm ve hrim hrim sela a tha awm mang e tih ten kan ngaihtuah a. A tlangpui hian a tha khawp mai, han sawi rei vak khan hei dar 4 a hnai tawh reng bawk si a, kan duhtawk dawn mai ang a. Pu Deputy Speaker, a tha e, lungruai taka kan pass tur awm tak pawh a ni e, kan ti anih chu. Ka lawm e.

PU C.LALRINSANGA

: I hmang tawi thiam leh hle si a. Pu H.Liansailova sawm ve leh ang

PU H.LIANSILOVA

: Pu Deputy Speaker, he kan Bill (Amendment) Bill a hi han sawi deuh tur tlem a awmin ka hria a. Pakhatna a kan sawi duh chu President kha chairman-in kan

thlak dawn a. Hei hi tenure Post andg khanin kan hmang niin ka hria a, chu chu Secretaryte promotion atana reserve ang deuha han tih erawh hi chu thil kalhmang tak chu a ni lo deuh mang e, kan hriat ve chinah chuan. Tenure Post, independence (Autonomous Body) a Chairman tur a ni a. Tute emaw Promotion-na atana bik atana heng ang kha chu tih ngai chu a ni ngai lo a. Amaherawhchu, Secretary a kha experience nei leh tling an nih erawh chuan kawng zau taka inhawn khan a luh thei mai. Helai hi chu an rawn tum deuh chat chat deuha hi, ami kan zu sawina ni loin thahnem ngaihna Board tha taka enkawltu tur duh vang a nih rualin tihdan phung chu a ni lo deuhin ka hria a. Khalai kha kan sawi duh deuh blek a. amaherawhchu, a tihna rilrua hi mimal induhsakna lakluh tumna hrim hrim aain a Board hi experience leh a kalhmang tura khaichho theitu tur hianin ho thin sela, hei hi kan thatna tur a ni tih lduhna rilru tha tak atanga rawn tih niin ka hria a. amaherawhchu, dan kalhmang kan lo hriat chinah chuan Tenure Post hi tute Promotion-na atanah a cadre a awmte Promotion-na atanah emaw tih hi chu hetiang Chairman Autonomous Body angah hi chuan a ni lo ldeuh thinin ka hria a. MPSC angahte pawh, a kalhmang deuha chu a tenure post a lo awm tawh sa erawh chu, danin a hawn chuan a awm thei tho a. Chuvang chuan khalai kha a Cadre a awm Officer te kaisan chhohna tinzawn ai kha chuan a open deuh si. Mahse kalphung awmsa ang deuh kha chu tha ka ti a. amaherawhchu, tuna a rawn tihdan pawh hi a tha thoah ka ngai a.

Tin, Chairman kha midang thlaktu tur an awm loh a, Department Secretary Education and Human Resources Department atanga Secretary in a hmui ang han tih pawh kha a tulna bik thilah chuan loh theih loh chu a ni ang a, mahse, kha pawh kha, a Chairman kal chhuak tura kha, midang suitable an awm loh chuan kumkhat thlengin pawhsei theih a ni ang tih awm bawk si laia khatiang 'circumstances' kha a awm fo lem dawn em ni chu aw ka ti a. A fimkhur ... Chairman nei lova awm loh theih lohna tur kha kan siam lutak a tul hranpa em ni ? kan ti deuh a. A nihna takah chuan, Official te hi chu Chairman ah hian

Autonomous ah awm lo sela, Sorkar hna atanga inzawmna nei lo hi nise, autonomous Body Chairman te kha chu independent tur an nih avangin Sorkar nena inkaihnhawihna neilo thei a kha duh thin a nih avanga tenure post-ah pawh siam a ni deuh tlangpuiin ka hria a. Chu chu retire te, Sorkar hnathawk tawh lo te, thawk lo te, mithiam an awm tho chuan, chung chu thlan deuh thin a ni a. Chulai chu kan sawilang leh zawk duh a.

Tin, chulovah chuan hei amendment proposal Section 23-na Amendment na tur 16 hi phek number hi a inpe chiah lova. Amendment turah khanin : "The Chairman shall place before Annual Meeting of the Board held in the year in which it is established and before Annual Meeting thereafter" tih hi a saptawng hi khami Board ho hmaah khan thukhawmho hmaah khan a tihna chu niawm tak a ni a. Mahse, before anih chuan hun thu kha a kawkw thei bawkw a. Chuvang chuanin hei hi a saptawnga hi engnge ni a awmzia ka hre lova, he Meeting, Board Meeting hma lamah khanin chairman hianin report a hi a pe ang a tihna a nih chuanin ngaihsual theih deuh te pawh anih ka ring a. A saptawnga hi enthat leh deuh anih loh pawhin a hrechiang sa ina han dah anih avanga chiang mai a ni a, a chhiar tan chuan ngaihsual theih chu a ni.

Khami Meeting hma 'before' ah khan 'ahead of time' ah khan Chairman hianin a report pek tur hi a lo pe tur a ni tih anih chuan a dik a. Mahse, a Meeting ah khan, heta kan Session 'before the Session' kan tih anih erawh chuanin 'before' chu a dik lo deuh turah kan ngai a. Kha kha ni leh selangin.

Tin, hemi a Member, a Board Member, han dahthlaka hi kan mithiam tha tha chu an ni na a, a tam tha viau a, enge ni Agriculture Director te, tin, Director of Health Services (Cess) tih te, Engineer-in-Chief, Public Workd Department han tihte hi a relevant-na tur em em a awm tawh emaw ni chu aw, tih te ka ngaihtuah deuh a. A chhan chu an hna lamahte an tul a, rilru tak tak hi board thatna tur atan an rawn pe thei ang em ? tih te ka ngaihtuah deuh a. Tin, hetiangana kan ti rau rau anih chuan Director of Agriculture kan tih chuan Horticulture pawh a tul dawn lawm ni ? Tin, Vety Director te pawh a tul dawn lawm ni ? Tin, PHE Chief Engineer te pawh an tul ve dawn lawm ni ? Electric Department thleng pawhin. Chuvang chuan helai hi tunhma huna kan mamawh, kan mithiam hmasate an dah chhoah ngai ila, thlir that leh deuh chu a tha mang e aw, a tak taka thawk thei tur tunlai chuan kan intellectual-ah pawh Education-a tui tak tak leh an thiamna kan tangkai pui tur mi hi kan ngah tawh a. Chutiang zawng chuan ngaihtuahna kha nakinah la hman zui zel atan kan tar chhuak duh a. Tin, chuloah chuan kan Board piah lama affiliation pekna tur remchanna an han siam hi alawmawm hle a, kan ram Education atan pawh kan hmasawmna tur anih pawh ka ring a. MBSE, Exam piah lamah CBSE te ISE te heng atana remchanna lo awm tur hi a tha ka ti a.

Tin, a tawpna atana kan sawi duh chu Matric Candidate Selection Exam kan tih ang vel hi a tihtawp theih lawm ni ? School result thatna atana thenkhatin nasa lutuka an tih hi naupang thenkhat a tichhia a, a tibuai bawkw a, chu chu kan danah hian a awm kher kher lo anih pawhin hei hi chu khap a tha mang e aw ; Tin, naupang kan ching chhia, tin, result tha kan ti pawh hi dik tak chuan a chhia zawng paiha a tha chauh lakkhawm chuan a tha lo thei lo a ni. Kan School tha tam tak hi chutiang chu an ni tlat a ni. Chuvang chuan

kan thatna lai tur tak tak ngaihtuah chuan hengte pawh hi kan Education Minister leh a Board a kan hotute ngei pawh hian rawn thlir chiang se a tha ang e. Ka lawm e.

PU C. LALRINSANGA : Lo ngawi lawk rawh aw, hei kan hun tiam
DEPUTY SPEAKER dar 4:00PM kan pel dawn a. a hrim hrimin
House phalna kan lak a ngai dawn a. Kan
kal tlang zel mai ang maw ? Awle, anih leh
Treasury Bench lam atanga pakhat sawi tur kha, hei pakhat chuan a sawi tawh a.
Aw, Pu Liansuama ilo sawm ang.

PU LIANSUAMA : Pu Deputy Speaker, ka rin aiin i vei lama
mite khan an dim der der riau mai a.
Helam atanga han phul deuh hlut kha a
zialo chuan ka hre si a. Ngaimawh ka ngah
si a. Nichina Aizawl N-II leh Khawzawl bialtu te sawi, dan siam tur si, Service rules
siam tur ang deuh mai kan han ni hi chu a fello mang e aw ka ti a. Tichuan he
MBSE Secretary tur atan 'Officer Responsible, kum 15 he Board a lo thawk an ni
tawh tur a ni, chu chuan Secretary a ni thei ang. chairman-ah a kai tur a ni, tih hi
rawn inhung tumna a ni hi Act a awmah chuan a tha lo khawpin ka hria. Anmahni
Service Regulation ah te, Rules ah te rawn khung se chu a inhmech zawkin ka hria a.
Tunlai chu rem hi kan hre tawh khawp a, Act a a awm kha chuan Amendment a he
House-a pass leh anih kher loh chuan a tih danglam leh theih zen zen dawn si lova.
Chuvangin, kan Minister hian kan ngaimawh tlangin a hriat a. Tlungvel bialtuin a
sawi a, kan sawi bawk a. Session lehah chuan hei hi kan pass lo thei awm si
lova. Amend leh nghal chi tak anih ka ring. Entirman, tuna indawt danah chuan
Academic Office zuk sawi ta bik ila, Board a Office kha Secretary a ni ang a.
Secretary kha a chairman ang. Kum 62 anih thlengin tih a kawc deuh a ni. Hei hi
chu Board tan leh, kan ram tan leh kan zirna atan a that ka ring lo tlat.

A dawtah chuan 10+2 te Board ina a lo
enkawl takah chuan tih changtlun a ngai khawpin a lang a. Member tam tak tena an
sawi tawh chu ka thlawp a. CBSE te ICSE te recognition emaw affiliation min an
duh a. Hemi pek theihna dan a lo piang hi a tlai lam mah mah ? a tha thove. A
dang zawng hi a thain ka hria. Member dangin an sawi Board hi a composition hi a
lian hle mai a. tih leh hunah chuan Member tam tak hi chu an kal thei lo ang a.
Kei ka lo hriat loh lam a nia. MLA atangin pakhat Speaker-in a Nominate an tel ve
ang tihte hi kan lo awm reng chu a ni ngei ang a. Hengte pawh hi atul kher em ni
tih ti thlengin ka ngahtuah a. Vawiinnia dan kan pass tura a lo tel tak avang hian
kan pass lo theilo anga, ennawn leh hunah chuan, helai hi a pawimawh khawpin ka
hria. MLA te kan va telna tur a ni kher em ni ? te pawh ka ti deuh anih chu. Tin,
chutihruah chuan Text Book Production Corporation hi kan State thenawm te hi chuan
an nei vek a, kan board hian Text Book lampang an enkawl a, Examination leh
dang zawng zaawng Academic-in an enkawl deuh vek a. Chuvang chuan Text Book
Production Corporation te hi chu neih ve a hun tawh lawm ni. SSA in hma an han
la a, Text Book an semchhuah te pawh hi a tam tawc khawp mai a. Kan rama
Printing Press tam ber leh kan Government Press te chhutir mang lo a, phailam

chhut kan ring nasa lutuk pawh hi enchian a ngai khawpin ka hria a. Text Book chungchang thua Academic Syllabus chungchang thua thu an nei anih pawhin a Printing leh production chungchang thua chuan thuneitu hran kan dinte pawh hi a tul a ni lo maw ?

Tlungvel bialtu zahawm tak ina a sawi ang khan Government Printing Press Mizoram chuan tha lawr lak te hianin chhut ve an chak em em a. Sorkar ta ve ve si, MBSE Sorkar ta ni bawh ina Text Book Production an nei tur kan Printing Press ina an beisei ve a, a remchanglo flat te hi chu a ngaimawh awm khawpin ka hria. Pu Deputy Speaker, i veilam atanga rawn sawi awm tak a ni a, mahse, ding lam atangin sawi hi a effective zawk ka ring a, tiang chuan kan tarlang ve a ni. Thiante sawihnu kan thlawp ve leh ang a. Chairman a Pension emaw, a remchan loha a aiawhtu tur atan hian Secretariat a Commissioner emaw Secretary in a la ang tihte hi Chairman qualification tur kha M.A. Degree nei a ni ngei ngei tur a ni an ti a, lo nei talo sela, heta kan Secretary khan. Chuvang chuan thil in kawkalh tak mai a ni thei mai ang em ? Chuloah chuan kan Education Department ah Principal tha tak tak College ah kan nei tawh a. Education leh SCERT-ah te pawh mifel tak tak kan nei tawh a. Khatiang hun laklawha charge la mai tur Secretariat a tul em em mai han pawhpen kha chuan kan zirlai khan entirnan Examination hunte lo ni ta se, thil a inremlo thei ang a tihte rilruah a lo lang a. Vawiinniah chuan kan pass tho ang a, mahse, a hmasa bera siamrem leh atan kan Minister hian rawn pulut leh se, tih ka ngen duh a ni. Mizoram University atanga Registrar Member a rawn nihve ai chuan Academic Officer a rawn nih chu a inhmeh zaih zawkin ka hria a. Registrar atan chuan entirnan, hun hmasa lamah chuan Mizoram University Registrar atan chuan Academician ni lemlo kha an rawn appoint mai a. IAS emaw Central Service amite pawh an awm a. Tun ami pawh hi Defence lam ami a ni a. Chuvangin Academic Officer an rawn telve kha a inhmeh zawk daih in ka ring bawh a. Chungte chu a langsar zual a ni, a dang an rawn rawt hi chu a tha khawp mai. President aiah Chairman tiha thlak te, kum bituk te pawh kum 62 an tih pawh hi a tha e. Mizoram Public Service Commission ah pawh kum 62 an ti anih chuan MBSE in kum 62 piah lam chu a theih tawh lo ang, tih pawh hi a awm khawp a ni. Chung tlangpuia chu ka ngaimawh deuh chu a ni a, ka tarlang a ni e. Pass erawh chu ka rawt a ni.

PU K.VANLALAUVA

: Pu Deputy Speaker, Minister zahawm tak chhan nghal a rem takin, nikum lamah khanin kan MBSE ho hian Matric result kha a chhuah niah House Member te min pe

a. Nidang emaw naktukah emaw nise, Matric result bu hi Memberte hi a chhuah niin min pe nghal leh thei ang em ? tih a rawn chhan nghal atan ka zawt e.

**PU C.LALRINSANGA
DEPUTY SPEAKER**

: Awle, chhanna awl tak anih beisei phawt ila. Tikhan kan sawi hona hun chu kan duh tawh ang a, kan bill neitu kan Minister zahawm tak Dr. R.Lalthangliana

sawifiah ngai laite sawifiaha wind-up paha pass pawh dil nghal mai turin ilo sawm ang.

**Dr. R. LALTHANGLIANA
MINISTER**

: Pu Deputy speaker, ka lawm e. Kan Member zahawm tak tak 6 te in an sawi a. thenkhat sawi erawh kha chu a in ang deuh vek mai a. A hnuhnung ber a kha chhan a awlsam viauin ka hria a. Kan Khawbung bialtu MLA zahawm tak kha a chhuah nia a hmu hmaia ber tur kan member te in ni ang tih kan puang anih chu. Niminah ka hrilh vek tawh a. Hei chu an rawn ti dawn a. a hmasa ber, in hmu hmasa ber ang,. Kan awm khawm lai takin a chhuak dawnin ka beisei a. Chuvang chuan in hmuh ka ring. Kha kha nisela.

Nia kan Amendment hi a buaithlak ang reng khawp mai a. Kawng lehlaah chuan thil hi a famkim hlei thei lova. Keipawh hian kan enpui ve viau a. Kan Law Department lampang pawh hi anmahni te pawh kohkhawm chang a awm a. Telephone te pawh a han rawn chang te pawh a awm a. A then laiah hi chuan Law lamah hi chuan hriat vak loh chang pawh a awm a. Rawn loh theih loh Legal Advice kan lak chang pawh a awm a. Nichina Pu Liansailova, Pu Liansuama te, a bik takin Pu Andrew te in han point out lai a pawh kha. Stated Authority Body ni sia hei chu a awm lo deuh e, tih laia pawh kha. Kei pawhin engemaw chen laia chu ka ngaihtuahna ah a awm tho a ni. Tih a kha kan share duh hrim hrim che u a ni.

Engpawh nisela khalai thu kha chu a fuh loh deuh ang a han tih laia kha dik tih lai chin thui tak ka nei tih kha kan sawi mai ang a. Sawi thui lo mai ila. Amendment te hi chu Pu Deputy Speaker, kan han practice anga hun reiloteah pawh a tih leh theih mai turah kan ngai a. engpawh nisela, khatiang zawng khan han in chhang ta mai ila. Amaherawhchu, thil lawmawm kan Member ten an rawn sawi kha a sawi lo te pawhin lawmpuia kan rin ldeuh hlek hemi kan Central Board of Secondary Education te, ICSC te, a in affiliate duh te hun rei tak kan lo tih thei lo, tun amendment a an han tel hi chu a tha kan ti khawp mai a. Mi pawh an nawr nasa. Chu chu vawiinnia Amendment a an awm ta hi thil danglam tak a ni tih hi kan repeal lduh hrim hrim a.

Tin, chu bakah chuan kum bithliah chungchang a hi danah a awm thei a. Kawng lehlahmah chuan kum 62 tih hi an tlin tho hi chuan kum 6 kha an complete dawn tihna a ni chuang lo a ninawm hman lo ang tih kha a awm thei tho a ni. A incumbent a kha ti pawhin a sawi theih tho va. Hei hi chu tunah hian a buaithlak vena chu mihring hi kan lang naupang tulh tulh mai a. Kum 60 te pawh an la fit khawp a, kum 65 te pawh fit tak tak an awm a. University pawhin Professor Teaching line-ah phei chuanin kum 65 thleng a phalsak tawh a, an la peih phei chuan tih engemaw deuh kha a awm a. Kum 70 thleng an zirtir thei ang tih provision te a la awm hial a, chuvangin Education bik hi tlein a hunte pawh hi kan han ena, engpawh nise, Mizoram Public Service Commission te nen kan tih hun chhung ang deuh khan ngaihtuahna kan nei a ni tih kha kan sawi duh a.

Tin, Secretary, MBSE Board chairman ang khan lo ti ta ila, Chairman kha lo tawp ta se, a hnu a Secretary HRD in la mai se, tih lai kha chu rare case a ni tih hi ka'n sawi duh hrim hrim a. Sorkar kan in peih chhuak hman hrim hrim zel a. Chumia a Qualification kha engemaw zawng taka

M.A. anih loh chuan tih pawh kha, hriatthiamnain government Decision ang khan kan tih mai chu a ngai ang Pu Suama han tih kha kan sawi lawk duh a, engpawh nise, thil a pawhfan thei chin lai hi awm ve turah pawh kan ngai ve hrim hrim a.

Tin, Member tena kan han ngaimawh deuhhlekk a bikin Pu Andrew an 'refoms' tih chungchang te, a resolution a chhuak ta lo kha awmin ka hria a, hemi examination kumtluana neih tur ang chi CC kha keini pawhin tha kan ti a ni. Ka hoin tumhnih kan sawi tawh a, mahse, hmuntin maia han practice khan harsatna kan nei deuh hlek a. Chuvangin kan la dai ngam chiah lova, a tha khawp mai a, advance country kan tih angah phei chuanin hei hi an hmang nasa a, hei hi sawiho tura kan chhawp thin kan la final theih loh kha a ni a, hemi reforms chungchang pawh hi ngaihtuahna kan nei chho mek a, tih kha kan sawi duh a.

Tin, kan Member thenkhat khanin Text Book Printing lam pawh in rawn sawi kai deuhva, kan Printing Minister lampang te pawhin an rawn sawi kai deuh a. Hei kan Printing Minister nen hianin kan sawi thui a, kumin Calendar lo chhuak kha in lo hmuh ka ring a. Calendar kha copy a zavai hian chhu ila a tha ang a, kan han ti a. amaherawhchu, kan Printing and Stationary lama kan Controller te leh kan Information Department lama hotu te pawh an han inhmukhawm a, a zavai kha chuanin an in huamlo deuh hlek a, engemaw zat an chhu a, an product pawh kha a tha viau a ni. Kan Printing and Stationery Department Product a kha Calendar ah khanin in lo differentiate ti mai ila, in lo ti hrang lo mai thei a, an quality kha a tha viau a ni. Amaherawhchu, tlemin hna kha a chep deuh nen khanin a zavai erawh kha chuanin kan zo lo deuh ang e an tih avangin pawn lamah khan engemaw zat kan chhuttir avangin ni e, Text Book chungchangah pawh hianin helai hi, nakinah ngaihtuahna an la nei chhunzawm turah ngai ta ila, Text Book Committee te leh engemaw hi mumal tak kan nei a.

Tin Text Corporation din tih chungchang Pu Suama han sawi kha a tha khawp mai a. Hmanniah ngaihtuahna kan nei deuh tawh a, engpawh nise, hei pawh hi kan sawi chhunzam zel turah kan ngai a ni.

Tin, Board Corporation chungchanga NEHU a Registrar-te ai chuan Academician Professor thiam te leh ltute emaw tihlai a kha, a dik viauin ka hria a. Kha kha kan lo ennawn chiang ang a, tute emaw awmsa lemlo pawhin belh dan te pawh a awmin ka ring a. Tin, Agriculture Director te leh Engineering Chief te ah khan Department hengho hi a tul lutuk amawle, kan han tih kha, sport tihte Art and Culture tihte Health tihte kha a dik viau a. Tunhma a thil lo awm tawh han in pawh hrehna deuh hleka dah te pawh a awm a ni mahna, kha kha la ennawn theih turah ka ngai. Tin, a pawimawh deuh ka tih chu Board hi ni e, an hmanlo viau lawm ni han tihlai khan an thu zing lo a ni, an thu zing lo khawp mai a, advance deuh veng vawngin an Meeting tur hi an notice a. chuvang chuanin an thut lam taka hi chu an hman viau a. Amaherawhchu ngaihtuahna hman chhunzawm kha chu a dik khawp mai a, Member zahawm tak takin an sawi kha helamah hianin hmang thei lutuk lovang tih kha chu ka ring.

Amaherawhchu entirman Health and Sport lamte, Art and Culture tihte tel ngei ngei sela ka duh kan lo la telh loh phei kha chu Environment and Forest hi a ni a. A chhan chu tuna khawvelin a buaipui ber

mai hi chu environment issue hi a ni tlat tawh mai a. Nikum October thla a, Times of India front page-a a rawn zia te kha, warning hi min pe nasa lutuk tawh a. Mihring pung zelin kan mamawh tur min pek theih loh zia leh tun atanga kum 10, a harsatna a awm tur zia. Chuvang chuan kha lama Education ti mai ang, heta

Board Text Book te leh thildang tam tak siam ten kha lampang knowledge nei kha kan Associate te pawh tul viauin ka ring a. Kan ennawn hunah hian suggestion pawh kan la inpe thei turah ka ngai a. Engpawh nisela, Pu Deputy Speaker, hei hun hman rei lutuk kha a dik lovang a. engpawh nisela, he Amendment Bill ka rawn put luh hi he House hianin min pass pui ka duh a.

Thil pakhat han chhan ngai lawk kan neih, a hmasa bera an rawn tarlan kha a awm a. Pu Chhantea khanin, chu chu autonomous district Council lai chungchang kha han chhan lawk thain ka ring a. Hei hi ka han sawi lawk duh chu Principal Act, Section I, II ah Primary Education chungchangah hian Autonomous District Council a huam lo ang, tih hi a la ding tlat mai a. Chu chu kan harsatna a ni a. Engpawh nisela, kha khan a chhang mai turah kan ngai a. chu chu kan clarify theih leh kan sawi belh ni mai sela, Pu Deputy Speaker, tichuan he kan MBSE Act Amendment Bill, 2008 siam tha tura ka rawn putluh 2nd Amendment Bill hi he House-a roreltute hian lungrual taka min pass pui turin ka sawm a ni.

**PU C. LALRINSANGA
DEPUTY SPEAKER**

: Awle, tikhan Bill neituin sawifiah ngaite a rawn sawifiah a, pass a rawn dil ta a. House ngaihnan kan la dawn a ni.

Main Body of the Bill Amendment of Section-1 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungrual takin a pass a ni. Hei hi Bill a tel a ni.

Amendment of Section 2 hi pass remti apiangin 'Remti' ti rawh ule. Remtilo kan awm em ? 'Remtilo' ti rawh ule. Awle House in lungrual takin a pass a ni. Hei hi Bill a tel a ni.

Amendment of Section 4 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungrual takin a pass a ni. Hei hi Bill a tel a ni.

Amendment Section 4 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungrual takin a pass a ni. Hei hi Bill a tel a ni.

Amendment Section 8 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a passed a ni. Hei hi Bill a tel a ni.

Amendment Section 9 hi pass remti apiangin 'remti' ti rawh ule. Remtilo chuan 'Remtilo' ti rawh ule. House in lungual takin a passed a ni. Hei hi Bill a tel a ni.

Amendment of Section 11 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a pass a ni. Hei hi Bill a tel a ni.

Amendment of Section 13 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a pass a ni. Hei hi Bill a tel a ni.

Amendment Section 14 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a pass a ni. Hei hi bill a tel a ni.

Amendment Section 15 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a pass a ni. Hei hi Bill a tel a ni.

Amendment of Section 16 hi pass remti apiangin 'Remti' ti rawh ule. Remtilo kan awm em ? 'Remtilo ti rawh ule. Awle, House in lungual takin a passed a ni. Hei hi Bill a tel a ni.

Amendment of Section 17 hi pass remtiin 'Remti' ri tawh ule. Remtilo in 'Remtilo ti rawh ule. Awle, House in lungual takin a paased a ni. Hei hi Bill a tel a ni.

Amendment of Section 21 hi passed remtiin 'Remti' ti rawh ule. Remtiloin 'Remtilo' ti rawh ule. Awle, House in lungual takin a passed a ni. Hei hi Bill a tel a ni.

Amendment of Section 22 hi pass remti apiangin 'Remti' ti rawh ule. Remtilo chuan 'Remtilo' ti rawh ule. Awle, House in lungual takin a passed a ni. Hei hi Bill a tel a ni

Amendment Section 23 hi pass remtiin 'Remti' ti rawh ule. Remtiloin 'Remtilo' ti rawh ule. Awle, House in lungual takin a passed a ni. Hei hi Bill a tel a ni.

Amendment of Section 25 hi pass remti apiangin 'Remti' ti rawh ule. Remtilo chuan 'Remtilo' ti rawh ule. House in lungual takin a passed a ni. Hei hi Bill a tel a ni.

Awle, tunah chuan Preamble Enacting Formula leh clause - I short tittle and Commencement te hi pass remti apiangin 'Remti' ti rawh ule. Remtilo in 'Remtilo' ti rawh ule. Awle, House in lungual takin a passed a ni. Hei hi Bill a tel a ni.

Awle, tikhan 'The Mizoram Board of School Education 2nd Amendment Bill, 2008 chu House in lungual takin a passed a ni.

Awle, tikhan vawiin atana kan Business chu kan zo leh ta a. Kan chawl ang a. Naktuk Nilaini Tarik 2 zing Dar 10:30 A.M. ah kan tan/thukhawm leh dawn nia.

Sitting adjourned. 4 : 23 P.M.